

182. No. 903.6.

কব্য-গ্রন্থ ।

ষষ্ঠ ভাগ ।



শ্রীরবীন্দ্রনাথ ঠাকুর ।





শ্রীমোহিত চন্দ্র সেন এম্, এ,

সম্পাদক ।

প্রকাশক—এস, সি, মজুমদার ।

২০ নং কর্ণওয়ালিস্ স্ট্রীট, কলিকাতা,

মজুমদার লাইব্রেরি ।



কলিকাতা—৩/৪ গৌরমোহন মুখার্জির স্ট্রীট,

মেট্রিকাল প্রেসে মুদ্রিত ।

১৩১০ সন ।

কাব্য-গ্রন্থ

ষষ্ঠ ভাগের সূচী ।



মরণ ।

“চিরকাল একি লীলা গো”	...	..	৩
মৃত্যুদূত	...	...	৫
বরণ	...	...	৬
অবসাদ	...	..	৭
উপহাব	...	...	৮
কোথায়	...	...	৯
শান্তি	...	...	১১
শূন্য গৃহে	...	...	১২
অজ্ঞাত বিশ্ব	...	...	১৫
ভয়ের ছায়া	...	...	১৬
অভয়	...	...	১৭
মৃত্যু-মাধুরী	...	...	১৭
স্মৃতি	...	...	১৮
বিলয়	...	...	১৯

মৃত্যুর পবে ...	..	...	২০
সিদ্ধ তরঙ্গ ...	...	...	২৫
নিষ্ঠুর সৃষ্টি ...	...	...	৩১
প্রতীক্ষা ...	..	...	৩২
ঝুলন ...	...	...	৪১
মরণ ...	...	...	৪৭
অনন্ত মরণ ...	..	...	৫৩
মৃত্যু-আসন ...	...	...	৫৫
প্রবাসের প্রেম (১)	...	...	৫৫
প্রবাসের প্রেম (২)			৫৬
“জীবনের সিংহদ্বারে পশিছু যে ক্ষণে”		...	৫৭
“মৃত্যুও অজ্ঞাত মোর ! আজি তাব তরে”		..	৫৮
প্রতীক্ষা ...	...	...	৫৯

নৈবেদ্য ।

প্রতিদিন তব গাথা ...	...	৬৩
প্রতিদিন আমি হে জীবনস্বামী...	...	৬৫
আমার এ ঘরে আপনার করে ...	...	৬৬
নিশীথ শয়নে ভেবে রাখি মনে ...	...	৬৭

তোমারি রাগিণী জীবনকুঞ্জে ...	...	৬৮
যদি এ আমার হৃদয় দুয়ার ...	...	৭০
সংসার যবে মন কেড়ে লয় ...	...	৭১
জীবনে আমার যত আনন্দ ...	...	৭২
কাব্যের কথা বাঁধা পড়ে যথা ...	...	৭৩
না বুঝেও আমি বুঝেছি তোমারে ...	...	৭৪
যারা কাছে আছে তারা কাছে থাক ...	...	৭৫
ঈশ্বারে আবৃত ঘন সংশয় ...	...	৭৭
অমল কমল সহজে জলের কোলে ...	...	৭৮
সকল গর্ভ দূর করি দিব ...	...	৭৯
তোমার অসীমে প্রাণমন লয়ে ...	...	৮০
ভক্ত কবিছে প্রভুর চরণে ...	...	৮১
অল্ল লইয়া থাকি তাই মোর ...	...	৮২
তোমার পতাকা যারে দাও তারে ...	...	৮৩
ঘাটে বসে আছি জ্ঞানমনা ...	...	৮৫
মধ্যাহ্নে নগর মাঝে পথ হতে পথে ...	...	৮৬
আজি হেমন্তের শান্তি ব্যাপ্ত চরাচরে ...	...	৮৭,
মাঝে মাঝে কতবার ভাবি কন্দহীন ...	...	৮৮
আবার আমার হাতে বীণা দাও তুমি ...	...	৮৯
এ আমার শরীরের শিরায় শিরায় ...	...	৯০

দেছে আর মনে প্রাণে হয়ে একাকার	...	৯১
রোগীর শিয়রে রাত্রে একা ছিন্ন আগি	...	৯২
কাল যবে সন্ধ্যাকালে বক্সভাতলে	...	৯৩
নানা গনি গেয়ে ফিরি নানা লোকালয়	...	৯৪
তুমি তবে এস নাথ, বস শুভক্ষণে...	...	৯৪
বৈরাগ্য সাধনে মুক্তি, সে আমার নয়	...	৯৫
তোমার ভুবন মাঝে ফিরি মুগ্ধসম...	...	৯৬
নির্জন শয়ন মাঝে কালি রাত্রিবেলা	...	৯৭
তখন করিনি নাথ কোন আয়োজন	...	৯৮
কারে দূর নাহি কর! যত করে দান	...	৯৯
কালি হাস্যে পরিহাসে গানে আলোচনে	...	১০০
কোথা হতে আসিয়াছি নাহি পড়ে মনে	...	১০১
মহারাজ, ক্ষণেক দর্শন দিতে হবে...	...	১০১
প্রভাতে যখন শয্যা উঠেছিল বাজি	...	১০২
হে রাজেন্দ্র, তব হাতে কাল অন্তহীন	...	১০৩
তোমার ঈশ্বিতথানি দেখিছু যখন	...	১০৪
তব পূজা না আনিলে দণ্ড দিবে তারে	...	১০৫
সেই ত প্রেমের গর্ভ ভক্তির গৌরব	...	১০৬
কত না তুমারপূজ আছে স্তম্ভ হয়ে	...	১০৭
মর্ত্যবাসীদের তুমি যা দিয়েছ প্রভু	...	১০৮

যে ভক্তি তোমারে লয়ে ধৈর্য্য নাহি মানে	...	১০৯
মাতৃ স্নেহ-বিগলিত স্তন্য-ক্ষীরবস	...	১১০
এ কথা স্মরণে রাখা কেনগো কঠিন	...	১১০
তোমারে বলেছে বাবা পুত্র হতে প্রিয়	...	১১১
হে অনন্ত, যেথা তুমি ধারণা-অতীত	...	১১২
একাধারে তুমি আকাশ, তুমি নীড	...	১১৩
তব শ্রেমে ধন্য তুমি কবেছ আমারে	...	১১৪
হে দূর হইতে দূর, হে নিকটতম ..	...	১১৫
হুদ্দিন ঘনায়ে এল ঘন অঙ্ককাবে...	...	১১৬
দীর্ঘকাল অনাবৃষ্টি, অতি দীর্ঘকাল	...	১১৭
আমাব এ মানসেব কানন কাঙাল	...	১১৮
এ কথা মানিব আমি এক হতে ছই	...	১১৯
সংসারে মোরে রাখিয়াছ যেই ঘবে	...	১২০

জীবন-দেবতা ।

“আজ মনে হয় সকলেরি মাঝে”	...	১২৫
উৎসব	...	১২৭
সাধনা	...	১২৯

ଆବେଦନ	...	...	...	୧୭୭
ଓଢ଼ିଆ	...	...	...	୧୭୯
ଜୀବନ-ଦେବତା	...	...	...	୧୮୨
ଅନ୍ତର୍ଗାମୀ	...	...	...	୧୮୫
ଚିତ୍ରା	...	...	...	୧୮୬
ଅନ୍ତରତମ	...	...	...	୧୮୮
ସମାପ୍ତି	...	...	...	୧୯୧

ସ୍ମରଣ ।

ଶେଷ କଥା	...	...	...	୧୯୧
ପ୍ରାର୍ଥନା	...	...	...	୧୯୮
ଆହ୍ୱାନ	...	...	...	୧୯୯
ପରିଚୟ	...	...	...	୧୯୦
ମିଳନ	...	...	...	୧୯୧
ଲକ୍ଷ୍ମୀ-ସରସ୍ୱତୀ	...	...	...	୧୯୨
ବକ୍ତା	...	...	...	୧୯୩
ନବ ପରିଗଣ	...	...	...	୧୯୪
ପୂର୍ଣ୍ଣତା	...	...	...	୧୯୫
ସାର୍ବକତା	...	...	...	୧୯୬

ସଂସ୍ଥ	...	...	...	୧୧୧
ରଚନା	...	...	...	୧୧୮
ସଙ୍କାନ	...	...	...	୧୧୯
ଅଶୋକ	...	...	...	୧୮୦
ଜୀବନ-ଲକ୍ଷ୍ମୀ	...	...	...	୧୮୧
ବସନ୍ତ	...	...	...	୧୮୨
ଓଢ଼ିଆ	...	...	...	୧୮୩
ପ୍ରେମ	...	...	...	୧୮୪
ଦୈତ୍ୟ-ରହସ୍ୟ	...	...	...	୧୮୫
ସନ୍ଧ୍ୟାଦୀପ	...	...	...	୧୮୬
ଗୋଧୂଳି	..	...	...	୧୮୭
ଜାଗରଣ	...	...	...	୧୮୮
ପୂଜା	...	...	...	୧୯୦
ସନ୍ତୋଷ	...	...	...	୧୯୧

ସରଣ ।

চিরকাল একি লীলা গো—

অনন্ত কলরোল !

অশ্রুত কোন্ গানের ছন্দে

অদ্ভুত এই দোল !

তুলিছ গো, দোঙ্গা দিতেছ !

পলকে আলোকে তুলিছ, পলকে

আঁধারে টানিয়া নিতেছ।

সমুখে যখন আসি,

তখন পলকে হাসি,

পশ্চাতে যবে ফিরে যায় দোলা

ভয়ে আঁখিজলে ভাসি !

সমুখে যেমন পিছেও তেমন,

মিছে করি মোরা গোল !

চিরকাল এক(ই) লীলা গো

অনন্ত কলরোল !

ডান হাত হতে বাম হাতে লও,

বাম হাত হতে ডানে !

নিজধন তুমি নিজেই হরিয়া

কি যে কর কেবা জানে !

কোথা বসে আছ একেলা !

সব রবিশর্শী কুড়িয়ে লইয়া

তালে তালে কর এ থেলা !

খুলে দাও ক্ষণতরে,

ত কা দাও ক্ষণপরে,

মোরা কেঁদে ভাবি আমারি কি ধন
কে লইল বুঝি হরে' ?
দেওয়া-নেওয়া তব সকলি সমান,
সে কথাটি কেবা জানে !
ডান হাত হতে বাম হাতে লও,
বাম হাত হতে ডানে ।

এইমত চলে চিরকাল গো
শুধু যাওয়া, শুধু আসা !
চির দিনরাত আপনার সাথ
আপ'নি খেলিছ পাশা !
আছে ত যেমন যা' ছিল !
হারায়নি কিছু ফুরায়নি কিছু
যে মরিল যে বা বাঁচিল !
বহি' সব স্তম্ভ দুখ
এ ভুবন হাসিমুখ !
তোমারি খেলার অনন্দে তার
ভরিয়া উঠেছে বুক !
আছে সেই আলো, আছে সেই গান,
আছে সেই ভালবাসা !
এইমত চলে চিরকাল গো
শুধু যাওয়া, শুধু আসা !

মরণ !

মৃত্যু-দূত ।

পাঠাইলে আজি মৃত্যুর দূত
আমার ঘরের দ্বারে,
তব আশ্বান করি' সে বহন
পার হয়ে এল পাবে ।

আজি এ রজনী তিমির-অঁধার,
ভয়-ভারাতুর হৃদয় আমার,
তবু দীপহাতে থুলি দিয়া দ্বার
নমিয়া লইব তারে ।

পাঠাইলে আজি মৃত্যুর দূত
আমার ঘরের দ্বারে !

পূজিব তাহারে ষোড়কর করি
 ব্যাকুল নয়ন জলে ;
 পূজিব তাহারে, পরাণের ধন
 সঁপিয়া চরণতলে !
 আদেশ পালন করিয়া তোমারি
 যাবে সে আমার প্রভাত আঁধারি',
 শূন্যভাবে বসি' তব পায়ে
 অর্পিব আপনারে !

পাঠাইলে আজি মৃত্যুর দূত
 আমার ঘরের দ্বারে !

—o—

বরণ ।

সবাই যাহারে ভালবেসেছিল
 তারে তুমি কোল দিলে—
 কারো ভালবাসা পায়নি যে জন
 তুমি তারে পরশিলে !
 ইহসংসারে ভিখারীর মত
 বঞ্চিত ছিল যে জন সত্ত

করণ হাতের মরণে তাহারে
বরণ করিয়া নিলে ।
শিরে দিলে তাব শীতল হস্ত,
ঘুঁচিল সকল জ্বালা ।
তাপিত বক্ষে পরালে তাহার
জীবন-জুড়ানো মালা ।
রাজা মহারাজ যেথা ছিল যারা
নদী গিরি বন রবি শশী তারা,
সকলের সাথে সমান করিয়া
নিলে তাবে এ নিখিলে ।

—o—

অবসাদ ।

আজি প্রভাতেও শ্রান্ত নয়নে
রয়েছে কাতর ঘোর ।
দুখ-শয্যায় করি জাগরণ
রজনী হয়েছে ভোর ।
নব ফুটন্ত ফুল-কাননের,
নব জাগ্রত শীত পবনের
সাথী হইবারে পারেনি আজিও
এ দেহ-হৃদয় মোর !

আজি মোর কাছে প্রভাত তোমার
কর গো আড়াল কর' ।

এ খেলা এ মেলা এ আলো 'এ গীত
আজি হেথা হতে হর' !

প্রভাত-জগৎ হতে মোরে ছিঁড়ি'
করুণ আঁধারে লহ মোরে ঘিরি',
উদাস হিয়ারে তুলিয়া বাঁধুক
তব স্নেহবাহু-ডোর ।

—o—

উপহার ।

সে যখন বৈঁচোঁছিল গো, তখন
বা দিয়েছে বারবার
তার প্রতিদান দিব যে এখন
সে সময় নাই আর !
রজনী তাহার হয়েছে প্রভাত,
তুমি তারে আজি লয়েছ, হে নাথ,
তোমারি চরণে দিলাম সঁপিয়া
কৃতজ্ঞ উপহার !

তার কাছে যত করেছিছু দোষ,
যত ঘটেছিল ত্রুটি

তোমা কাছে তারি মাগি লব ক্ষমা

চরণেব তলে লুটি ।

তারে যাহা কিছু দেওয়া হব নাই,

তাবে যাহা কিছু সঁপিবাবে চাই,

তোমারি পূজাব থালায় ধরিহু

আজি সে প্রেমের হাব !

—o—

কোথায় !

হায়, কোথা যাবে ।

অনন্ত অজানা দেশ, নিতান্ত যে একা তুমি,

পথ কোথা পাবে !

হায়, কোথা যাবে !

কঠিন বিপুল এ জগৎ,

খুঁজে নেয যে যাহার পথ ।

মেহের পুতলি তুমি সহসা অসীমে গিয়ে

কার মুখে চাবে ।

হায়, কোথা যাবে ।

মোরা কেহ সাথে বহিব না,

মোরা কেহ কথা কহিব না ।

নিমেষ যেমনি যাবে, আমাদের ভালবাসা

আর নাহি পাবে ।

হায়, কোথা যাবে !

মোরা বসে কাঁদিব হেথায়,

শূন্যে চেয়ে ডাকিব তোমায় ;

মহা সে বিজন মাঝে হয় ত বিলাপধ্বনি

মাঝে মাঝে গুনিবারে পাবে,

হায়, কোথা যাবে !

দেখ, এই ফুটিয়াছে কুল,

বসন্তেরে করিছে আকুল ;

পুরান' স্মৃতির স্মৃতি বাতাস আনিছে নির্ণীত

কত স্নেহ ভাবে,

হায়, কোথা যাবে !

খেলা ধূলা পড়ে না কি মনে,

কত কথা স্নেহের স্মরণে !

স্মৃতি ছুঁতে শত ফেরে সে কথা জড়িত যে রে,

সেও কি ফুরাবে !

হায়, কোথা যাবে !

চির দিন তরে হবে পর !

এ ঘর রবে না তব ঘর !

বাবা ওই কোলে যেত, তারাও পরের মত !

বারেক ফিরেও নাহি চাবে !

হায়, কোথা যাবে !

হায়, কোথা যাবে !

যাবে যদি, যাও যাও, অশ্রু তবে মুছে যাও,

এইখানে দুঃখ রেখে যাও ।

যে বিশ্রাম চেয়েছিলে, তাই যেন সেথা নিলে,

আরামে ঘুমাও !

যাবে বাদ, যাও !

— ০ —

শান্তি ।

কত রাত গিয়েছিল হায়, বয়েছিল বসন্তের বায়,

পূবের জ্বালা খানি দিখে চন্দ্রালোক পড়েছিল গায় ;

কত রাত গিয়েছিল হায়, দুব হতে বেজেছিল বাঁশি,

সুরগুলি কেঁদে ফিরেছিল বিছানার কাছে কাছে আসি !

কত রাত গিয়েছিল হায়, কোলেতে গুকান' ফুলমালা

নত মুখে উলটি পালটি চেয়ে চেয়ে কেঁদেছিল বালা !

কতদিন ভোরে শুকতারা উঠেছিল ওর আঁখি পরে,
 সমুখের কুসুমকাননে ফুল ফুটেছিল থরে থরে ।
 একটি ছেলেরে কোলে নিয়ে বলেছিল সোহাগের ভাষা,
 কাঁরে ও বা ভালবেসেছিল, পেয়েছিল কারো ভালবাসা ।
 হেসে হেসে গলাগলি করে খেলেছিল যাহাদের নিয়ে,
 আজো তারা 'ওই খেলা করে, ওর খেলা গিয়াছে ফুরিয়ে ।
 সেই রবি উঠেছে সকালে, ফুটেছে সমুখে সেই ফুল,
 ও কখন খেলাতে খেলাতে মাঝখানে ঘুমিয়ে আকুল !
 শ্রান্ত দেহ, নিষ্পন্দ নয়ন, ভুলে গেছে হৃদয়-বেদনা ।
 চূপ করে চেয়ে দেখ ওরে—থাম' থাম' হেস না, কেঁদ না !

—o—

শূন্য গৃহে ।

কে তুমি দিয়েছ স্নেহ মানব-হৃদয়ে,
 কে তুমি দিয়েছ প্রিয়জন !
 বিরহের অন্ধকারে কে তুমি কাঁদাও তারে,
 তুমিও কেন গো সাথে কর না ক্রন্দন !

প্রাণ যাহা চায় তাহা দাও বা না দাও,
 তা' বলে' কি করুণা পাব না ?

দুর্লভ ধনের তরে শিশু কঁাদে সকাতরে,
তা' বলে কি জননীর বাজে না বেদনা ?

দুর্বল মানব-হিয়া বিদীর্ণ যেথায়,
মর্ষভেদী যজ্ঞগা বিষম,
জীবন নির্ভর-হারা ধূলায় লুটায় সারা,
সেথাও কেন গো তব কঠিন নিয়ম !

সেথাও জগত তব চিরমোনী কেন,
নাহি দেয় আশ্বাসের স্মৃৎ !
ছিন্ন করি' অন্তরাল অসীম রহস্তজাল
কেন না প্রকাশ পায় গুপ্ত মেহমুখ !

ধরণী জননী কেন বলিয়া উঠে না
—করুণ মর্ষর কণ্ঠস্বর—
“আমি শুধু ধূলি নই, বৎস, আমি প্রাণময়ী
জননী, তোদের লাগি অন্তর কাতর !

“নহ তুমি পরিত্যক্ত অনাথ সন্তান
চরাচর নিখিলের মাঝে ;

তোমার ব্যাকুলস্বর উঠিছে আকাশ'পর,
তারায় তারায় তার ব্যথা গিয়ে বাজে !”

কাল ছিল প্রাণ জুড়ে, আজ কাছে নাই—
নিতান্ত সামান্য এ কি নাথ ?
তোমার বিচিত্র ভবে কত আছে কত হবে,
কোথাও কি আছে, প্রভু, হেন বজ্রপাত ?

আছে সেই সূর্যালোক, নাই সেই হাসি,
আছে চাঁদ, নাই চাঁদ মুখ !
শূন্য পড়ে আছে গেহ, নাই কেহ, নাই কেহ,
রয়েছে জীবন, নেই জীবনের স্মৃতি !

সেইটুকু মুখখানি, সেই ছুটি হাত,
সেই হাসি অধরের ধারে,
সে নহিলে এ জগৎ শুক মরু ভূমিবৎ, --
নিতান্ত সামান্য এ কি এ বিশ্বব্যাপারে ?

এ আর্ন্তস্বরের কাছে রহিবে অটুট
চৌদিকের চির-নীরবতা ?

সমস্ত মানবপ্রাণ

বেদনার কম্পমান,

নিয়মের লৌহবক্ষে বাজিবে না ব্যথা ?

—০—

অজ্ঞাত বিশ্ব ।

জন্মেছি তোমার মাঝে ক্ষণিকের তরে
 অসীম প্রকৃতি ! সরল বিশ্বাসভরে
 তবু তোরে গৃহ বলে' মাতা বলে' মানি !
 আজ সন্ধ্যাবেলা তোর নখদন্ত হানি'
 প্রচণ্ড পিশাচীকপে ছুটায় গর্জিয়া
 আপনার মাতৃবেশ শূন্যে বিসর্জিয়া
 কুটি কুটি ছিন্ন করি, বৈশাখের ঝড়ে
 ধেয়ে এলি ভয়ঙ্করী ধূলি-পক্ষ'পরে,
 তৃণসম করিবারে প্রাণ উৎপাটন !
 সভয়ে শুধাই আজি, হে মহাভীষণ,
 অনন্ত আকাশপথ রুধি' চারিধারে
 কে তুমি সহস্রবাহু ঘিরেছ আমাদের ?
 আমার ক্ষণিক প্রাণ কে এমেছে যাচি ?
 কোথা মোরে যেতে হবে, কেন আমি আছি ?

—০—

ভয়ের ছুরাশা ।

জননী জননী বলে ডাকি তোরে আসে,
 যদি জননীর মেহ মনে তোর আসে
 গুনি আর্ন্তস্বর ! যদি বাধীগীর মত
 অকস্মাৎ ভুলে গিয়ে হিংসা লোভ যত
 মানবপুত্রে কর মেহের লেহন !
 নখর লুকায়ে ফেলি' পরিপূর্ণ স্তন
 যদি দাও মুখে তুলি, চিত্রাঙ্কিত বুকে
 যদি ঘুমাইতে দাও মাথা রাখি স্নেহে !
 এমনি ছুরাশা ! আচ্ছ তুমি লক্ষ কোটি
 গ্রহতারা চন্দ্র সূর্য্য গগনে প্রকটি'
 হে মহামহিম ! তুলি' তব বজ্রমুঠি
 তুমি যদি ধর আজি বিকট জকুটি,
 আমি ক্ষীণ ক্ষুদ্র প্রাণ কোথা পড়ে আছি,
 মা বলিয়া ভুলাইব তোমারে, পিশাচী !

—o—

অভয় ।

আজি বর্ষশেষ দিনে, গুরু মহাশয়,
 কারে দেখাইছ বসে অস্ত্রিমের ভয় !

অনন্ত আশ্বাস আজি জাগিছে আকাশে,
অনন্ত জীবনধারা বহিছে বাতাসে,
জগৎ উঠেছে হেসে জাগরণ-স্বথে,
ভয় শুধু লেগে আছে তব শুষ্ক মুখে !
দেবতা রাক্ষস নহে মেলি মৃত্যুগ্রাস ;
প্রবঞ্চনা করি' তুমি দেখাইছ ত্রাস ।
বরঞ্চ ঈশ্বরে ভুলি স্বপ্ন তাহে ক্ষতি,
ভয় ঘোর অবিশ্বাস ঈশ্বরের প্রতি ।
তিনি নিজে মৃত্যুকথা ভূলায়ে ভূলায়ে
রেখেছেন আমাদের সংসার-কুলায়ে ।
তুমি কে কর্কশ কণ্ঠ তুলিছ ভয়ের ?
আনন্দই উপাসনা আনন্দময়ের ।

—০—

মৃত্যু-মাধুরী ।

পর্যাপ্ত করিছে ধীরে—হে মৃত্যু মধুর,
এই নীলাশ্বর, এ কি তব অন্তঃপুর ?
আজি মোর মনে হয় এ শ্রামলা তুমি
বিস্তার্য কোমল শয্যা পাতিয়াছ তুমি ।
জলে স্থলে লীলা আজি এই বরষার,
এই শাস্তি, এ লাবণ্য, সকলি তোমার !

মনে হয়, যেন তব মিলনবিহনে
 অতিশয় ক্ষুদ্র আমি এ বিশ্বভুবনে !
 প্রশান্ত করণ চক্ষু, প্রসন্ন অধরে
 তুমি মোরে ডাকিতেছ সর্ব চরাচরে !
 প্রথম মিলনভীতি ভেঙেছে বধূর,
 তোমার বিরাটমূর্ত্তি নিরখি মধুব ।
 সর্বত্র বিবাহবাঁশি উঠিতেছে বাজি,
 সর্বত্র তোমার ফ্রোড হেরিতেছি আজি !

—o—

স্মৃতি ।

সে ছিল আরেক দিন এই তবীপরে,
 কণ্ঠ তার পূর্ণ ছিল সুধাগীতিস্বরে ;
 ছিল তার আঁখি দুটি ঘনপদ্মচ্ছায়
 সজ্জল মেঘের মত ভরা করুণায় ।
 কোমল হৃদয়খানি উদ্বেলিত স্মৃতে,
 উচ্ছ্বসি উঠিত হাসি সরল কোঁতুকে ;
 পাশে বসি বলে যেত কলকণ্ঠকথা,
 কত কি কাহিনী তার কত আকুলতা ।
 প্রভাষে আনন্দভরে হাসিয়া হাসিয়া
 প্রভাত পাখীর মত জাগাত আসিয়া ।

স্নেহের দৌরাণ্য তার নির্ঝরের প্রায়
আমারে ফেলিত ঘেরি বিচিত্র লীলায় !
আজি সে অনন্ত বিধে আছে কোন্‌ খানে
তাই ভাবিতেছি বসি সজল নয়ানে !

—o—

বিলয় ।

যেন তার আঁখি ছুটি নবনীল ভাসে
ফুটিয়া উঠিছে আজি অসীম আকাশে ।
বৃষ্টিধৌত প্রভাতের আলোক-হিল্লোলে
অশ্রুমাখা হাসি তাব বিকাশিয়া তোলে ।
তার সেই স্নেহলীলা সহস্র আকাবে
সমস্ত জগৎ হতে ঘিরিছে আমারে ।
বরষার নদীপরে ছলছল আলো,
দূরতীরে কাননেব ছায়া কালো কালো,
দিগন্তের শ্রামপ্রান্তে শান্ত মেঘরাঙ্গি
তারি মুখখানি যেন শতরূপ সাজি ।
আঁখি তার কহে যেন মোর মুখে চাহি ,
“আজি প্রাতে সব পাখী উঠিয়াছে গাহি—
শুধু মোর কণ্ঠস্বর এ প্রভাত বায়ে
অনন্ত জগৎমাঝে গিয়াছে হারিয়ে ।”

মৃত্যুর পরে ।

আজিকে হয়েছে শাস্তি জীবনের ভুলত্রাস্তি সব গেছে চুকে !
 যাত্রিদিন ধুক্ধুক্ তরঙ্গিত হুঃখ সুখ থামিয়াছে বুকে !
 যত কিছু ভালমন্দ, যত কিছু দ্বিধাদ্বন্দ্ব কিছু আর নাই !
 বল শাস্তি, বল শাস্তি, দেহসাথে সব ক্লাস্তি হয়ে যাক্ ছাই !

গুঞ্জরি' করুণ তান ধীরে ধীরে কর গান বসিয়া শিয়রে !
 যদি কোথা থাকে লেশ জীবন-স্বপ্নের শেষ তাও যাক্ মরে !
 তুলিয়া অঞ্চলখানি মুখপরে দাও টানি, ঢেকে দাও দেহ !
 করুণ মরণ যথা ঢাকিয়াছে সব ব্যথা, সকল সন্দেহ !

বিশ্বের আলোক যত দিগ্ধিদিকে অবিরত যাইতেছে বয়ে',
 শুধু ওই আঁখি পরে নামে তাহা স্নেহভরে অন্ধকার হয়ে ।
 জগতের তন্ত্রীরাজি দিনে উচ্ছে উঠে বাজি রাত্রে চুপে চুপে,
 সে শব্দ তাহার পরে চুপ্তনের মত পড়ে নীরবতা রূপে !

মিছে আনিয়াছ আজি বসন্ত কুসুমরাজি দিতে উপহার !
 নীরবে আকুল চোখে ফেলিতেছ বৃথা শোকে নয়নাশ্রুধার !
 ছিলে যারা রোষভরে বৃথা এত দিন পরে করিছ মাৰ্জ্জনা !
 অসীম নিস্তব্ধ দেশে চিররাত্রি পেয়েছে সে অনন্ত সান্ত্বনা !

গিয়াছে কি আছে বসে, জাগিল কি ঘুমাল সে কে দিবে উত্তর ?
 পৃথিবীর শ্রান্তি তারে তাজিল কি একেবারে, জীবনের অব ?
 এখনি কি দুঃখ সূখে কর্মপথ অভিমুখে চলেছে আবার ?
 অস্তিত্বের চক্রতলে একবার বাঁধা পলে পায় কি নিস্তার ?

বসিষা আপন দ্বারে ভালমন্দ বল তাবে যাহা ইচ্ছা তাই !
 অনন্ত জনমমাঝে গেছে সে অনন্ত কাজে, সে আর সে নাট !
 আর পরিচিত মুখে তোমাদের হুখে সূখে আসিবে না ফিরে,
 তবে তার কথা থাক্ যে গেছে সে চলে যাক্ বিশ্বতীর তীরে !

জানিনা কিসের তরে যে যাহার কাজ কবে সংসাবে আসসা,
 ভাল মন্দ শেষ করি যায জীব জন্মতরী কোথায় ভাসিয়া !
 দিয়ে যায় বত যাহা রাখ তাহা ফেল তাহা যা ইচ্ছা তোমার !
 সে ত নহে বেচা-কেনা, ফিবিবে না, ফেবাবে না জন্ম-উপহার !

কেন এই আনাগোনা, কেন মিছে দেখাশোনা হৃদিনের তবে ;
 কেন বুকভরা আশা, কেন এত ভালবাসা অন্তরে অন্তরে ;
 আয়ু বার এতটুক্, এত দুঃখ এত সূখ কেন তার মাঝে ;
 অকস্মাৎ এ সংসারে কে বাঁধিয়া দিল তারে শত লক্ষ কাজে ;

হেথায যে অসম্পূর্ণ, সহস্র আঘাতে চূর্ণ বিদীর্ণ বিকৃত
কোথাও কি একবার সম্পূর্ণতা আছে তার জীবিত কি মৃত ,
জীবনে যা প্রতিদিন ছিল মিথ্যা অর্পহীন ছিল ছড়াছড়ি
মৃত্যু কি ভরিয়া সাজি তবে গাঁথিয়াছে আজি অর্থ পূর্ণ করি ;

হেথা যারে মনে হয় শুধু বিফলতাময় অনিত্য চঞ্চল
সেথায় কি চুপে চুপে অপূর্ব নূতনরূপে হয় সে সফল ,
চিরকাল এই সব রহস্য আছে নীরব রুদ্ধ গুপ্তাধর,
জন্মান্তের নব প্রাতে সে হয়ত আপনাতে পেয়েছে উত্তর !

সে হয়ত দেখিয়াছে পড়ে বাহা ছিল পাছে আজি তাহা আগে ;
ছোট বাহা চিরদিন ছিল অন্ধকারে লীন, বড় হয়ে জাগে ;
যেথায় ঘুণার সাথে মাহুস আপন হাতে লেপিয়াছে কালী
নূতন নিয়মে সেথা জ্যোতির্ময় উজ্জলতা কে দিয়াছে জালি ।

কত শিক্ষা পৃথিবীর থসে পড়ে জীর্ণচীর জীবনের সনে,
সংসারের লজ্জাভর নিমেষেতে দগ্ধ হয় চিতা-হতাশনে ;
সকল অভ্যাস-ছাড়া সর্ব আবরণ-হারা সদাশি শুসম
নয়মূর্তি মরণের নিষ্কলঙ্ক চরণের সম্মুখে প্রণম' !

আপন মনের মত সঙ্কীর্ণ বিচার যত রেখে দাও আজ !
 ভুলে যাও কিছুক্ষণ প্রত্যাহের আয়োজন, সংসারের কাজ !
 আজি ক্ষণেকের তরে বসি বাতায়নপরে বাহিরেতে চাহ !
 অসীম আকাশ হতে বহিয়া আসুক শ্রোতে বৃহৎ প্রবাহ !

উঠিছে ঝিল্লির গান, তরুর মর্ম্মর তান, নদীকলস্বর,
 প্রহরের আনাগোনা যেন রাত্রে যায় শোনা আকাশের পর !
 উঠিতেছে চরাচরে অনাদি অনন্তস্বরে সঙ্গীত উদার
 সে নিত্য-গানের সনে মিশাইয়া লহ মনে জীবন তাহার !

বার্ণাশ্রম সমস্ত বিষে দেখে তারে সর্বদৃশ্যে বৃহৎ করিয়া ;
 জীবনের ধূলি ধুয়ে দেখে তারে দূরে থুয়ে সম্মুখে ধরিয়া !
 পলে পলে দণ্ডে দণ্ডে ভাগ করি খণ্ডে খণ্ডে মাপিয়া না তারে
 থাক্ তব ক্ষুদ্র মাপ, ক্ষুদ্র পুণ্য ক্ষুদ্র পাপ সংসারের পারে !

আজ বাদে কাল যাবে ভুলে যাবে একেবারে পরের মতন
 তারে লয়ে আজি কেন বিচার বিরোধ হেন, এত আলাপন ।
 যে বিশ্ব কোলের পরে চির দিবসের তরে তুলে নিল তারে
 তার মুখে শব্দ নাহি, প্রশান্ত সে আছে চাহি ঢাকি আপনারে !

বুখা তারে প্রাণ করি, বুখা তার পাষে ধরি, বুখা মরি কেঁদে;—
 খুঁজে ফিরি অশ্রুজলে কোন্ অঞ্চলের তলে নিয়েছে সে বৈধে ;
 ছুটিয়া মৃত্যুর পিছে ফিরে নিতে চাহি মিছে ; সে কি আমাদের ?
 পলেক বিচ্ছেদে হয় তখনি ত বুখা যায় সে যে অনন্তেব !

চক্ষের আড়ালে গাঠি কত ভয় সংখ্যা নাট, সহস্র ভাবনা !
 মুহূর্ত্ত মিলন হলে টেনে নিই বুক কোলে, অভূত কামনা !
 পার্শ্বে বসে ধরি মুষ্টি, শব্দমাত্রে কেঁপে উঠি, চাহি চারিভিতে
 অনন্তের ধনটিরে আপনার বুক চিরে চাহি লুকাইতে !

হায়রে নির্বোধ নর কোথা গোব আছে ঘর কোথা তোর স্থান !
 শুধু তোর ওইটুকু অতিশয় ক্ষুদ্র বুক ভয়ে কম্পমান !
 উর্দ্ধে ওই দেখ চেয়ে সমস্ত আকাশ ছেয়ে অনন্তের দেশ,
 সে যখন একধারে লুকায়ে রাখবে তারে পাবি কি উদ্দেশ ?

যা হবার তাই হোক, ঘুচে যাক সর্বশোক, সর্ব মরোচিকা !
 নিবে যাক চিরদিন পরিশ্রান্ত পরিক্ষীণ মর্ত্য জন্ম-শিখা !
 সব তর্ক হোক শেষ, সব রাগ সব দ্বेष, সকল বালাই !
 বল শাস্তি বল শাস্তি দেহ সাথে সব ক্লান্তি পুড়ে হোক ছাই !

সিন্ধু-তরঙ্গ ।

(পুরী-তীর্থযাত্রী তরঙ্গীর নিমজ্জন উপলক্ষে)

দোলারে প্রলয় দোলে অকূল সমুদ্র কোলে
 উৎসব ভীষণ !
 শত পক্ষ কাপটিয়া বেড়াইছে দাপটিয়া
 দুর্দম পবন ।
 আকাশ সমুদ্র সাথে প্রচণ্ড মিলনে মাতে,
 অখিলের আঁখিপাতে আববি তিমির ।
 বিদ্বাৎ চমকে ত্রাসি', হা হা করে ফেণরাশি
 তীক্ষ্ণ শ্বেত রুদ্ধ হাসি জড়-প্রকৃতির ।
 চক্ষুহীন কণ্ঠহীন গেহহীন স্নেহহীন
 মত্ত দৈত্যগণ
 মরিতে ছুটেছে কোথা, ছিঁড়েছে বন্ধন ।

হারাইয়া চাবিধার নীলাশ্বধি অন্ধকার
 কল্লোলে, ক্রন্দনে,
 বোষে, ত্রাসে, উর্দ্ধ্বাশে, অট্টরোলে, অট্টহাসে,
 উন্মাদ গর্জনে,
 কাটিয়া ফুটিয়া উঠে, চূর্ণ হয়ে' বাঘ টুটে
 খুঁজিয়া মরিছে ছুটে' আপনান কূল,

যেন রে পৃথিবী ফেলি বাসুকী করিছে কোল
 সহস্রৈক ফণা মেলি, আছাড়ি লাঙ্গুল ।
 যেন রে তরল নিশি টলমলি দশদিশি
 উঠেছে নাড়িয়া,—
 আপন নিদ্রার জাল ফেলিছে ছিঁড়িয়া ।

নাই সুর নাই ছন্দ, অর্থহীন নিরানন্দ
 জড়ের নর্তন !
 সহস্র জীবনে বেঁচে' কেই কি উঠেছে নেচে'
 প্রকাণ্ড মরণ ?
 জল বাষ্প বজ্র বায়ু লভিয়াছে অন্ধ আয়ু,
 নূতন জীবন-স্নায়ু টানিছে হতাশে,
 দিগ্বিদিক নাহি জানে, বাধা বিঘ্ন নাহি মানে
 ছুটেছে প্রলয়পানে আপনার আসে ।
 হের, মাঝখানে তারি আটশত নরনারী
 বাহু বাধি' বুকে,
 প্রাণে আঁকাড়িয়া প্রাণ, চাহিয়া সম্মুখে ।

তরগী ধরিয়া ঝাঁকে, রাক্ষসী ঝটিকা হাঁকে
 “দাও, দাও, দাও !”

সিদ্ধু ফেনোচ্ছল-ছলে কোটি উর্জকরে বলে

“দাও, দাও, দাও !”

বিলম্ব দেখিয়া রোষে ফেনায়ে’ ফেনায়ে’ ফৌসে,

নীল মৃত্যু মহাক্রোশে শ্বেত হয়ে’ উঠে ।

ক্ষুদ্র তরী গুরুভার সহিতে পারে না আর

লৌহবক্ষ ওই তার যায় বুঝি টুটে’ !

অধউর্জ এক হয়ে’ ক্ষুদ্র এ খেলেনা লয়ে’

খেলিবারে চায় ।

দাঁড়াইয়া কর্ণধার তরীর মাথায় ।

নরনারী কম্পমান ডাকিতেছে ভগবান্,

হায় ভগবান্ !

দয়া কর’, দয়া কর’, উঠিছে কাতর স্বর,

রাখ’ রাখ’ প্রাণ !

কোথা সেই পুরাতন রবি শশী তারাগণ,

কোথা আপনার ধন ধরণীব কোল !

অজন্মের স্নেহসার কোথা সেই ঘরদ্বার !

পিশাচী এ বিমাতার হিংস্র উতরোল !

যে দিকে ফিরিয়া চাই পরিচিত কিছু নাই,

নাই আপনার ;

সহস্র করাল মুখ সহস্র আকার ।

উঠিছে আকাশপরে দিক্ হতে দিগন্তরে
 কার্ অট্টহাস !
 নাই তুমি, ভগবান্, নাই দয়া, নাই প্রাণ,
 জড়ের বিলাস !
 ভয় দেখে' ভয় পায়, শিশু কাদে উভরায় ;
 নিদারুণ হায় হায় থামিল চকিতে ।
 নিমেষেই ফুরাইল, কখন জীবন ছিল
 কখন জীবন গেল নারিল লখিতে ।
 যেন রে একই ঝড়ে নিবে গেল একত্তরে
 শত দীপ-আলো,
 চকিতে সহস্র গৃহে আনন্দ ফুরালো !

প্রাণহীন এ মরুতা না জানে পরের ব্যথা,
 না জানে আপন ।
 এব মাঝে কেন রষ ব্যথা-ভরা স্নেহময়
 মানবেব মন !
 মা কেন বে এইখানে, শিশু চায় তার পানে,
 ভাই সে ভাষেব টানে কেন পড়ে বুকে !
 মধুর রবির কবে কত ভালবাসাভরে
 কত দিন খেলা করে কত স্নেহে ছুখে !

কেন করে টলমল ছুটি ছোট অশ্রুজল,
সকল আশা !
দীপশিখা সম কাঁপে ভীত ভালবাসা !

এমন জড়ের কোলে কেমনে নির্ভবে দোলে
নিখিল মানব !
সব সুখ সব আশা কেন নাহি করে গ্রাস
মরণ দানব !
ওই যে জন্মের তরে জননী কাঁপিয়ে পড়ে
কেন বাঁধে বক্ষপরে সন্তান আপন !
মরণের মুখে ধায়, সেথাও দিবে না তাষ,
কাড়িয়া রাখিতে চায় হৃদয়ের ধন !
আকাশেতে পারাবারে দাঁড়ায়েছে এক ধারে
একধারে নারী,
হুর্কল শিশুটি তাব কে লইবে কাড়ি ?

এ বল কোথায় গেল ! আপন কোলের ছেলে
এত করে' টানে !

এ নিষ্ঠুর জড়-শোণে প্রেম এল কোথা হতে

নৈরাশ্র কভু না জানে, বিপত্তি কিছু না মানে
 অপূর্ব অমৃতপানে অনন্ত নবীন
 এমন মায়ের প্রাণ যে বিশ্বের কোনোখান্
 তিলেক পেয়েছে স্থান সে কি মাতৃহীন ?
 এ প্রলয়-মাবথানে অবলা জননীপ্রাণে
 স্নেহ মৃত্যুজয়ী ,
 এ স্নেহ জাগায়ে রাখে কোন্ স্নেহময়ী ?

পাশাপাশি একঠাঁই দয়া আছে, দয়া নাই,
 বিষম সংশয় ।
 মহাশঙ্কা মহা আশা একত্র বেঁধেছে বাসা
 এক সাথে রয় ।
 কেবা সত্য, কেবা মিছে, নিশিদিন আকুলিছে
 কভু উর্ধ্বে কভু নীচে টানিছে হৃদয় ।
 জড় দৈত্য শক্তি হানে, মিনতি নাহিক মানে,
 প্রেম এসে কোলে টানে দূর করে ভয় !
 এ কি ছুই দেবতার দূত-থেলা অনিবার
 ভাঙা-গড়াময় ?
 চিরদিন অন্তহীন জয় পরাজয় ?

নিষ্ঠুর সৃষ্টি ।

মনে হয় সৃষ্টি বুঝি বাঁধা নাই নিয়ম-নিগড়ে,
 আনাগোনা মেলামেশা সবি অন্ধ দৈবের ঘটনা ।
 এই ভাঙে, এই গড়ে, এই উঠে, এই পড়ে,
 কেহ নাই চেয়ে দেখে কার কোথা বাজিছে বেদনা ।

মনে হয়, যেন ওই অব্যাহত শূন্যতলপথে
 অকস্মাৎ আসিয়াছে সৃজনের বহা ভগানক ;
 অজ্ঞাত শিখর হতে সহসা প্রচণ্ড স্রোতে
 ছুটে আসে সূর্য্য চন্দ্র, ধেয়ে আসে লক্ষ কোটি লোক ।

কোথায় পড়েছে আলো, কোথাও বা অন্ধকার নিশি,
 কোথাও সফেন শুভ্র, কোথাও বা আবর্ত্ত অবিণ,
 সৃজনে প্রলয়ে মিশি' আক্রমিছে দশদিশি,
 অনন্ত প্রাণান্ত শূন্য তরঙ্গিয়া করিছে ফেনিল ।

মোরা শুধু খড়কুটো স্রোতোমুখে চলিয়াছি ছুটি,
 অন্ধ পলকের তবে কোথাও দাঁড়াতে নাই ঠাঁই ।
 এই ডুবি, এই উঠি, বুবে' বুবে' পড়ি লুটি,
 এই যারা কাছে আসে, এই তারা কাছাকাছি নাই ।

সৃষ্টি-শ্রোত-কোলাহলে বিলাপ শুনিবে কেবা কার !

আপন গর্জনে বিশ্ব আপনারে করেছে বধির ।

শত কোটি হাহাকার কলধ্বনি রচে তার,
পিছু ফিরে চাহিবার কাল নাই, চলেছে অধীর ।

হায় স্নেহ, হায় প্রেম, হায় তুই মানব হৃদয়,
খসিয়া পড়িলি কোন্ নন্দনের তটতরু হতে ?

যার লাগি সদা ভয়, পরশ নাহিক সয়,
কে তারে ভাসালে হেন জড়ময় সৃজনের শ্রোতে ?

তুমি কি শুনিছ বসি হে বিধাতা, হে অনাদি কবি,
ক্ষুদ্র এ মানব শিশু রচিতেছে প্রলাপ জল্পনা ?

সত্য আছে শুধু ছবি যেমন উষার রবি,
নিম্নে তারি ভাঙে গড়ে মিথ্যা যত কুহক কল্পনা ।

—o—

প্রতীক্ষা ।

ওরে মৃত্যু, জানি তুই আমার বন্ধের মাঝে

বৈধেচ্ছিনু বাসা,

যেখানে নির্জন কুঞ্জে ফুটে আছে যত মোর

স্নেহ ভালবাসা,

গোপন মনের আশা, জীবনের দুঃখ স্বথ,
 মর্শের বেদনা,
 চির দিবসের যত হাসি-অশ্রু-চিহ্ন-আঁকা
 বাসনা সাধনা ,
 যেখানে নন্দন ছাষে নিঃশঙ্কে করিছে থেলা
 অস্তুরেব ধন,
 স্নেহের পুতলিগুলি, আজন্মের স্নেহস্মৃতি,
 আনন্দ-কিরণ ,
 কত আলো, কত ছায়া, কত ক্ষুদ্র বিহঙ্গের
 গীতিময়ী ভাষা,—
 ওরে মৃত্যু, জানিয়াছি, তাবি মাঝখানে এসে
 বেঁধেছিলাম বাসা !

নিশিদিন নিরন্তর জগৎ জুড়িয়া থেলা
 জীবন-চঞ্চল !
 চেয়ে দেখি রাজপথে চলেছে অশ্রাস্তগতি
 যত পাশ্চদল ,
 রৌদ্রপাণ্ডু নীলাবরে পাখীগুলি উড়ে যায়
 প্রাণপূর্ণ বেগে,

সমীরকম্পিত বনে নিশিশেষে নব নব
 পুষ্প উঠে জেগে ;
 চারিদিকে কত শত দেখাশোনা আনাগোনা
 প্রভাতে সন্ধ্যায়,
 দিনগুলি প্রতি প্রাতে খুলিতেছে জীবনের
 নূতন অধ্যায় ;
 তুমি শুধু এক প্রান্তে বসে আছ অহর্নিশ
 স্তব্ধ নেত্র খুলি,—
 মাঝে মাঝে রাত্রিবেলা উঠ পক্ষ ঝাপটিয়া
 বক্ষ উঠে ছলি' !

যে অদূর সমুদ্রের পরপার রাজ্য হতে
 আসিয়াছি হেথা,
 এনেছ কি সেথাকার নূতন সংবাদ কিছু
 গোপন বারতা !
 সেথা শব্দহীন তীরে উর্মিগুলি তালে তালে
 মহামন্ত্রে বাজে,
 সেই ধ্বনি কি করিয়া ধ্বনিয়া তুলিছ মোর
 ক্ষুদ্র বক্ষ মাঝে !

রাত্রিদিন ধুক্ধুক্ হৃদয়পঙ্কর-তটে
 অনন্তের ঢেউ
 অবিশ্রাম বাজিতেছে সুগম্ভীর সমতানে
 শুনিছে না কেউ !
 আমার এ হৃদয়ের ছোটখাট গীতগুলি,
 স্নেহ-কলরব,
 তারি মাঝে কে আনিল দিশাহীন সমুদ্রের
 সঙ্গীত ভৈরব !

তুই কি বাসিন্দা ভাল আমার এ বক্ষবাসী
 পরাগ-পক্ষীরে ?
 তাই এর পাশে এসে কাছে বসেছিলু ঘেঁষে
 অতি ধীরে ধীরে !
 দিনরাত্রি নির্নিমেষে চাহিয়া নেত্রের পানে
 নীরব সাধনা,
 নিস্তরু আসনে বসি একাগ্র আগ্রহভরে
 রুদ্র আরাধনা !
 চপল চঞ্চল প্রিয়া ধরা নাহি দিতে চায়
 স্থির নাহি থাকে,

মেলি নানাবর্ণ পাখা উড়ে উড়ে চলে যায়

নব নব শাথে ;

তুই তবু একমনে মৌনব্রত একাসনে

বসি নিরলস ।

ক্রমে সে পড়িবে ধরা, গীত বন্ধ হয়ে যাবে,

মানিবে সে বশ !

তখন কোথায় তারে ভুলায়ে লইয়া যাবি

কোন্ শূন্যপথে !

অচৈতন্য প্রেমসীবে অবহেলে লয়ে কোলে

অন্ধকার রথে !

যেথায় অনাদি রাত্রি রয়েছে চির-কুমারী,—

আলোক পরশ

একটি রোমাঞ্চ-রেখা আঁকেনি তাহার গাত্রে

অসংখ্য বরষ ;

স্বপ্ননের পরপ্রান্তে যে অনন্ত অন্তঃপুরে

কভু দৈববশে

দূরতম জ্যোতিষ্কের ক্ষীণতম পদধ্বনি

তিল নাহি পশে ;

সেথায় বিরাট পক্ষ দিবি তুই বিস্তারিয়া
 বন্ধন-বিহীন,
 কাঁপবে বক্ষের কাছে নবপরিণীতা বধু
 নূতন স্বাধীন !
 ক্রমে সে কি ভুলে যাবে ধরণীর নীড়খানি
 ভূণে পড়ে গাঁথা,
 এ আনন্দ-স্বর্য়ালোক, এই স্নেহ, এই গেহ,
 এই পুষ্পপাতা ?
 ক্রমে সে প্রণয়ভরে তোরেও কি করি লবে
 আত্মীয় স্বজন ?
 অন্ধকার বাসরেতে হবে কি দুজনে মিলি
 মৌন আলাপন ?
 তোর স্নিগ্ধ স্নগস্তীর অচঞ্চল প্রেমমূর্তি,
 অসীম নির্ভর,
 নির্ণিমেষ নীলনেত্র, বিশ্বব্যাপ্ত জটাজুট,
 নির্ঝাক্ অধর ;
 তার কাছে পৃথিবীর চঞ্চল আনন্দগুলি
 তুচ্ছ মনে হ'বে,
 সমুদ্রে মিশিলে নদী বিচিত্র তটের স্মৃতি
 স্মরণে কি র'বে ?

ওগো মৃত্যু, ওগো প্রিয়, তবু থাক্ কিছুকাল
ভুবন-মাঝারে !

এরি মাঝে বধুবেশে অনন্ত বাদর দেশে
লইযো না তাবে ।

এখনো সকল গান কবে নি সে সমাপন
সঙ্কায় প্রভাতে ,

নিজের বক্ষেব তাপে আতপ্ত কোমল নীড়ে
সুপ্ত আছে রাতে ;

পাছ-পাখীদের সাথে এখনো যে যেতে হবে
নব নব দেশে,

সিঙ্হুতীরে কুঞ্জবনে নব নব বসন্তের
আনন্দ-উদ্দেশে ,

ওগো মৃত্যু কেন তুই এখনি তাহার নীড়ে
বসেছিস্ এসে ?

তার সব ভালবাসা আঁধাব করিতে চাস্
তুই ভালবেসে ?

এ যদি সত্যই হয় মৃত্তিকার পৃথীপরে
মুহূর্তের খেলা.

এই সব মুখোমুখী এই সব দেখাশোনা
 ক্ষণিকের মেলা,
 প্রাণপণ ভালবাসা সেও যদি হয় শুধু
 মিথ্যার বন্ধন,
 পরশে খসিয়া পড়ে, তার পরে দণ্ড ছুই
 অরণ্যে ক্রন্দন,
 তুমি শুধু চিরস্থায়ী, তুমি শুধু সীমান্ত
 মহা পরিণাম,
 যত আশা যত প্রেম তোমার তিমিরে লভে
 অনন্ত বিশ্রাম,
 তবে মৃত্যু, দূরে যাও, এখনি দিয়োনা ভেঙে
 এ খেলার পুরী,
 ক্ষণেক বিলম্ব কর, আমার ছ'দিন হতে
 করিয়ো না চুরী ।

একদা নামিবে সন্ধ্যা, বাজিবে আরতি শব্দ
 অদূর মন্দিরে,
 বিহঙ্গ নীরব হবে, উঠিবে ঝিল্লির ধ্বনি
 অরণ্য গভীরে,

সমাপ্ত হইবে কৰ্ম্ম, সংসার-সংগ্রামশেষে
 জয় পরাজয়,
 আসিবে তজ্জার ঘোর পাঙ্কজ নয়ন'পরে
 ক্লান্ত অতিশয়,
 দিনান্তের শেষ আলো দিগন্তে মিলায়ে যাবে,
 ধরণী আঁধার,
 সূদূরে জলিবে শুধু অনন্তের যাত্রাপথে
 প্রদীপ তারার,
 শিয়রে শয়ন-শেষে বসি যারা অনিমেষে
 তাহাদের চোখে
 আসিবে শ্রান্তির ভার নিদ্রাহীন যামিনীতে
 স্তিমিত আলোকে,—

একে একে চলে যাবে আপন আলয়ে সবে
 সখাতে সখীতে,
 তৈলহীন দীপশিখা নিবিয়া আসিবে ক্রমে
 অর্দ্ধ রজনীতে,
 উচ্ছসিত সমীরণ আনিবে স্নগন্ধ বহি'
 অদৃশ্য ফুলের,

অন্ধকার পূর্ণ কবি আসিবে তবঙ্গধ্বনি
 অজ্ঞাত কুলেব,
 অগো মৃত্যু সেই লগ্নে নির্জন শয়নপ্রান্তে
 এসো বববেশে,
 আমার পবাণ-বধু ক্লান্ত হস্ত প্রসাবিয়া
 বহু ভালবেসে
 ধবাবে তোমার বাহু, তখন তাহারে তুমি
 মস্ত পড়ি নিষো,
 বক্তিম অধব তাব নিবিড় চুসন দানে
 পাণ্ডু কবি দিষো ।

—০—

ঝুলন ।

আমি পবাণের সাথে খেলিব আজিকে
 মবণ খেলা
 নিশীথ বেলা ।
 সঘন ববষা গগন আঁধাব
 হেব বাবিধাবে কাঁদে চাবিধাব,
 ভীষণ বঙ্গে ভব তবঙ্গে
 ভাসাই ভেলা ,

বাহির হয়েছি স্বপ্ন শয়ন
করিয়া হেলা,
রাত্রি বেলা !

ওগো পবনে গগনে সাগরে আজিকে
 কি কল্লোল !
 দে দোল্ দোল্ !
পশ্চাৎ হতে হাহা ক'রে হাসি'
মত্ত ঝটিকা চৈলা দেয় আসি'
যেন এ লক্ষ যক্ষ শিশুর
 অট্ট রোল !
আকাশে পাতালে পাগলে মাতালে
 হট্ট গোল !
 দে দোল্ দোল্ !

আজি জাগিয়া উঠিয়া পরাণ আমার
 বসিয়া আছে
 বুকের কাছে ।
থাকিয়া থাকিয়া উঠিছে কাঁপিয়া,
ধরিছে আমার বক্ষ চাপিয়া,

নিষ্ঠুর নিবিড় বন্ধনস্থে
হৃদয় নাচে,
আসে উল্লাসে পরাণ আনার
ব্যাকুলিয়াছে
বুকের কাছে ।

হায়,
এতকাল আমি রেখেছি তাকে
যতন ভরে
শয়ন পরে ।
বাখা পাছে লাগে, ছুখ পাছে জাগে
নিশিদিন তাই বহু অমুরাগে
বাসর-শয়ন করেছে রচন
কুসুম থরে,
ছয়ার কথিয়া রেখেছি তাকে
গোপন ঘরে
যতনভরে !

কত
সোহাগ করেছে চুম্বন করি
নয়ন পাতে
স্নেহের সাথে ।

শুনিয়েছি তারে মাথা রাখি পাশে
 কত প্রিয়নাম মৃদু মধুভাষে,
 গুঞ্জর তান করিয়াছি গান
 জ্যোৎস্না রাতে,
 যা কিছু মধুর দিয়েছিলু তার
 দুখানি হাতে
 স্নেহের সাথে !

শেষে সুখের শয়নে শ্রান্ত পরাণ
 আলসরসে,
 আবেশবশে ।
 পরশ করিলে জাগে না সে আর
 কুসুমের হার লাগে গুরুভার,
 বুমে জাগরণে মিশি একাকার
 নিশি দিবসে ;
 বেদনাবিহীন অসাড়ি বিরাগ
 মরমে পশে
 আবেশ বশে ।

চালি' মধুরে মধুর বধুরে আমার

হারাই বুঝি,
 পাইনে খুঁজি ।
 বাসরের দীপ নিবে নিবে আসে,
 বাকুল নয়নে হেরি চারি পাশে
 শুধু রাশি বাশি শুক কুসুম
 হয়েছে পুঁজি !
 অতল স্বপ্ন-সাগরে ডুবিয়া
 মরি যে যুঝি
 কাহারে খুঁজি ।

তাহ ভেবেছি আজিকে খেলিতে হইবে
 নূতন খেলা
 রাত্রি বেলা !
 মরণ-দোলায় ধরি বসিগাছি
 বসিব ছুজনে বড় কাছাকাছি,
 বজ্রা আসিয়া অটু হাসিয়া
 মারিবে ঠেলা,
 আমাতে প্রাণেতে খেলিব ছুজনে
 ঝুলন খেলা
 নিশীথ বেলা !

দে দোল্ দোল্ ।

দে দোল্ দোল্ !

এ মহাসাগরে তুফান তোল্ !

বধুরে আমার পেয়েছি আবার

ভরেছে কোল !

প্রিয়ারে আমার তুলেছে আগায়ে

প্রলয় রোল !

বক্ষ-শোণিতে উঠেছে আবার

কি হিলোল !

ভিতরে বাহিরে জেগেছে আমার

কি কল্লোল !

উড়ে কুন্তল উড়ে অঞ্চল,

উড়ে বনমালা বায়ু-চঞ্চল,

বাজে কঙ্কণ বাজে কিঙ্কিণী

মত্ত বোল !

দে দোল্ দোল্ !

আয় রে ঝঞ্ঝা, পরাণ বধূর

আবরণরাশি করিয়া দে দুয়,

করি লুণ্ঠন অবশুষ্ঠন-

বসন খোল্!

দে দোল্ দোল্!

প্রাণেতে আমাতে মুখোমুখি আজ

চিনি লব দৌহে ছাড়ি ভয় লাজ,

বন্ধে বন্ধে পরশিব দৌহে

ভাবে বিভোল্!

দে দোল্ দোল্!

স্বপ্ন টুটিয়া বাহিরেছে আজ

ছুটো পাগোল্!

দে দোল্ দোল্!

—○—

মরণ ।

অত চুপিচুপি কেন কথা কও

ওগো মরণ, হে মোর মরণ!

অতি ধীরে এসে কেন চেয়ে রও,

ওগো এ কি প্রণয়েরি ধরণ?

যবে সঙ্ক্যাবেলায় ফুলদল

পড়ে ক্লান্তবৃন্তে নমিয়া,

যবে ফিরে আসে গোঠে গাভীদল

সারা দিনমান মাঠে ভ্রমিয়া,

তুমি পাশে আসি বস অচপল
 ওগো অতি মৃদুগতি-চরণ !
 আমি বুঝি না যে কি যে কথা কও,
 ওগো মরণ, হে মোর মরণ !

হায় এমনি করে কি, ওগো চোর,
 ওগো মরণ, হে মোর মরণ !
 চোখে বিছাটয়া দিবে ঘুমঘোর
 করি হৃদিতলে অবতরণ !
 তুমি এমনি কি ধরে দিবে দোল
 মোর অবশ বক্ষশোণিতে ?
 কাণে বাজাবে ঘুমের কলরোল
 তব কিকিণি-রণরণিতে ?
 শেষে পসারিয়া তব হিমকোল
 মোরে স্বপনে করিবে হরণ ?
 আমি বুঝি না যে বেন আস-যাও
 ওগো মরণ, হে মোর মরণ !

কহ মিলনের এ কি রীতি এই,
 ওগো মরণ, হে মোর মরণ !

তব সমাবোহভাব কিছু নেই
 নেই কোন মঙ্গলাচরণ ?
 তব পিঙ্গলছবি মহাজট
 সে কি চূড়া কবি ঝাঁপা হবে না ?
 তব বিজযোদ্ধত ধ্বজপট
 সে কি আগে-পিছে কেহ ব'বে না ?
 তব মশাল-আলোকে নদীতট
 আঁখি মেলিবে না বাঙাবরণ ?
 ত্রাসে কঁপে উঠিবে না ধবাতল
 ওগো মরণ, হে মোব মরণ ?

যবে বিবাহে চলিলা বিলোচন
 ওগো মরণ, হে মোব মরণ ।
 তাঁব কতমত ছিল আয়োজন,
 ছিল কতশত উপকরণ ।
 তাঁর লটপট কবে বাঘছাল,
 তাঁব বৃষ বহি রহি গবজে,
 তাঁব বেঁঠন কবি জটাজাল
 যত ভুজঙ্গদল তরজে ।

তঁার ববম্ববম্ বাজে গাল
 দোলে গলাষ কপালাভরণ,
 তঁার বিষণ্ণে ফুকারি উঠে তান
 ওগো মরণ, হে মোর মরণ !

শুনি শ্মশানবাসীর কলকল
 ওগো মরণ, হে মোর মরণ !
 স্মৃথে গৌরীর আঁখি ছলছল
 তঁার কাঁপিছে নিচোলাবরণ !
 তঁার বাম আঁখি ফুরে থরথর
 তঁার হিয়া ছুরুছুরু ছুলিছে,
 তঁার পুলকিত তনু জরজর
 তঁার মন আপনারে ভুলিছে !
 তঁার মাতা কাঁদে শিরে হানি কর,
 ক্কাপা বরেবরে করিতে বরণ,
 তঁার পিতা মনে মানে পরমাদ
 ওগো মরণ, হে মোর মরণ !

তুমি চুরি করি কেন এস চোর
 ওগো মরণ, হে মোর মরণ !

শুধু নীববে কখন নিশি ভোব,
 শুধু অশ্রু-নিঝর-ঝরণ !
 তুমি উৎসব কব সারারাত
 তব বিজয়শঙ্খ বাজায় !
 মোবে কেড়ে লও তুমি ধরি হাত
 নব বস্ত্রবসনে সাজায় !
 তুমি কাবে করিয়ো না দৃক্পাত
 আমি নিজে লব তব শরণ,
 যদি গৌববে মোরে লয়ে যাও
 ওগো মরণ, হে মোর মরণ ।

যদি কাজে থাকি আমি গৃহমাক
 ওগো মরণ, হে মোর মরণ,—
 তুমি ভেঙে দিয়ো মোর সব কাজ,
 কোরো সব লাজ অপহরণ !
 যদি স্বপনে মিটায় সব সাধ
 আমি শুয়ে থাকি সুখশয়নে,
 যদি হৃদয়ে জড়ায় অবসাদ
 থাকি আধজাগরুক নয়নে,—

তবে শব্দে তোমার তুলো নাদ
করি প্রলয়শ্বাস ভরণ,
আমি ছুটিয়া আসিব ওগো নাথ
ওগো মরণ, হে মোর মরণ !

আমি যাব, যেথা তব তরী রয়
ওগো মরণ, হে মোর মরণ,
যেথা অকূল হইতে বায়ু বয়
করি আঁধারের অম্লসরণ !
যদি দেখি ঘনঘোর মেঘোদয়
দূর ঈশানের কোণে আকাশে,
যদি বিদ্যুৎফণী জ্বালাময়
তার উদ্যত ফণা বিকাশে,
আমি ফিরিব না করি মিছা ভয়
আমি করিব নীরবে তরণ
সেই মহাববসার রাঙা জল
ওগো মরণ, হে মোর মরণ !

অনন্ত মরণ ।

কোটি কোটি ছোট ছোট মরণেরে ল'য়ে
 বসুন্ধরা ছুটিছে গগনে,
 অঞ্জলি ভরিয়া বিশ্ব মৃত্যু-উপহার,
 ঢালিতেছে কাহার চরণে ।
 এ ধরণী মরণের পথ,
 এ জগৎ মৃত্যুর জগৎ !

যতটুকু বর্তমান, তাইই কি বল প্রাণ ?
 সে ত শুধু পলক নিমেষ !
 অতীতের মৃত ভার পৃষ্ঠেতে র'য়েছে তার,
 কোথাও নাহিক তার শেষ !
 যত বর্ষ বেঁচে আছি তত বর্ষ ম'রে গেছি,
 মরিতেছি প্রতি পলে পলে,
 জীবন্ত মরণ মোরা, মরণের ঘরে থাকি,
 জানিনে মরণ কারে বলে !
 তাই আমি ভাবি ব'সে, (হাসি আপনার মনে)
 মৃত্যুরে হেরিয়া কেন কাঁদি ?
 জীবন ত মৃত্যুর সমাধি !

হে মৃত্যু করুণাময় তোমারি হৃদয়
 অন্তহীন এ বিশ্বজগৎ—
 তুমি চল আগে আগে মোরা যাই পিছে পিছে
 নহিলে কে খুঁজে পাবে পথ !
 আমরা খেলায় ভুলে বসি পথতরুণী,
 উঠে যেতে মন নাহি সরে,
 তুমি হেসে কাছে এসে ঢাকিয়া অঞ্চলশেষে
 ভুলে নিয়ে যাও কোলে করে ।
 হাসি কান্দি ভয় করি কৈপে মরি থরথরি
 অসীমের কথা কেবা জানে !
 আমাদের বাহা ভালো, বেথা গতি যেথা আলো
 তুমি নিয়ে বাও সেটখানে ।
 যেতে যেতে মহা পথে তুচ্ছ করি একধাবে
 ফেলিয়ো না শিলাখণ্ডসম ;
 পলে পলে তিলে তিলে সীমাহীন এ নিখিলে
 ব্যাপ্ত করি দাও প্রাণ মম ।
 অণুমাত্র জীব আমি কণামাত্র ঠাঁই ছেড়ে
 যেতে চাই চরাচরময়
 এ আশা হৃদয়ে জাগে তোমারি আশ্বাসবলে
 মরণ, তোমার হোক জয় ।

মৃত্যু-আসন ।

ক্রমে ম্লান হয়ে আসে নয়নের জ্যোতি
 নখন তারায় ; বিপুল এ বসুমতী
 দীপ্তি মিলাইয়া আসে ছায়ার মতন
 লগ্নে তার সিঁধু শৈল কান্তার কানন ,
 বিচিত্র এ বিশ্বগান ক্ষীণ হয়ে বাজে
 ঈজিয়বীণাব স্তম্ভ শততন্ত্রীমাঝে ;
 বর্ণে বর্ণে সুবাসিত বিশ্বচিত্রখানি
 ধীরে ধীরে মূছ হস্তে লও তুমি টানি'
 সর্বদা হৃদয় হতে ; দীপ্ত দীপাবলী
 ইজিয়ব দ্বাবে দ্বারে ছিল বা উজ্জলি'
 দাও নিবাইয়া ; তার পরে অন্ধরাত্রে
 যে নিশ্চল মৃত্যুশয্যা পাত নিজ হাতে
 সে বিশ্বভুবনহীন নিঃশব্দ আসনে
 একা তুমি বস আসি পরম নির্জনে !

—o—

প্রবাসের প্রেম ।

১

সেত সেদিনের কথা, বাকাহীন যবে
 এসেছিছু প্রবাসীর মত এই ভগ্নে

বিনা কোন পৰিচয়, বিস্তৃত শূন্যহাতে,
 একমাত্র ক্রন্দন সম্বল ল'য়ে সাথে !
 আজ সেখা কি কবিতা মালুসেব প্রীতি
 কণ্ঠ হ'তে টানি লয় যত মোব গীতি !
 এ ভুবনে মোর চিত্তে অতি অল্পস্থান
 নিয়েছ, ভুবননাথ ! সমস্ত এ প্রাণ
 সংসাবে কবেছ পূর্ণ । পাদপ্রান্তে তব
 প্রতাহ যে ছন্দে বাঁধা গীত নব নব
 দিতোছ অঞ্জলি, তাও তব পূজাশেষে
 লবে সবে তোমা সাথে মোবে ভালবেসে
 এই আশাখানি মনে আছে অবিচ্ছেদে ।
 যে প্রবাসে বাথ সেখা প্রেমে বাথ বেঁধে ।

২

নব নব প্রবাসেতে নব নব লোকে
 বাঁধবে এমনি প্রেমে । প্রেমের আলোকে
 বিকশিত হব আমি ভুবনে ভুবনে
 নব নব পুষ্পদলে , প্রেম আকর্ষণে
 যত গুচ্ছ মধু মোব অন্তরে বিলসে
 উঠিবে অক্ষয় হ'য়ে নব নব বসে

বাহিরে আসিবে ছুটি,—অন্তহীন প্রাণে
নিখিল জগতে তব প্রেমের আছানে
নব নব জীবনের গন্ধ যাব বেথে',
নব নব বিকাশের বর্ণ যাব ঐকে ।
কে চাহে সঙ্কীর্ণ অন্ধ অমবতা কূপে
এক ধরাতল মাঝে শুধু এককূপে
কাঁচিয়া থাকিতে ? নব নব মৃত্যুপথে
তোমারে পুজিতে বাব জগতে জগতে ।

জীবনের সিংহদ্বারে পশিছু বে ক্ষণে
এ আশ্চর্য্য সংসারের মহা নিকেতনে,
সে ক্ষণ অজ্ঞাত মোর । কোন শক্তি মোরে
ফুটাইল এ বিপুল রহস্যের ক্রোড়ে
অর্ধরাত্রি মহাবণে মুকুলের মত ?
তবু ত প্রভাতে শির করিষা উন্নত
যখনি নয়ন 'মেলি' নিরখিছু ধরা
কনককিরণ-গাথা নীলাম্বর-পরা,
নিরখিছু স্নেহে দুঃখে খচিত সংসার,
তখনি অজ্ঞাত এই বহুস্ত অপার

নিমেষেই মনে হল মাতৃবক্ষসম
 নিতাস্তই পরিচিত একান্তই মম !
 রূপহীন জ্ঞানাতীত ভীষণ শক্তি
 ধরেছে আমার কাছে জননী মুরতি !

মৃত্যুও অজ্ঞাত মোর ! আজি তার তরে
 ক্ষণে ক্ষণে শিহরিয়া কাঁপিতেছি ডরে !
 সংসারে বিদায় দিতে আঁখি ছলছলি'
 জীবন আঁকড়ি' ধরি আপনার বলি'
 হুই ভুজ্জে !

ওরে মৃঢ়, জীবন সংসার
 কে করিয়া রেখেছিল এত আপনার
 জনম-মুহূর্ত্ত হতে তোমার অজ্ঞাতে,
 তোমার ঈচ্ছার পূর্বে ? মৃত্যুর প্রভাতে
 সেই অচেনার মুখ হেরিবি আবার
 মুহূর্ত্তে চেনার মত ! জীবন আমার
 এত ভালবাসি বলে হয়েছে প্রত্যয়
 মৃত্যুরে এমনি ভালবাসিব নিশ্চয় !
 স্তন হতে তুলে নিলে কাঁদে শিশু ডরে,
 মুহূর্ত্তে আশ্বাস পায় গিয়ে স্তনাস্তরে !

প্রতীক্ষা ।

প্রেম এসেছিল, চলে গেল সে যে খুলি' দ্বার,

আর কভু আসিবে না ।

বার্কি আছে শুধু আরেক অতিথি আসিবার

তারি সাথে শেষ চেনা ।

সে আসি' প্রদীপ নিবাইয়া দিবে একদিন,

তুলি' ল'বে মোরে রথে ।

নিযে যাবে মোরে গৃহ হ'তে কোন্ গৃহহীন

গ্রহতারকার পথে !

হৃৎকাল আমি একা বসি' র'ব, খুলি' দ্বার,

কাজ করি' ল'ব শেষ ।

দিন হ'বে যবে আরেক অতিথি আসিবার

পাবে না সে বাধাশেষ !

পূজা-আরোহণ সব সারা হ'বে একদিন,

প্রস্তুত হ'য়ে র'ব,

নীববে বাড়ায়ে বাছ-ছুটি সেই গৃহহীন

অতিথিরে বসি' ল'ব !

যে জন আজিকে ছেড়ে' চলে' গেল খুলি' দ্বার,

সেই ব'লে গেল ডাকি',

মোছ আঁখিজল, আরেক অতিথি আসিবার

এখনো রয়েছে বাকি !

সেই ব'লে গেল, গাঁথা সেরে নিয়ো একদিন

জীবনের কাঁটা বাছি',

নবগৃহমাঝে বহি' এনো, তুমি গৃহহীন,

পূর্ণ মালিকাগাছি !

ନୈବେଦ୍ୟ ।

প্রতিদিন তব গাথা

গাব আমি হুমধুর,

তুমি মোরে দাও কথা,

তুমি মোরে দাও স্বর !

তুমি যদি থাক মনে

বিকচ কমলাসনে,

তুমি যদি কর প্রাণ

তব প্রেমে পরিপূর !

প্রতিদিন তব গাথা

গাব আমি হুমধুর !

তুমি যদি শোন গান

আমার সমুখে থাকি,

হৃথ যদি করে দান

তোমার উদার আঁখি,

তুমি যদি দুখপরে

রাখ হাত মেহভরে,

তুমি যদি হৃথ হতে

দস্ত করহ দূর—

প্রতিদিন তব গাথা

গাব আমি হুমধুর !

নৈবেদ্য ।

১

প্রতিদিন আমি হে জীবনস্বামী
দাঁড়াব তোমারি সম্মুখে !
করি যোড়কব হে ভুবনেশ্বর
দাঁড়াব তোমারি সম্মুখে ।

তোমার অপাব আকাশেব তলে
বিজনে বিবলে হে—
নত্ন হৃদয়ে নয়নেব জলে
দাঁড়াব তোমারি সম্মুখে !

তোমারি বিচিত্র এ ভব সংসারে
কর্ম্ম-পারাবার-পারে হে,
নিখিল জগত-জনের মাঝারে
দাঁড়াব তোমারি সম্মুখে !

তোমার এ ভবে মোর কাজ যবে
সমাপন হবে হে
ওগো রাজরাজ একাকী নীরবে
দাঁড়াব তোমাবি সম্মুখে !

২

আমাব এ ঘরে আপনার কবে
গৃহদীপখানি জ্বালো !
সব দুখশোক সার্থক হোক
লভিয়া তোমারি আলো !

কোণে কোণে যত লুকান আঁধার
মরুক ধস্তা হয়ে
তোমারি পুণ্য আলোকে বসিয়া
প্রিয়জনে বাসি ভালো !
আমার এ ঘরে আপনার করে
গৃহদীপখানি জ্বালো !

পরশ-মণির প্রদীপ তোমার
অচল তার জ্যোতি,

সোনা করে নিক্ পলকে আমার
সব কলঙ্ক কালো !

আমার এ ঘরে আপনার করে
গৃহদীপখানি জ্বালো !

আমি যত দীপ জ্বালি, শুধু তার
জ্বালা আর শুধু কালী,
আমার ঘরের দুয়ারে শিয়রে
তোমারি কিরণ ঢালো !

আমার এ ঘরে আপনার করে
গৃহদীপখানি জ্বালো !

৩

নিশীথশয়নে ভেবে রাখি মনে
ও গো অন্তরযামী,
প্রভাতে প্রথম নয়ন মেলিয়া
তোমারে হেরিব আমি,
ওগো অন্তরযামী !

জাগিয়া বসিয়া শুভ্র আলোকে,
তোমার চরণে নমিয়া পূলকে,

মনে ভেবে রাখি দিনের কৰ্ম
তোমাতে সঁপিব স্বামী,
ওগো অন্তর্যামী !

দিনের কৰ্ম সাধিতে সাধিতে
ক্ষণে ক্ষণে ভাবি মনে
কৰ্ম-অন্তে সন্ধ্যাবেলায়
বসিব তোমার সনে ।

সন্ধ্যাবেলায় ভাবি বসে ঘরে
তোমার নিশীথ-বিরাম-সাগরে
শ্রান্ত প্রাণের ভাবনা বেদনা
নীরবে যাইবে নামি,
ওগো অন্তর্যামী !

8

তোমারি রাগিণী জীবনকুঞ্জে
বাজে যেন সদা বাজে গো !
তোমারি আসন হৃদয়পদ্মে
বাজে যেন সদা বাজে গো !

তব নন্দন-গন্ধমোদিত
ফিরি সুন্দর ভুবনে,
তব পদরেণু মাখি লয়ে তনু
সাজে যেন সদা সাজে গো !

তোমারি রাগিণী জীবনকুঞ্জে
বাজে যেন সদা বাজে গো !

সব বিদেহ দূরে যায় যেন
তব মঙ্গলমস্ত্রে,
বিকাশে মাধুরী হৃদয়ে বাহিরে
তব সঙ্গীত-ছন্দে !
তব নিশ্চল নীরব হাত
হেরি অম্বর ব্যাপিয়া,
তব গোরবে সকল গর্ব
লাজে যেন সদা লাজে গো !

তোমারি রাগিণী জীবনকুঞ্জে
বাজে যেন সদা বাজে গো !

৫

যদি এ আমার হৃদয় হুয়ার
বন্ধ রয়ে গো কভু,
দ্বার ভেঙে তুমি এস মোর প্রাণে
ফিরিয়া যেয়োনা প্রভু !

যদি কোন দিন এ বীণার তারে
তব প্রিয়নাম নাহি ঝঙ্কারে,
দয়া করে তুমি ক্ষণেক দাঁড়ায়ে
ফিরিয়া যেয়োনা প্রভু !

তব আঁহানে যদি কভু মোর
নাহি ভেঙে যায় স্তম্ভির বোর
বজ্রবেদনে জাগায়ো আমায়,
ফিরিয়া যেয়োনা প্রভু !

যদি কোন দিন তোমার আসনে
আর কাহারেও বসাই যতনে,
চির দিবসের হে রাজা আমার
ফিরিয়া যেয়োনা প্রভু !

৬

সংসার যবে মন কেড়ে লয়

জাগে না যখন প্রাণ

তখনো হে নাথ প্রণমি তোমায়

গাহি বসে তব গান !

অস্তুরযামী ক্ষম সে আমার

শূন্তমনের বৃথা উপহার,

পুষ্পবিহীন পূজা-আয়োজন

ভক্তিবিহীন তান,

সংসার যবে মন কেড়ে লয়

জাগে না যখন প্রাণ !

ডাকি তব নাম গুহ্য কর্ণে,

আশা করি প্রাণপণে

নি বিড় প্রেমের সরস বরষা

যদি নেমে আসে মনে !

সহসা একদা আপনা হইতে

ভরি দিবে তুমি তোমার অমৃতে

এই ভরসায় করি পদতলে

শূন্ত হৃদয় দান,

সংসার যবে মন কেড়ে লয়

জাগে না যখন প্রাণ !

৭

জীবনে আমার যত আনন্দ

পেয়েছি দিবসরাত

সবার মাঝারে তোমারে আজিকে

অরিব জীবননাথ ।

যে দিন তোমার জগৎ নিরখি

হরষে পরাণ উঠেছে পুলকি’,

সেদিন আমার নয়নে হয়েছে

তোমারি নয়নপাত ।

সব আনন্দ মাঝারে তোমারে

অরিব জীবননাথ !

বার বার তুমি আপনার হাতে

স্বাদে গন্ধে ও গানে

বাহির হইতে পরশ করেছ

অস্তর-মাঝখানে ।

পিতা মাতা ভ্রাতা প্রিয় পরিবার,
মিত্র আমার, পুত্র আমার,
সকলের সাথে হৃদয়ে প্রবেশি

তুমি আছ মোর সাথ !

সব আনন্দ মাঝারে তোমারে

স্মরিব জীবনমাথ !

৮

কাব্যের কথা বাঁধা পড়ে যথা

ছন্দের বাঁধনে,

পরানে তোমায় ধরিয়া রাখিব

সেই মত সাধনে !

কাঁপায়ে আমার হৃদয়ের সীমা
বাজ্জিবে তোমার অসীম মহিমা,
চিরবিচিত্র আনন্দরূপে

ধরা দিবে জীবনে,

কাব্যের কথা বাঁধা পড়ে যথা

ছন্দের বাঁধনে !

আমার তুচ্ছ দিনের কণ্ঠে
 তুমি দিবে গরিমা,
 আমার তনুর অণুতে অণুতে
 রবে তব প্রতিমা ।
 সকল প্রেমের স্নেহের মাঝারে
 আসন সঁপিব হৃদয়-রাজারে,
 অসীম তোমার ভুবনে রহিয়া
 রবে মম ভবনে,

কাব্যের কথা বঁধা রহে যথা

ছন্দের বাঁধনে !

৯

না বুঝেও আমি বুঝেছি তোমারে
 কেমনে কিছু না জানি ।
 অর্থের শেষ পাই না, তবুও
 বুঝেছি তোমার বাণী ।

নিশ্বাসে মোর নিমেষের পাতে,
 চেতনা বেদনা ভাবনা আঘাতে,
 কে দেয় সর্ব্বশরীরে ও মনে
 তব সংবাদ আনি !

না বুঝেও আমি বুঝেছি তোমারে
কেমনে কিছু না জানি !

তব রাজত্ব লোক হতে লোকে,
সে বারতা আমি পেয়েছি পলকে
হৃদিমাবে যবে হেরেছি তোমাব
বিশ্বের রাজধানী ।

না বুঝেও আমি বুঝেছি তোমারে
কেমনে কিছু না জানি !

আপনার চিতে নিবিড় নিভূতে
যেথায় তোমারে পেয়েছি জানিতে
সেথায় সকলি স্থির নির্বাক

ভাষা পরাস্ত মানি ।

না বুঝেও আমি বুঝেছি তোমাবে
কেমনে কিছু না জানি !

১০

যারা কাছে আছে তারা কাছে থাক্,
তারা ত পাবে না জানিতে
তাহাদের চেয়ে তুমি কাছে আছ
আমার হৃদয়খানিতে !

যায়া কথা বলে তাহারা বলুক,
 আমি কাহারেও করি না বিমুখ,
 তারা নাহি জানে ভরা আছে প্রাণ
 তব অকথিত ব-ণীতে !

নীরবে নিয়ত রয়েছ আমার
 নীরব হৃদয়খানিতে !
 তোমার লাগিয়া কারেও হে প্রভু,
 পথ ছেড়ে দিতে বলিব না কভু,
 যত প্রেম আছে সব প্রেম মোরে
 তোমাপানে রবে টানিতে ।
 সকলেব প্রেমে রবে তব প্রেম
 আমার হৃদয়খানিতে ।

সবার সহিতে তোমার বঁধন
 হেরি যেন সদা এ মোর সাধন,
 সবার সঙ্গে পারে যেন মনে
 তব আরাধনা আনিতে !
 সবার মিলনে তোমার মিলন
 জাগিবে হৃদয়খানিতে ।

১১

আঁধারে আবৃত ঘন সংশয়
বিস্তারিছে গ্রাস,
তাবি মাঝখানে সংশয়াতীত
প্রত্যয় করে বাস ।

বাক্যেব ঝড়, তর্কেব ধূলি,
অন্ধবুদ্ধি ফিরিছে আকুলি,
প্রত্যয় আছে আপনার মাঝে
নাহি তার কোন ভ্রাস ।

সংসারপথে শত সঙ্কট
ঘুরিছে ঘূর্ণবায়ে
তারি মাঝখানে অচলা শাস্তি
অমব তরুচ্ছায়ে ।

নিন্দা ও ক্ষতি মৃত্যু বিরহ
কত বিষবাণ উড়ে অহরহ
স্থির ধোয়াসনে চির আনন্দ
তাহার নাহিক নাশ ॥

১২

অমল কমল সহজে জলের কোলে
 আনন্দে রহে ফুটিয়া ;
 ফিরিতে না হয় আশ্রয় কোথায় বলে'
 ধুলায় ধুলায় লুটিয়া !
 তেমনি সহজে আনন্দে হরষিত
 তোমার মাঝারে রব নিমগ্ন চিত্ত,
 পূজা-শতদল আপনি সে বিকশিত
 সব সংশয় টুটিয়া !

কোথা আছ তুমি পথ না খুঁজিব কভু,
 গুধাব না কোন পথিকে
 তোমারি মাঝারে ভ্রমিব ফিরিব প্রভু
 যখন ফিরিব যদিকে ।
 চলিব যখন তোমার আকাশ-গেহে
 তব আনন্দপ্রবাহ লাগিবে দেহে,
 তোমার পবন সখার মতন স্নেহে
 বন্ধে আসিবে ছুটিয়া ।

১৩

সকল গৰ্জ দূর কবি দিব,
তোমাব গৰ্জ ছাড়িব না !
সবাবে ডাকিয়া কহিব, যে দিন
পাব তব পদ-রেখুকণা !

তব আহ্বান আসিবে যখন
সে কথা কেমনে করিব গোপন ?
সকল বাক্যে সকল কশ্মে
প্রকাশিবে তব আবোধনা ।

সকল গৰ্জ দূর করি দিব,
তোমাব গৰ্জ ছাড়িব না !

যত মান আমি পেয়েছি যে কাজে
সে দিন সকলি যাবে দূরে ।
শুধু তব মান দেহে মনে মোব
বাজিয়া উঠিবে এক সুরে ।
পথের পথিক সেও দেখে যাবে
তোমাব বারতা মোব মুখভাষে,
ভবসংসার-বাতায়নতলে
বসে রব যবে আনমনা !

সকল গৰ্জ দূর করি দিব,
তোমার গৰ্জ ছাড়িব না ।

১৪

তোমার অসীমে প্রাণমন লয়ে
যত দূরে আমি যাই
কোথাও ছঃখ কোথাও মৃত্যু
কোথা বিচ্ছেদ নাই ।

মৃত্যু সে ধরে মৃত্যুর রূপ,
ছঃখ সে হয় ছঃখের কূপ
তোমা হতে যবে স্বতন্ত্র হয়ে
আপনার পানে চাই ।

হে পূর্ণ তব চরণের কাছে
যাহা কিছু সব আছে আছে আছে,
নাই নাই ভয় সে শুধু আমারি
নিশি দিন কাঁদি তাই ।

অন্তর-প্লানি, সংসার-ভার
পলক ফেলিতে কোথা একাকার,

তোমার স্বরূপ জীবনের মাঝে
রাখিবারে যদি পাই ।

১৫

ভক্ত করিছে প্রভুব চরণে
জীবন সমর্পণ,
ওবে দীন তুই ঘোড় কর কবি
কব্ তাহা দরশন !

মিলনের ধারা পড়িতেছে ঝবি,
বহিয়া যেতেছে অমৃত লহরী,
ভূতলে মাথাটি রাখিয়া, লহ বে
গুভাশিষ বরিষণ !

ভক্ত করিছে প্রভুর চরণে
জীবন সমর্পণ !

ওই যে আলোক পড়েছে তাঁহাব
উদার ললাটদেশে
সেথা হতে তারি একটি রশ্মি
পড়ুক্ মাথায় এসে !

চারি দিকে তাঁর শাস্তিনাগর
 স্থির হয়ে আছে ভরি চরাচর,
 ক্ষণকালতরে দাঁড়াওরে তীরে
 শান্ত কররে মন !

ভক্ত করিছে প্রভুর চরণে
 জীবন সমর্পণ !

১৬

অল্ল লইয়া থাকি, তাই মোব
 যাহা যায় তাহা যায় !
 কণাটুকু যদি হারায় তা' লয়ে
 প্রাণ করে হায় হায় !

নদীতটসন্ন কেবলি বুথাই
 প্রবাহ আঁকড়ি রাখিবারে চাই,
 একে একে বৃকে আঘাত করিয়া
 ঢেউগুলি কোথা ধায় !

অল্ল লইয়া থাকি, তাই মোর
 যাণা যায় তাহা যায় !

যাহা যায় আব যাহা কিছু থাকে

সব যদি দিই সঁপিষা তোমাকে

তবে নাহি ক্ষয়, সবি জেগে বয়

তব মহা মহিমায় !

তোমাতে বয়েছে কত শশিভানু,

কভু না হাবায় অণু পবমাণু ,

আমাব ক্ষুদ্র হাবাধনগুলি

ববে না কি তব পায় ?

অন্ন লইয়া থাকি, তাই মোব

যাহা যায় তাহা যায় ।

১৭

তোমার পতাকা যারে দাও, তারে

বহিবারে দাও শক্তি !

তোমার সেবাব মহৎ প্রয়াস

সহিবাবে দাও ভক্তি !

আমি তাই চাট ভবিয়া পবাণ

ছঃখেবি সাথে ছঃখেব ত্রাণ,

তোমার হাতের বেদনার দান

এড়ায়ে চাহি না মুক্তি !

রুধ হবে মোর মাথার মাণিক

সাথে যদি দাও ভক্তি !

যত দিতে চাও কাজ দিয়ে, যদি

তোমায়ে না দাও ভুলিতে,—

অস্তর যদি জড়াতে না দাও

জাল-জালগুলিতে !

বাধিয়ে আমায় যত খুসি ডোরে,

মুক্ত রাখিয়ে তোমা পানে মোরে,

ধুলায় রাখিয়ে, পবিত্র করে'

তোমার চরণ ধুলিতে !

ভুলায়ে রাখিয়ে সংসার তলে,

তোমায়ে দিয়েনা ভুলিতে !

যে পথে ঘুরিতে দিয়েছ ঘুরিব,

যাই যেন তব চরণে !

সব শ্রম যেন বহি লয় মোরে

সকল-শ্রান্তি-হরণে !

দুর্গম-পথ এ ভব-গহন,
কত ত্যাগ শোক বিরহদহন,
জীবনে মরণ করিয়া বহন
প্রাণ পাই যেন মরণে !
সন্ধ্যাবেলায় লভি গো কুলায়
নিখিল-শরণ-চরণে !

১৮

ঘাটে বসে আছি আন-মনা,
যেতেছে বহিয়া স্নসময় !
এ বাতাসে তরী ভাসাব না
তোমা পানে যদি নাহি বয় !
দিন যায় ও গো দিন যায়,
দিনমণি যায় অশ্রুতে !
নাহি হেরি বাট, দূরতীরে মাঠ
ধূসর গোধূলি-ধূলিময় !

ঘরের ঠিকানা হলনা গো !
মন কবে তবু যাই যাই !

ঞ্জবতারা তুমি যেথা জাগো
 সে দিকের পথ চিনি নাই !
 এতদিন তরী বাহিলাম,
 বাহিলাম তরী যে পথে
 শতবার তরী ডুবু ডুবু করি'
 সে পথে ভরসা নাই পাই !

তীর সাথে হের শত ডোরে
 বাঁধা আছে মোর তরীধান !
 রসি খুলে দেবে কবে মোরে
 ভাসিতে পারিলে বাঁচে প্রাণ !
 কোথা বুকজোড়া খোলা হাওয়া,
 সাগরের খোলা হাওয়া কই !
 কোথা মহাগান ভরি দিবে কান,
 কোথা সাগরের মহাগান

১৯

মধ্যাহ্নে নগরমাঝে পথ হতে পথে
 কৰ্ম্মবত্না ধায় যবে উদ্বেলিত স্রোতে

শত শাখা প্রশাখা ,—নগবেব নাড়ী
উঠে স্নীত তপ্ত হয়ে, নাচে সে আছাড়ি
পাষণ ভিত্তি পবে ; চৌদিক আকুলি
ধায় পান্থ, ছুটে বথ, উড়ে গুঞ্চ ধূলি,

তখন সহসা হেবি মুদিয়া নয়ন
মহা জনাবণ্যমাঝে অনন্ত নির্জন
তোমাব আসনখানি,—কোলাহলমাঝে
তোমাব নিঃশব্দ সভা নিস্তকে বিবাজে ।
সব দুঃখে সব স্নেহে, সব ঘরে ঘবে,
সব চিন্তে, সব চিন্তা সব চেষ্টা পরে
যতদূর দৃষ্টি যায় শুধু যায় দেখা
হে সঙ্গবিহীন দেব, তুমি বসি একা ।

আজি হেমন্তেব শাস্তি ব্যাপ্ত চবাচবে ।

জনশূন্য ক্ষেত্রমাঝে দীপ্ত দ্বিপ্রহবে
শব্দহীন গতিহীন স্তব্ধতা উদ্যাব

রয়েছে পড়িয়া শ্রাস্ত দিগন্ত প্রসার
 স্বর্ণগ্রাম ডানা মেলি । ক্ষণ নদীরেখা
 নাহি কবে গান আজি, নাহি লেখে লেখা
 বালুকার তটে । দূরে দূরে পল্লী যত
 মুদিত নয়নে স্নোদ্র পোছাইতে রত
 নিদ্রায় অলস ক্রান্ত । এই শুক্লতায়

শুনিতেছি তুণে তুণে, ধূলায় ধূলায়,
 ঘোর অঙ্গে রোমে রোমে, লোকে লোকান্তরে
 গ্রহেশ্বর্যে তারকায় নিতাকাল ধরে’
 অণু পরমাণুদের নৃত্যকলরোল,—
 তোমার আসন ঘেরি অনন্ত কল্লোল !

২১

মাঝে মাঝে কতবার ভাবি কৰ্ম্মহীন
 আজ নষ্ট হল বেলা, নষ্ট হল দিন ।
 নষ্ট হয় নাই, প্রভু, সে সকল ক্ষণ,
 আপনি তাদের তুমি করেছ গ্রহণ

ওগো অন্তর্যামী দেব ! অন্তবে অন্তবে
 গোপনে প্রচ্ছন্ন বহি' কোন্ অবসবে
 বীজে অঙ্কুরকণে তুলেছ জাগায়ে,
 মুকুলে প্রস্ফুটবর্ণে দিয়েছ বাঙায়ে,
 ফুলেরে কবেছ ফ। বসে স্তম্ভধুব,
 বীজে পরিণত-গভ। আমি নিদ্রাতুর
 আলস্ত-শয্যাব পশ্বে শ্রান্তিতে মবিয়া
 ভেবেছিলাম সব কৰ্ম বহিল পড়িয়া !
 প্রভাতে জাগিয়া উঠি মেলিলাম নয়ন,
 দেখিলাম ভবিয়া আছে আমার কানন ।

২২

আবাব আমার হাতে বীণা দাও তুলি,
 আবাব আশ্রুক ফিবে হাবা গান গুলি !

সহসা কঠিন শীতে মানসেব জলে
 পদ্মবন মরে' যায়, হংস দলে দলে
 সাবি বেঁধে উড়ে যায় স্বদূর দক্ষিণে
 জনহীন কাশফুল নদীর প্লিনি ;

আবার বসন্তে তারা ফিরে আসে যথা
বহি লয়ে আনন্দের কলমুখরতা,—

তেমনি আমার যত উড়ে-ফাওয়া গান
আবার আসুক ফিরে, মৌন এ পরাণ
ভরি উতরোলে ; তারা শুনাক্ এবার
সমুদ্রতীরের তান, অজ্ঞাত রাজ্যাব
অগম্য রাজ্যের যত অপকণ্ণ কথা,
সীমামুখ নিৰ্জ্জনের অপূৰ্ণ বারতা ।

২৩

এ আমার শরীবের শিরায় শিবায
যে প্রাণ-তরঙ্গমালা বাত্ৰিদিন ধায়
সেই প্রাণ ছুটিয়াছে বিশ্ব-দিগ্বিজয়ে,
সেই প্রাণ অপকণ্ণ ছন্দে তালে লয়ে
নাটিছে ভুবনে ;—সেই প্রাণ চুপে চুপে
বসুধার মৃত্তিকার প্রতি রোমকূপে
লক্ষ লক্ষ তুণে তুণে সঞ্চারে হরষে,
বিকাশে পলবে পুষ্পে,—বরষে বরষে

বিশ্বব্যাপী জন্মমৃত্যু-সমুদ্র দোলায়
হুলিতেছে অন্তহীন জোয়ার ভাঁটায় !

করিতেছি অনুভব, সে অনন্ত প্রাণ
অঙ্গে অঙ্গে আমারে করেছে মহীরান !

সেই যুগযুগান্তের বিরাট স্পন্দন
আমার নাড়ীতে আজি করিছে নর্তন !

২৪

দেহে আর মনে প্রাণে হয়ে একাকার
এ কি অপরূপ লীলা এ অঙ্গে আমার !

এ কি জ্যোতি ! এ কি ব্যোম দীপ্তদীপ জ্বালা'
দিবা আর রজনীর চির নাট্যশালা !
একি শ্রাম বসুন্ধরা, সমুদ্রে চঞ্চল,
পৰ্বতে কঠিন, তরুপল্লবে কোমল,
অরণ্যে আঁধার ! এ কি বিচিত্র বিশাল
অবিশ্রাম রচিতোছে স্বপ্নের জাল
আমার ইন্দ্রিয়ধস্তে ইন্দ্রজালবৎ !
প্রত্যেক প্রাণীর মাঝে প্রকাণ্ড জগৎ ।

তোমাবি মিলনশয্যা, হে মোর বাজন্,
 ক্ষুদ্র এ আমাব মাঝে অনন্ত আসন
 অসীম বিচিত্রকান্ত ! ও গো বিশ্বভূপ,
 দেহে মনে প্রাণে আমি এ কি অপরূপ !

২৫

বোগীব শিয়বে বাহ্নে একা ছিহু জাগি,
 বাহিবে দাঁড়ানু এসে ক্ষণেকের লাগি ।
 শাস্ত মোন নগবীর সুপ্ত হর্ষাশিবে
 হেঁবিহু জলিছে তাবা নিস্তক্ তিমিবে ।
 ভূত ভাবী বর্তমান একটি পলকে
 মিলিল বিষাদমিথ্ অনন্দপুলকে
 আমাব অন্তবতলে, অনির্বচনীয়
 সে মুহূর্ত্তে জীবনেব যত কিছু প্রিয়,
 হ্রল'ভ বেদনা যত, যত গত সুখ,
 অমৃদগত অশ্রুবাষ্প, গীত মৌনমুক
 আমার হৃদয়পাত্রে হয়ে বাশি বাশি
 কি অনলে উজ্জলিল ! সৌবতে নিঃশ্বাসি'

অপরূপ ধূপধূম উঠিল সুধীরে
তোমার নক্ষত্রদীপ্ত নিঃশব্দ মন্দিবে !

২৬

কাল যবে সন্ধ্যাকালে বহুসভাতলে
গাহিতে তোমার গান কহিল সকলে,
সহসা কুধিয়া গেল হৃদয়েব দ্বার,
যেথায় আসন তব গোপন আগার ।
স্থানভেদে তব গান মূর্তি নব নব,
সথাসনে হাতোচ্ছ্বাস সেও গান তব,
প্রিয়াসনে প্রিয়ালাপ, শিশুসনে খেলা,
জগতে যেথায় যত আনন্দের মেলা,
সর্বত্র তোমার গান বিচিত্র গৌরবে
আপনি ধ্বনিতো থাকে সরবে নীরবে ।
আকাশে তাবকা ফুটে ফুলবনে ফুল,
খণিতে মাণিক থাকে হরনাক ভুল,
তেমনি আপনি তুমি যেখানে যে গান
বেধেছ, কবিও যেন রাখে তার মান !

২৭

নানা গান গেয়ে ফিরি নানা লোকালয় ;
 হেরি' সে মত্ততা মোর বৃদ্ধ আসি কয়—
 তাঁর ভৃত্য হয়ে তোর এ কি চপলতা !
 কেন হাস্ত পরিহাস, প্রণয়ের কথা,
 কেন ঘরে ঘরে ফিরি তুচ্ছ গীতরসে
 ভুলাস্ এ সংসারের সহস্র অলসে !
 দিয়েছি উত্তর তাঁরে. ওগো পুরুষেশ,
 আমার বীণায় বাজে তাঁহারি আদেশ !
 যে আনন্দে, যে অনন্ত চিত্তবেদনায়
 ধ্বনিত মানব প্রাণ, আমার বীণায়
 দিয়েছেন তারি সুর,—সে তাঁহারি দান,
 সাধ্য নাই নষ্ট করি সে বিচিত্র গান !
 তব আজ্ঞা রক্ষা করি নাই সে ক্ষমতা,
 সাধ্য নাই তাঁর আজ্ঞা করিতে অগ্রথা !

২৮

তুমি তবে এস নাথ, বস শুভক্ষণে
 দেহে মনে গাঁথা এই মহা সিংহাসনে !

মোর ছ'নয়নে ব্যাপ্ত এই নীলাশ্বরে
কোন শূন্য রাখিয়ে না আর কারো তরে,
আমাব সাগরে শৈলে কান্তাবে কাননে,
আমাব হৃদয়ে দেহে, সম্মানে নিৰ্জ্জনে !

জ্যোৎস্নামুগ্ধ নিশীথের নিস্তরু গ্রহরে
আনন্দে বিষাদে গাঁথা ছায়ালোকপরে
বস তুমি মাঝখানে ! শাস্তিরস দাও
আমার অশ্রব জলে, শ্রীহস্ত বুলাও
সকল স্মৃতিব পবে, প্রেয়সীব প্রেমে
মধুব মঙ্গলকপে তুমি এস নেমে !

সকল সংসারবন্ধে বন্ধনবিহীন
তোমার মহান্ মুক্তি থাক্ রাত্রিদিন !

৩০

বৈবাগ্য সাধনে মুক্তি, সে আমাব নয় ।

অসংখ্য বন্ধনমাঝে মহানন্দময়
লভিব মুক্তির স্বাদ । এই বহুধার
মুক্তিকার পাত্ৰখানি ভরি বারম্বার

তোমার অমৃত ঢালি দিবে অবিরত
 নানা বর্ণগন্ধময় ! প্রদীপের মত
 সমস্ত সংসার মোর লক্ষ্য বর্তিকায়
 জালায়ে তুলিবে আলো তোমারি শিখায়
 তোমার মন্দির মাঝে ! ইন্দ্রিয়ের দ্বার
 রুদ্ধ করি যোগাসন, সে নহে আমার !
 যে কিছু আনন্দ আছে দৃষ্টে গন্ধে গানে
 তোমাব আনন্দ রবে তার মাঝখানে !
 মোহ মোর মুক্তিরূপে উঠিবে জলিয়া,
 প্রেম মোর ভক্তিরূপে রহিবে ফলিয়া ।

৩১

তোমার ভুবনমাঝে ফিরি মুগ্ধসম
 হে বিশ্বনোহন নাথ ! চক্ষু লাগে মম
 প্রশান্ত আনন্দঘন অনন্ত আকাশ ;
 শরৎমধ্যাহ্নে পূর্ণ সুবর্ণ উচ্ছ্বাস
 আমার শিরার মাঝে করিয়া প্রবেশ
 মিশায় রক্তের সাথে আতপ্ত আবেশ !

ভুলায় আমারে সবে ! বিচিত্র ভাষায়
তোমায় সংসার মোরে কাঁদায় হাসায় ;
তব নর নারী সবে দ্বিধাদিকে মোরে
টেনে নিষ্পেষে যায় কত বেদনার ডোরে,
বাসনার টানে ! সেই মোর মুগ্ধ মন
বীণাসম তব অঙ্কে করিলু অর্পণ,—
তা'র শত মোহতন্ত্রে করিয়া আঘাত
বিচিত্র সঙ্গীত তব জাগাও, হে নাথ !

৩২

নির্জ্বল শয়ন মাঝে কালি রাত্রিবেলা
ভাবিতেছিলাম আমি বসিয়া একেলা
গতজীবনের কত কথা । হেন ক্ষণে
শুনলাম, তুমি কহিতেছ মোর মনে ;—

ওরে মন্ত, ওরে মুগ্ধ, ওরে আত্মভোলা,
রেখেছিলি আপনার সব দ্বার খোলা,
চঞ্চল এ সংসারের যত ছায়ালোক,
যত ভুল, যত ধূলি, যত দুঃখশোক,

যত ভাল মন্দ যত গীতগন্ধ ল'য়ে
 বিশ্ব পশেছিল তোর অবাধ আলয়ে ।
 সেই সাথে তোর মুক্ত বাতায়নে আমি
 অজ্ঞাতে অসংখ্যবার এসেছিলাম নাগি ।

দ্বার রুদ্ধ জপিতিস্ যদি মোর নাম
 কোন্‌পথ দিয়ে তোর চিত্তে পশিতাম !

৩৩

তখন কার্যনি নাথ কোন আয়োজন ;
 বিশ্বের সবার সাথে, হে বিশ্ব-রাজন,
 অজ্ঞাতে আসিতে হাসি আমার অন্তরে
 কত শুভদিনে ; কত মুহূর্তের পরে
 অসীমের চিহ্ন লিখে গেছ ! লই তুলি'
 তোমার স্বাক্ষর-আঁকা সেই ক্ষণগুলি,—
 দেখি তারা স্মৃতিমাঝে আছিল ছড়িয়ে
 কত না ধুলির সাথে আছিল জড়িয়ে
 স্বর্ণকের কত তুচ্ছ স্তব্ধঃথ ঘিরে !

হে নাথ, অবজ্ঞা করি যাও নাই ক্ষিরে

আমাব সে ধূলান্তূপ খেলাঘব দেখে' ।
খেলামাবে শুনিতে পেয়েছি থেকে থেকে
যে চবণধ্বনি—আজ শুনি তাই বাজে
জগৎসঙ্গীত সাথে চন্দ্রস্ব্যামাবে ।

৩৪

কাবে দূব নাহি কব ! যত কবে দান
তোমায়ে হৃদয় মন তত হয় স্থান
সবাবে লইতে প্রাণে । বিদেষ যেখানে
দাব হতে কাবেও তাড়ায় অপমানে
তুমি সেই সাথে যাও , যেথা অহঙ্কার
স্বর্ণাভবে ক্ষুদ্রজনে রুদ্ধ কবে দাব
সেথা হতে ফিব তুমি ; ঈর্ষ্যা চিত্তকোণে
বাস বসি ছিদ্র কবে তোমাবি আসনে
তপ্তশূলে । তুমি থাক, যেথায় সবাই
সহজে খুঁজিয়া পায় নিজ নিজ ঠাই !

ক্ষুদ্র রাজা আসে যবে, ভৃত্য উচ্চরবে
হাঁকি কহে—সরে' যাও, দুবে যাও সরে ।

মহারাজ, তুমি যবে এস, সেই সাথে
নিখিল জগৎ আসে তোমারি পশ্চাতে !

৩৫

কালি হাথে পরিহাসে গানে আলোচনে
অর্দ্ধরাত্রি কেটে গেল বহুজনসনে :
আনন্দের নিদ্রাহারা শ্রান্তি বহে' লয়ে'
ফিরি' আসিলাম যবে নিভৃত আলয়ে
দাঁড়াইলু অঁধার অঙ্গনে । শীতবায়
বুলাল স্নেহের হস্ত তপ্ত ক্লান্ত গায়
মুহূর্তে চঞ্চল রক্তে শান্তি আনি দিয়া ।

মুহূর্তেই মোন হল স্তব্ধ হল হিয়া
নির্বাণ প্রদীপ রিস্ত নাট্যশালা সম ।
চাহিয়া দেখিলু উর্দ্ধপানে ; চিত্ত মম
মুহূর্তেই পার হয়ে অসীম রঙ্গনী
দাড়াল নক্ষত্রলোকে । হেরিলু তথনি

খেলিতেছিলাম মোরা অকুণ্ঠিত মনে
তব স্তব্ধ প্রাসাদের অনন্ত প্রাঙ্গণে ।

৩৬

কেথো হতে আসিয়াছি নাহি পড়ে মনে
অগণ্য যাত্রীর সাথে তীর্থ দরশনে
এই বহুজ্ঞরাতলে ; লাগিয়াছে তরী
নীলাকাশ-সমুদ্রের ঘাটের উপরি ।

গুনা যায় চারি দিকে দিবসরজনী
বাজিতেছে বিরাট সংসার-শব্দধ্বনি
লক্ষ লক্ষ জীবনফুৎকারে । এত বেলা
যাত্রী নরনারী সাথে করিয়াছি মেলা
পুরীপ্রান্তে পাছশালা'পরে । স্নানে পানে
অপরাহু হয়ে এল গল্পে হাসি গানে ।

এখন মন্দিরে তব এসেছি, হে নাথ,
নির্জনে চরণতলে করি প্রণিপাত
এ জন্মের পূজা সমাপিব । তার পর
নবতীর্থে যেতে হবে, হে বহুধেশ্বব !

৩৭

মহারাজ, কণেক দর্শন দিতে হবে
তোমার নির্জনধামে ! সেথা ডেকে লবে

সমস্ত আলোক হতে তোমার আলোতে
 আমারে একাকী,—সর্ব স্তম্ভঃস্তম্ভ হতে,
 সর্ব সঙ্গ হতে, সমস্ত এ বসুধার
 কস্মবন্ধ হতে । দেব, মন্দিরে তোমার
 পশিয়াছি পৃথিবীর সর্বযাত্রীসনে,
 দ্বার মুক্ত ছিল যবে আরতির ক্ষণে !

দীপাবলী নিবাইয়া চলে যাবে যবে
 নানাপথে নানাঘরে পূজকেরা সবে,
 দ্বার রুদ্ধ হয়ে যাবে ;—শাস্ত অঙ্ককার
 আমারে মিলায়ে দিবে চরণে তোমার !

একখানি জীবনের প্রদীপ তুলিয়া
 তোমারে ছেঁরিব একা ভুবন তুলিয়া !

৩৮

প্রভাতে যখন শঙ্খ উঠেছিল বাজি'
 তোমার প্রাক্কনতলে,—ভরি ল'য়ে সাজি
 চলেছিল নরনারী তেয়াগিয়া ঘর
 নবীন শিশিরসিক্ত গুঞ্জনমুখর

বিন্ধবনপথ দিয়ে । আমি অন্তমনে
সন্ধান পল্লবপুঞ্জ ছায়াকুঞ্জবনে
ছিহু শুয়ে তৃণস্তীর্ণ তরঙ্গিনী তীরে
বিহঙ্গের কলগীতে স্তম্ভ সমীরে !

আমি যাই নাই দেব তোমার পূজায়,
চেয়ে দেখি নাই পথে কাবা চলে যায় !
আজ তাবি ভাল হয়েছিল মোর ভুল,
তখন কুসুমগুলি আছিল মুকুল,—

হেব তাবা সাবাদিনে ফুটতেছে আজি
অপবাহে ভরিলাম এ পূজার সাজি !

৩৯

হে রাজেন্দ্র, তব হাতে কাল অন্তহীন ।
গণনা কেহ না করে, রাত্রি আর দিন
আসে যায়, ফুটে বরে যুগ যুগান্তরা ।
বিলম্ব নাহিক তব, নাহি তব স্বরা
প্রতীক্ষা করিতে জান । শতবর্ষ ধরে
একটি পুষ্পের কলি ফুটাবার তরে

চলে তব ধীর আয়োজন । কাল নাই
আমাদের হাতে, কাড়াকাড়ি করে তাই
সবে মিলে ; দেরি কারো নাহি সহ্যে কভু ।

আগে তাই সকলের সব সেবা প্রভু
শেষ করে দিতে দিতে কেটে যায় কাল,
শূন্য পড়ে থাকে হায় তব পূজা থাল !
অসময়ে ছুটে আসি, মনে বাসি ভয়,—
এসে দেখি, যায় নাই তোমার সময় !

৪০

তোমার ইঙ্গিতখানি দেখিনি যখন
খুলিযুগি ছিল তারে করিয়া গোপন ।
যখন দেখেছি আজ, তখন পলকে
নিরখি ভুবনময় আঁধারে আলোকে
জলে সে ইঙ্গিত , সাথে সাথে ফুলে ফুলে
ফুটে সে ইঙ্গিত ; সমুদ্রের কূলে কূলে
ধরিজীর তটে তটে চিহ্ন আঁকি' ধায়
ফেনাঙ্কিত তরঙ্গের চূড়ায় চূড়ায়

দ্রুত সে ইঙ্গিত ; গুল্মশীর্ষ হিমাদ্রির
শৃঙ্গে শৃঙ্গে উৰ্দ্ধমুখে জাগি' রহে স্থির
স্তব্ধ সে ইঙ্গিত !

তখন তোমার পানে
বিমুগ্ধ হইয়া ছিন্ন কি লয়ে কে জানে !
বিপরীত মুখে তাবে পড়েছিলাম, তাই
বিশ্বজোড়া সে লিপিব অর্থ বুঝি নাই ।

৪১

তব পূজা না আনিলে দণ্ড দিবে তারে
ষমদ্রুত লয়ে যাবে নরকের দ্বারে
ভক্তিহীনে এই বলি' যে দেখায় ভয়
তোমার নিঙ্গুক সে যে, ভক্ত কভু নয় !
হে বিশ্বভুবনরাজ, এ বিশ্বভুবনে
আপনারে সব চেয়ে বেখেঁচ গোপনে
আপন মহিমামাঝে ! তোমার সৃষ্টির
ক্ষুদ্র বালুকণাটুকু, ক্ষণিক শিশির
তারাতো তোমার চেয়ে প্রত্যক্ষ আকারে
দিকে দিকে ঘোষণা করিছে আপনাবে !

যা কিছু তোমাবি হাই আপনাব বলি'
 চিবদিন এ সংসার চলিয়াছে ছলি',—
 তবু সে চোরের চোখ পড়ে না ত ধরা !
 আপনাবে জানাইতে নাই তব স্বরা !

৪২

সেই ত প্রেমের গর্ভ, ভক্তির গৌবব !
 সে তব অগমকল্প অনন্ত নীবব
 নিস্তরু নির্জন মাঝে যায় অভিসাবে
 পূজাব সুবর্ণ খালি ভবি' উপহারে ।
 তুমি চাও নাই পূজা সে চাহে পূজিতে
 একটি প্রদীপ হাতে রহে সে খুঁজিতে
 অন্তবেব অন্তবালে । দেখে সে চাহিয়া
 একাকী বসিয়া আছ ভবি' তার হিয়া ।

চমকি' নিরায়ে দীপ দেখে সে তখন
 তোমারে ধরিতে নায়ে অনন্ত গগন ।
 চিবজীবনের পূজা চরণেব তলে
 সমর্পণ করি' দেখে নয়নের জলে ।

বিনা আদেশের পূজা,—হে গোপনচারী,
বিনা আত্মানের খোঁজ, সেই গরুঁ তাবি ।

৪৩

কত না তুমাবপুঞ্জ আছে সুপ্ত হয়ে
অভ্রভেদী হিমাদ্রিব সুদূব আলয়ে
পাষণ প্রাচীর মাঝে '—হে সিদ্ধ মহান,
তুমি ত তাদের কাবে কব না আত্মান
আপন অতল হতে ! আপনাব মাঝে
আছে তাবা অবরুদ্ধ, কানে নাহি বাজে
বিশ্বের সঙ্গীত !

প্রভাতেব রৌদ্রকবে

যে তুমাব বয়ে যায়, নদী হয়ে বাবে,
বন্ধ টুটি' ছুটি' চলে,—হে সিদ্ধ মহান
সেও ত শোনেনি কভু তোমাব আত্মান ।
সে সুদূব গঙ্গোত্রীব শিখর চূড়ায়
তোমাব গম্ভীর গান কে শুনিতে পায় ?

আপন স্রোতের বেগে কি গভীর টানে
তোমারে সে খুঁজে পায় সেই তাহা জানে !

৪৪

মর্ত্যবাদীদের তুমি যা দিয়েছ প্রভু
মর্ত্যের সকল আশা মিটাইয়া তবু
রিক্ত তাহা নাহি হয় । তার সর্বশেষ
আপনি খুঁজিয়া ফিরে তোমারি উদ্দেশ ।

নদী ধায় নিত্যকাজে, সর্ব কৰ্ম সারি'
অন্তহীন ধারা তার চরণে তোমারি
নিত্য জলাঞ্জলিরূপে ঝরে অনিবার ।
কুসুম আপন গন্ধে সমস্ত সংসার
সম্পূর্ণ করিয়া তবু সম্পূর্ণ না হয়,—
তোমারি পূজায় তার শেষ পরিচয় ।
সংসারে বঞ্চিত করি' তব পূজা নহে ।

কবি আপনার গানে যত কথা কহে,
নানা জনে লহে তার নানা অর্থ টানি' ;
তোমাপানে ধায় তার শেষ অর্থখানি ।

৪৫

যে ভক্তি তোমারে লয়ে ধৈর্য্য নাহি মানে,
মুহূর্ত্তে বিহ্বল হয় নৃত্যগীতগানে
ভাবোন্মাদ-মত্ততার, সেই জ্ঞানহারা
উদ্ভ্রান্ত উচ্ছল-ফেন ভক্তি-মদধারা
নাহি চাহি নাথ !

দাও ভক্তি শান্তিরস
স্নিগ্ধ স্নান পূর্ণ করি মঙ্গল কলস
সংসার-ভবন-দ্বারে ! যে ভক্তিঅমৃত
সমস্ত জীবনে মোর হইবে বিস্তৃত
নিগূঢ় গভীর,—সর্ব্ব কশ্মে দিবে বল,
ব্যর্থ শুভ চেষ্টারেও করিবে সফল
আনন্দে কল্যাণে । সর্ব্বশ্রেমে দিবে তৃপ্তি,
সর্ব্ব দুঃখে দিবে ক্ষেম, সর্ব্ব স্নেহে দীপ্তি
দাহহীন ।

স্বপ্নিয়া ভাব-অশ্রুণীর
চিত্ত রবে পরিপূর্ণ অমত্ত গভীর ।

৪৬

মাতৃস্নেহ-বিগলিত স্তন্য-ক্ষীররস
 পান করি হাসে শিশু আনন্দে অলস,—
 তেমনি বিহ্বল হর্ষে ভাবরসরাশি
 কৈশোরে করেছি পান ; বাজায়েছি বাঁশি
 প্রমত্ত পঞ্চম সুরে ;—প্রকৃতির বৃকে
 লালন-ললিত চিত্ত শিশুসম সুরে
 ছিন্ন শুয়ে ; প্রভাত-শরীরী-সন্ধ্যা-বধু
 নানা পাত্রে আনি' দিত নানাবর্ণ মধু
 পুষ্পগন্ধে মাথা ।

আজি সেই ভাবাবেশ

সেই বিহ্বলতা যদি হয়ে থাকে শেষ,
 প্রকৃতিব স্পর্শমোহ গিয়ে থাকে দূবে,—
 কোন ছুঃখ নাহি । পল্লী হতে রাজপুরে
 এবার এনেছ মোরে—দাও চিন্তে বল !
 দেথাও সত্যের মূর্তি কঠিন নির্মল !

৭৮

এ কথা স্মরণে রাখা কেন গা কঠিন
 তুমি আছ সব চেয়ে, আছ নিশিদিন,

আছ প্রতিক্ষণে,—আছ দূরে, আছ কাছে
 যাহা কিছু আছে, তুমি আছ বলে আছে ?
 যেমনি প্রবেশ আমি করি লোকালয়ে,
 যখনি মানুষ আসে স্তুতিনিন্দা ল'য়ে
 ল'য়ে রাগ, ল'য়ে ঘেঘ, ল'য়ে গর্ষ তার,
 অমনি সংসার ধরে পর্বত আকার
 আবরিয়া উর্দ্ধলোক,—তরঙ্গিয়া উঠে
 লাজভয়লোভক্ষোভ ; নরের মুকুটে
 যে হীরক জ্বলে তারি আলোক-ঝলকে
 অগ্নি আলো নাহি হেরি ছালোকে ভুলোকে !
 মানুষ সম্মুখে এলে কেন সেইক্ষণে
 তোমার সম্মুখে আছি নাহি পড়ে মনে ?

৭৯

তোমাতে বলেছে যারা পুত্র হতে প্রিয়,
 বিত্ত হতে প্রিয়তর, যা কিছু আত্মীয়
 সব হতে প্রিয়তম নিখিল কুবনে,
 আত্মার অন্তরতর,—তাঁদের চরণে

পাতিয়া রাখিতে চাহি হৃদয় আমার !
 সে সরল শাস্ত প্রেম গভীর উদার,—
 সে নিশ্চিত নিঃসংশয়, সেই স্থনিবিড়
 সহজ মিলনাবেগ, সেই চিরস্থির
 আশ্বার একাগ্র লক্ষ্য, সেই সর্ব কাঙ্ক্ষ
 সহজেই সঞ্চরণ সদা তোমা মাঝে
 গভীর প্রশান্ত চিত্তে, হে অন্তর্যামী,
 কেমনে করিব লাভ ? পদে পদে আমি
 প্রেমের প্রবাহ তব সহজ বিশ্বাসে
 অন্তরে টানিয়া লব নিঃশ্বাসে নিঃশ্বাসে !

৮০

হে অনন্ত, যেথা তুমি ধারণা-অতীত,
 সেথা হতে আনন্দের অব্যক্ত সঙ্গীত
 ঝরিয়া পড়িছে নামি,—অদৃশ্য অগম
 হিমাদ্রিশিখর হতে জাহ্নবীর সম ।
 সে ধ্যানাভ্যাসেদী শূন্য, যেথা স্বর্ণলেখা
 জগতের প্রাতঃকাল দিগেছিল দেখা

আদি অঙ্ককার মাঝে,—যেথা বস্তুচ্ছবি
অন্ত যাবে জগতের শ্রান্ত সন্ধ্যারবি ;
নব নব ভুবনের জ্যোতির্বাঙ্গরাশি
পুঞ্জ পুঞ্জ নীহারিকা যার বক্ষে আসি
ফিরিছে স্রজনবেগে মেঘখণ্ড সম
যুগে যুগান্তরে—চিন্তবাতাসন মম
সে অগম্য অচিন্ত্যের পানে বাত্রিদিন
বাথিব উন্মুক্ত করি, হে অন্তবিহীন !

৮১

একাধারে তুমিই আকাশ, তুমি নীড় !
হে স্নানর, নীড়ে তব প্রেম স্নানবিড়
প্রতিক্ষণে নানা বর্ণে নানা গন্ধে গীতে
মুগ্ধ প্রাণ বেঁটন কবেছে চারি ভিতে ।
সেথা উষা ডান হাতে ধরি' স্বর্ণ থালা
নিয়ে আসে একখানি মাধুর্যের মালা
নীরবে পরায়ে দিতে ধরার ললাটে ,
সন্ধ্যা আসে নম্রমুখে ধেমুশূভ মাঠে -
চিহ্নহীন পথ দিয়ে লয়ে স্বর্ণঝারি
পশ্চিম সমুদ্র হতে ভরি' শান্তিঝারি ।

তুমি যেথা আমাদের আত্মার আকাশ
 অপার সঞ্চার ক্ষেত্র,—সেথা শুভ্র ভাস ;
 দিন নাই, রাত্রি নাই, নাই জনপ্রাণী,
 বর্ষ নাই গন্ধ নাই—নাই নাই বাণী !

৮২

তব প্রেমে ধন্ত তুমি করেছ আমারে
 প্রিয়তম ! তব শুধু মাধুর্য্যমাঝারে
 চাহি না নিমগ্ন করে রাখিতে হৃদয় !
 আপনি যেথায় ধরা দিলে, স্নেহময়
 বিচিত্র সৌন্দর্য্যডোরে, কত স্নেহে প্রেমে
 কত রূপে—সেথা আমি রহিব না ধেমো
 তোমার প্রণয়-অভিमानে ! চিন্তে মোর
 জড়ায়ে বাঁধিবনাক সন্তোষের ডোর !

আমার অতীত তুমি যেথা, সেইখানে
 অন্তরাত্মা ধায় নিত্য অনন্তের টানে
 সকল বন্ধন মাঝে,—সেথায় উদার
 অন্তর্হীন শান্তি আর মুক্তির বিস্তার !

তোমার মাধুর্য্য যেন বেঁধে নাহি রাখে,
তব ঐশ্বর্য্যের পানে টানে সে আমাকে !

৮৩

হে দূর হইতে দূর, হে নিকটতম !
যেথায় নিকটে তুমি সেথা তুমি মম,
যেথায় স্নদূরে তুমি সেথা আমি তব !
কাছে তুমি নানা ভাবে নিত্য নব নব
সুখে দুঃখে জনমে মরণে ; তব গান
জলস্থল শূন্য হতে করিছে আহ্বান
মোরে সর্ব্ব কৰ্ম্মমাঝে,—বাজেঃগুচস্বরে
প্রহরে প্রহবে চিত্ত-কুহরে কুহরে
তোমার মঙ্গল-মঙ্গল ।

যেথা দূর তুমি

সেথা আত্মা হারাইয়া সর্ব্ব তটভূমি
তোমার নিঃসীমা মাঝে পূর্ণানন্দ ভরে
আপনারে নিঃশেষিয়া-সমর্পণ করে ।
কাছে তুমি কৰ্ম্মতট আত্মা তটিনীর,
দূরে তুমি শাস্তিসিদ্ধ অনন্ত গভীর !

ছদ্দিন বনায়ে এল ঘন অন্ধকারে,
হে প্রাণেশ ! দিশিদিগ্ বৃষ্টিবারিধারে
ভেসে যায়, কুটিল কটাক্ষে হেসে যায়
নিষ্ঠুর বিদ্যংশিখা,—উত্তরোল বায়
তুলিল উত্তলা করি' অরণ্য কানন !

আজি তুমি ডাক অভিসারে, হে মোহন,
হে জীবনস্বামী ! অশ্রুসিক্ত বিশ্বমাঝে
কোন দুঃখে, কোন ভয়ে, কোন বৃথা কাজে
রহিব না রুদ্ধ হয়ে ! এ দীপ আমার
পিচ্ছিল তিমির পথে যেন বারম্বার
নিবে নাহি যায়—যেন আর্দ্র সমীরণে
তোমার আহ্বান বাজে ! দুঃখের বেষ্টিনে
ছদ্দিন রচিল আজি নিবিড় নিৰ্জ্জন,
হোক আজি তোমা সাথে একান্ত মিলন ।

৮৫

দীর্ঘকাল অনাবৃষ্টি, অতি দীর্ঘকাল
হে ইন্দ্র, হৃদয়ে মম ! দিক্-চক্রবাল
ভয়ঙ্কর শূঁতা হেরি, নাই কোন থানে
সবস সজ্জল রেখা,—কেহ নাহি আনে
নব-বারি-বর্ষণের শ্রামল সংবাদ!

যদি ইচ্ছা হয়, দেব, আন বজ্রনাদ
প্রলয়-মুখর হিংস্র ঝটিকার সাথে !
পলে পলে বিদ্যুতের বজ্র কষাঘাতে
সচকিত কর মোর দিক্ দিগন্তর !
সংহর সংহর, প্রভো, নিস্তরুণ প্রথর
এই রুদ্র, এই ব্যাপ্ত, এ নিঃশব্দ দাহ,
নিঃসহ নৈরাশ্র তাপ ! চাহ নাথ চাহ
জননী যেমন চাহে সজ্জল নয়ানে,
পিতার ক্রোধের দিনে, সন্তানের পানে ।

৮৬

আমার এ মানসের কানন কাঙাল
 শীর্ণ শুষ্ক বাহু মেলি' বহু দীর্ঘকাল
 আছে ক্রুদ্ধ উর্জ পানে চাহি' ! ওহে নাথ,
 এ রুদ্র মধ্যাহ্নমাঝে কবে অকস্মাৎ
 পথিক পবন কোন্ দূর হতে এসে
 বাগ্র শাখা প্রশাখায় চক্ষুর নিমেষে
 কানে কানে রটাইবে আনন্দমগ্নর,
 প্রতীক্ষায় পুলকিয়া বন বনাস্তর !

গম্ভীর মাইভঃ মন্ত্র কোথা হতে বহে'
 তোমার প্রসাদপুঞ্জ ঘন সমারোহে
 ফেলিবে আচ্ছন্ন করি' নিবিড়চ্ছায়ায় !
 তার পরে বিপুল বর্ষণ ! তার পরে
 পরদিন প্রভাতের সৌম্য রবিকরে
 রিক্ত মালঙ্ঘের মাঝে পূজা-পুষ্পরাশি
 নাতি জ্বালি কোথা হতে উঠিবে বিকাশি' !

৮৭

এ কথা মানিব আমি এক হতে ছুই
 কেমনে যে হতে পাবে জানি না কিছুই !
 কেমনে যে কিছু হয়, কেহ হয় কেহ,
 কিছু থাকে কোনরূপে, কাবে বলে দেহ,
 কাবে বলে আত্মা মন, বুঝিতে না পাবো
 চিরকাল নিরখিব বিশ্ব জগতেবে
 নিস্তরু নির্বাক্ চিন্তে !

বাহিবে যাহাব
 কিছুতে নারিব যেতে আদি অন্ত তাব
 অর্থ তার তব্ব তার বুঝিব কেমনে
 নিমেষের তবে ? এই শুধু জানি মনে
 স্নান সে, মহান্ সে, মহা ভয়ঙ্কর
 বিচিত্র সে, অজ্ঞেয় সে, মম মনোহর !

ইহা জানি, কিছুই না জানিয়া অজ্ঞাতে
 নিখিলের চিত্তশ্রোত ধাইছে তোমাতে !

৮৮

সংসারে মোরে রাখিয়াছ যেই ঘরে
 সেই ঘরে রব সকল হুঃখ তুলিয়া !
 করুণা করিয়া নিশিদিন নিজ করে
 রেখে দিলো তার একটি ছয়ার খুলিয়া !
 মোর সব কাজে মোর সব অবসরে
 সে ছয়ার র'বে তোমারি প্রবেশ তরে,
 সেথা হতে বায়ু বহিবে হৃদয় পরে
 চরণ হইতে তব পদরজ্জ তুলিয়া !
 সে ছয়ার খুলি আসিবে তুমি এ ঘরে,
 আমি বাহিরিব সে ছয়ারখানি খুলিয়া !

আর যত সুখ পাই বা না পাই, তবু
 এক সুখ শুধু মোর তরে তুমি রাখিয়ো !
 সে সুখ কেবল তোমার আমার, প্রভু,
 সে সুখের পরে তুমি জাগ্রত থাকিয়ো !
 তাহারে না ঢাকে আর যত সুখগুলি,
 সংসার যেন তাহাতে না দেয় ধূলি,
 সব কোলাহল হতে তারে তুমি তুলি'
 যতন করিয়া আপন অঙ্কে ঢাকিয়ো !

আর দত সুখে ভরুক্ ভিক্ষাবুলি
সেই এক সুখ মোব তরে তুমি বাথিয়ো !

যত বিশ্বাস ভেঙে ভেঙে যায়, স্বামী,
এক বিশ্বাস বহে যেন চিত্তে লাগিয়া
যে অনল তাপ যখনি সহিব আমি
দেয় যেন তাহে তব নাম বুকে দাগিয়া !
দুখ পশে যবে মর্ম্মের মাঝখানে
তোমাব লিখন-স্বাক্ষর যেন আনে !
কৃষ্ণ বচন যতই আঘাত হানে
সকল আঘাতে তব স্তব উঠে জাগিয়া !
শত বিশ্বাস ভেঙে যদি যায় প্রাণে
এক বিশ্বাসে বহে যেন মন লাগিয়া ।

ଜୀବନ ଦେବତା ।

আজ মনে হয় সকলেরি মাঝে
তোমারেই ভাল বেসেছি।
জনতা বাহিরা চিরদিন ধরে
জুধু তুমি আমি এসেছি।
দেখি চারিদিক পানে,
কি যে জেগে ওঠে আগে !
তোমার আমার অসীম মিলন
যেন গো সকল থানে !
কত যুগ এই আকাশে যাপিনু
সে কথা অনেক ভুলেছি।
তারায় তারায় যে আলো কাঁপিছে
সে আলোকে দৌছে ছুলেছি !

ভূগ-রোমাক ধরণীর পানে
আধিনে নব আলোকে
চেয়ে দেখি যবে আপনার মনে
প্রাণ ভরি উঠে পুলকে।
মনে হয় যেন জানি
এই অকথিত বাণী,
সুক মেদিনীর মর্পের মাঝে
জাপিছে যে ভাবখানি।
এই আগে ভরা মাটির ভিতরে
কত যুগ মোরা যেপেছি,—
কত শরভের সোনার আলোকে
কত ভূগে দৌছে কঁপেছি !

প্রাচীন কালের পড়ি, ইতিহাস
স্থের স্থের কাহিনী ।
পরিচিতসম বেজে ওঠে সেই
অতীতের বত রাগিনী !
পুরাতন সেই গীতি
সে বেন আমারি স্মৃতি ।
কোন ভাঙারে সঞ্চর তার
গোপনে রয়েছে নিতি ।
প্রাণে তাহা কত মুদ্রিয়া রয়েছে,
কতবা উঠিছে মেলিয়া—
পিতামহদের জীবনে আমার
দুজনে এসেছি খেলিয়া ।
লক্ষ বরষ আগে যে প্রভাত
উঠেছিল এই ভুবনে
তাহার অরণ-কিরণ-কণিকা
গাঁথনি কি মোর জীবনে ?
সে প্রভাতে কোন্‌খানে
জেগেছিল কেবা জানে !
কি মূর্তি মাঝে ফুটালে আমারে
সেদিন লুকারে প্রাণে ।
হে চির-পুরাণে, চিরকাল মোরে
গড়িছ নুতন করিয়া ।
চিরদিন তুমি সাথে ছিলে মোর
র'বে চিরদিন ধরিয়া !

জীবন দেবতা ।

—❖—
উৎসর্গ ।

আজি মোর দ্রাক্ষা কুঞ্জবনে
গুচ্ছ গুচ্ছ ধরিয়াছে ফল ।
পরিপূর্ণ বেদনার ভরে
মুহূর্ত্তেই বুঝি ফেটে পড়ে,
বসন্তের হ্রস্ব বাতাসে
নুয়ে বুঝি নমিবে ভূতল,
রসভরে অসহ উচ্ছাসে
থরে থরে ফলিয়াছে ফল ।

তুমি এস নিকুঞ্জ নিবাসে,
এস মোর সার্থক-সাধন !
লুটে লও ভরিয়া অঞ্চল
জীবনের সকল সঞ্চল,

নীরবে নিতান্ত অবনত
বসন্তের সর্ব-সমর্পণ ;
হাসিমুখে নিয়ে যাও যত
বনের বেদন-নিবেদন ।

শুভ্ররক্ত নথরে বিক্ষত
ছিন্ন করি ফেল রুস্তুগুলি,
সুখাবেশে বসি লতামূলে
সারাবেলা অলস অঙ্গুলে
বৃথা কাজে যেন অশ্রুমনে
খেলচ্ছিলে লহ তুলি তুলি ;
তব ওষ্ঠে দশন-দংশনে
টুটে যাক পূর্ণ ফলগুলি !

আজি মোর দ্রাক্ষাকুঞ্জবনে
গুঞ্জরিছে ভ্রমর চঞ্চল ।
সারাদিন অশান্ত বাতাস
ফেলিতেছে মর্ম্মর নিঃশ্বাস,
বনের বুকের আন্দোলনে
কাঁপিতেছে পল্লব-অঞ্চল !

আজি মোর দাঁকা কুঞ্জবনে
পুঞ্জ পুঞ্জ ধরিয়াছে ফল !

সাধনা ।

দেবি ! অনেক ভক্ত এসেছে তোমার চরণতলে
অনেক অর্থ্য আনি ;
আমি অভাগ্য এনেছি বহিয়া নয়ন জলে
ব্যর্থ সাধনখানি !

তুমি জান মোর মনের বাসনা,
যত সাধ ছিল সাধ্য ছিল না,
তবু বহিয়াছি কঠিন কামনা
দিবসনিশি ।

মনে যাহা ছিল হয়ে গেল আর,
গড়িতে ভাঙিয়া গেল বার বার,
ভালয় মনে আলোয় আঁধার
গিয়াছে মিশি ।

তবু ওগো, দেবি, নিশিদিন করি পয়াণপণ,
চরণে দিতেছি আনি

মোর জীবনের সকল শ্রেষ্ঠ সাধের ধন

ব্যর্থ সাধন থানি।

ওগো ব্যর্থ সাধন থানি,

দেখিয়া হাসিছে সার্থকফল

সকল ভক্ত প্রাণী।

তুমি যদি দেবী পলকে কেবল

কর কটাক্ষ স্নেহ-স্নুকোমল,

একটি বিন্দু ফেল আঁখিজল

করুণা মানি’

সব হতে তবে সার্থক হবে

ব্যর্থ সাধনথানি।

দেবি। আজি আসিয়াছে অনেক যন্ত্রী শুনাতে গান

অনেক যন্ত্র আনি।

আমি আনিয়াছি ছিন্নতন্ত্রী নীরব স্নান

এই দীন বীণাথানি।

তুমি জান ওগো কঁদরি নাই হেলা,

পথে প্রাস্তবে করি নাই থেলা,

শুধু সাধিয়াছি বসি সারাবেলা

শতেক বার।

মনে যে গানেব আছিল আভাস,
যে তান সাধিতে করেছিহু আশ,
সহিল না সেই কঠিন প্রয়াস,
ছিঁড়িল তার ।

স্তবহীন তাই বয়েছি দাঁড়ায়ে সারাটি ক্ষণ,
আনিয়াছি গীতহীনা

আমাব প্রাণেব একটি যন্ত্র বুকেব ধন
ছিন্নতন্ত্রী বীণা !

ওগো ছিন্নতন্ত্রী বীণা
দেখিয়া তোমাব গুলীজন সবে
হাসিছে কবিয়া ঘৃণা ।

তুমি যদি এবে লহ কোলে তুলি,
তোমাব শ্রবণে উঠিবে আকুলি
সকল অগীত সঙ্গীত গুলি,
হৃদয়াসীনা ।

ছিল যা আশায় ফুটাবে ভাষায়
ছিন্ন তন্ত্রী বীণা ।

দেবি ! এ জীবনে আমি গাহিয়াছি বসি অনেক গান,
পেয়েছি অনেক ফল ;

সে আমি সবারে বিশ্বজনায়ে করেছি দান,

ভরেছি ধরণীতল ।

যার ভাল লাগে সেই নিম্নে যাক্,

যতদিন থাকে ততদিন থাক,

যশ অপযশ কুড়ায়ে বেড়াক্

ধূলার মাঝে ।

বলেছি যে কথা করেছি যে কাজ

আমার সে নয়, সবার সে আজ,

ফিরিছে ভ্রমিয়া সংসারমাঝ

বিবিধ সাজে !

যা কিছু আমার আছে আপনার শ্রেষ্ঠধন

দিতেছি চরণে আসি—

অকৃত কার্য, অকথিত বাণী, অগীত গান,

বিফল বাসনারাশি ।

ওগো বিফল বাসনারাশি

হেরিলা আজিকে ঘরে পরে সবে

হাসিছে হেলার হাসি ।

তুমি যদি দেবি লহ কর পাজি,

আপনার হাতে রাখ মালা গাঁথি,

নিত্য নবীন হবে দিনরাতি

দিখিজয়ে পাঠায়োনা মোবে ! পরপারে
 তব রাজ্য কর্ম যশ ধন জন ভারে
 অসীমবিষ্মৃত, —কত নগর নগরী,
 কত লোকালয়, বন্দবেতে কত তরী,
 বিপণীতে কত পণ্য, —ওই দেখে দূবে
 মান্দরশিখরে আর কত হর্ম্যচূড়ে
 দিগন্তেরে করিছে দংশন ; কলোচ্ছ্বাস
 স্বসিয়া উঠিছে শূন্তে করিবারে গ্রাস
 নক্ষত্রের নিত্য নীববতা । বহু ভূত্যা
 আছে হোথা, বহু সৈন্ত তব, জাগে নিত্য
 কতই প্রহরী ! এ পারে নির্জুন ভীরে
 একাকী উঠেছে উদ্ধে উচ্চ গিরিশিখরে
 রঞ্জিত মেঘেব মাঝে তুমারধবল
 তোমাব প্রাসাদ-সৌধ, —অনিন্দ্য নিশ্চল
 চন্দ্রকাস্ত মণিময় । বিজনে বিবলে
 হেথা তব দক্ষিণের বাতায়নতলে
 মঞ্জরিত ইন্দুমল্লী-বল্লরী-বিতানে,
 ঘনচ্ছায়ে, নিভৃত কপোত-কলগানে
 একান্তে কাটিবে বেলা ; স্ফটিক প্রাঙ্গণে
 জলযন্ত্রে উৎসধারা কল্লোল-ক্রন্দনে

উচ্চুসিবে দীর্ঘ দিন ছল ছল ছল—
 মধ্যাহ্নে করি দিবে বেদনা-বিহ্বল
 করুণা-কাতর ; অদূরে অলিন্দপরে
 পুঞ্জ পুচ্ছ বিস্ফারিয়া স্নীত গর্ভভরে
 নাচিবে ভবন-শিখী, রাজহংসদল
 চরিবে শৈবালবনে করি কোলাহল
 ঝাঁকায় ধবলগ্রীবা ; পাটলা হরিণী
 ফিরিবে শ্রামল ছায়ে ; অগ্নি একাকিনী,
 আমি তব মালঙ্ঘের হব মাল্যকর !

রাণী । ওরে তুই কল্মষীকুল অলস কিল্লর,
 কি কাজে লাগিবি ?

ভৃত্য । অকাজের কাজ যত,

আলস্ত্রের সহস্র সঙ্কয় । শত শত
 আনন্দের আয়োজন । যে অরণ্যপথে
 কর তুমি সঙ্করণ বসন্তে শরতে
 প্রাত্যুষে অরুণোদয়ে—শ্লথ অঙ্গ হতে
 তপ্ত নিদ্রালসখানি স্নিগ্ধ বায়ুস্রোতে
 করি দিয়া বিসর্জন—সে বন-বীথিকা
 রাখিব নবীন করি ; পুষ্পাঙ্করে লিখা
 তব চরণের স্ততি প্রাত্যহ উষায়

বিকশি উঠিবে তব পরশ তুষায়
 পুলকিত তৃণপুঞ্জতলে । সন্ধ্যাকালে
 যে মঞ্জু মালিকাথানি জড়াইবে ভালে
 কবরী বেষ্টন করি,—আমি নিজ করে
 রচি' সে বিচিত্র মালা সান্ধ্য যুথীন্তরে,
 সাজায়ে স্নবর্ণ পাত্রে তোমার সম্মুখে
 নিঃশব্দে দরিব আসি অবনত মুখে,—
 যেথায় নিভৃৎ কক্ষে, ঘন কেশপাশ,
 তিমির-নির্ঝরসম উন্মুক্ত-উচ্ছ্বাস
 তরঙ্গ-কুটিল, এলাইয়া পৃষ্ঠ পরে,
 কনক মুকুর অঙ্কে, শুভ্র পদ্মকরে
 বিনাইবে বেণী । কুমুদ-সরসী-কূলে
 বসিবে যখন, সপ্তপর্ণ-তরুমূলে
 মালতী-দোণায় — পত্রচ্ছেদ-অবকাশে
 গড়িবে ললাটে চক্ষু বক্ষে বেশবাসে
 কোতুহলী চন্দ্রমার সহস্র চুখন ;—
 আনন্দিত তনুখানি করিয়া বেষ্টন
 উঠিবে বনের গঙ্ঘ, বাসনা-বিভোল
 নিশ্বাসের প্রায়,—মৃহু ছন্দে দিব দোলা
 মৃহু মন্দ সমীরের মত । অনিমেঘে

যে প্রদীপ জ্বলে তব শয্যা-শিরোদেশে
 সারা স্তম্ভনিশি, সুরনরস্বপ্নাতীত
 নিদ্রিত শ্রীঅঙ্গপানে স্থির অকম্পিত
 নিদ্রাহীন আঁখি মেলি—সে প্রদীপখানি
 আমি জ্বালাইয়া দিব গন্ধতৈল আনি ।
 শেকালির বৃত্ত দিয়া রাঙাইব, রাণী,
 বসন বাসন্তী রঙে ; পাদপীঠখানি
 নব ভাবে নব রূপে শুভ আলিম্পনে
 প্রত্যহ রাখিব অঙ্কি কুঙ্কুমে চন্দনে
 কল্লনার লেখা ! নিকুঞ্জের অনুচর,
 আমি তব মালঙ্ঘের হব মালাকর !

রাণী । কি লইবে পুরস্কার ?

ভৃত্য ।

প্রত্যহ প্রভাতে

ফুলের কঙ্কণ গড়ি, কমলের পাতে
 আনিব যখন,—পদ্মের কলিকাসম
 ক্ষুদ্র তব মুষ্টিখানি করে ধরি মম
 আপনি পরায়ে দিব, এই পুস্কার ।
 প্রতি সন্ধ্যাবেলা, অশোকের রক্তকাস্তে
 চিত্রি' পদতল, চবণ-অঙ্গুলি-প্রান্তে

লেশমাত্র বেণু—চুখিয়া মুছিয়া লব

এই পুরস্কার !

রাণী !

ভৃত্য, আবেদন তব

করিল গ্রহণ । আছে মোর বহু মন্ত্রী

বহু সৈন্য বহু সেনাপতি,—বহু যন্ত্রী

কর্ম্মযন্ত্রে রত,—তুই থাক চিবদিন

স্বেচ্ছাবন্ধী দাস, খ্যাতিহীন কর্ম্মহীন ।

রাজসভা-বহিঃপ্রাপ্তে ববে তোম ঘর—

তুই মোব মালঞ্চের হবি মালাকব ।

উৎসব ।

মোব অঙ্গে অঙ্গে যেন আজি বসন্ত উদয়

কত পত্রপুষ্পময় !

যেন মধুপের মেলা গুঞ্জবিছে সারা বেলা,

হেলাভরে কবে খেলা অলস মলয় ।

ছায়া আলো অশ্রু হাসি নৃত্য গীত বীণা বাঁশি,

যেন মোর অঙ্গে আসি বসন্ত উদয়

কত পত্রপুষ্পময় !

তাই মনে হয় আমি আজি পরম সুন্দর,
 আমি অমৃত-নিব্বার !
 সুখসিক্ত নেত্র মম শিশিরিত পুষ্পসম,
 ওষ্ঠে হাসি নিরুপম মাধুরী-মন্তর ।
 মোর পুলকিত হিয়া সর্বদেহে বিলসিয়া
 বক্ষে উঠে বিকশিয়া পরম সুন্দর,
 নব অমৃত নির্ঝর ।

ওগো যে-তুমি আমার মাঝে নূতন নবীন
 সদা আছ নিশিদিন
 তুমি কি বসেছ আজি নব বরবেশে সাজি
 কুস্তলে কুসুমবাজি অঙ্গে লয়ে বীণ ?
 ভবিয়া আরতি থালা জ্বালায়েছ দীপমালা
 সাজিয়েছ পুষ্পডালা নূতন নবীন,
 আজি বসন্তের দিন ।

ওগো তুমি কি উতলাসম বেড়াইছ ফিরে
 মোর হৃদয়েব তীরে ?
 তোমারি কি চারিপাশ কাঁপে শত অভিলাষ
 তোমারি কি পটবাস উড়িছে সমীরে ?

নব গান তব মুখে ধ্বনিছে আমার বুকে
উচ্ছ্বসিয়া হুথে হুথে হৃদয়ের তীরে
তুমি বেড়াইছ ফিরে !

আজি তুমি কি দেখিছ এই শোভা রাশি রাশি
ওগো মনোবনবাসী !
আমার নিঃশ্বাসবায় লাগিছে কি তব গায় ?
বাসনার পুষ্প পায় পড়িছে কি আসি ?
উঠিছে কি কলতান মর্ম্মর-গুঞ্জর-গান,
তুমি কি করিছ পান মোর স্বধারামি
ওগো মনোবনবাসী !

আজি এ উৎসব কলরব কেহ নাহি জানে,
শুধু আছে তাহা প্রাণে ।
শুধু এ বক্ষের কাছে কি জানি কাহার নাচে
সর্ব্বদেহ মাতিয়াছে শব্দহীন গানে ।
যৌবন-লাবণ্যধারা অঙ্গে অঙ্গে পথহারা,
এ আনন্দ তুমি ছাড়া কেহ নাহি জানে,—
তুমি আছ মোর প্রাণে ।

জীবন-দেবতা ।

ওহে অন্তরতম,
 মিটেছে কি তব সকল তিয়ার
 আসি অন্তরে মম ?
 হৃৎস্থ স্তূথের লক্ষ ধারায়
 পাত্র ভরিয়া দিয়েছি তোমায়,
 নিঠুর পীড়নে নিঙাড়ি বক্ষ
 দলিত দ্রাক্ষাসম !
 কত যে বরণ, কত যে গন্ধ,
 কত যে রাগিণী, কত যে ছন্দ,
 গাথিয়া গাঁথিয়া করেছি বয়ন
 বাসর-শয়ন তব,—
 গলায়ে গলায়ে বাসনার সোনা
 প্রতিদিন আমি করেছি রচনা
 তোমার ক্ষণিক খেলার লাগিয়া
 মুরতি নিত্যনব !

আপনি বসিয়া লয়েছিলে মোরে
 না জানি কিসের আশে !

লেগেছে কি ভাল হে জীবননাথ
আমার বজ্রনী আমার প্রভাত,
আমার নশ্ব, আমার কশ্ব

-তোমার বিজ্ঞান বাসে ?

এরষা শবতে বসন্তে নীতে
ধ্বনিয়াছে হিয়া যত সঙ্গীতে
শুনেছ কি তাহা একেলা বসিয়া

আপন সিংহাসনে ?

মানস কুসুম তুলি অঞ্চলে
গেঁথেছ কি মালা, পরেছ কি গলে,
আপনাব মনে কবেছ ভ্রমণ

মম যৌবনবনে ?

কি দেখিছ বঁধু মবম-মাঝারে

রাধিয়া নয়ন ছুটি ?

করেছ কি ক্ষমা বতেক আমার

স্থলন পতন ক্রটি ?

পূজাহীন দিন, সেবাহীন রাত

কত বারবাব ফিরে গেছে নাথ,

অর্ধ্যকুসুম ঝরে পড়ে গেছে

বিজন বিপিনে ফুটি ।

যে সুরে বাঁধিলে এ বাণীর তার

নামিয়া নামিরা গেছে বারবার,

হে কবি, তোমার রচিত রাগিণী

আমি কি গাহিতে পারি ?

তোমাব কাননে সেচিবারে গিয়া

ঘুমায়ে পড়েছি ছায়ায় পড়িয়া,

সন্ধ্যাবেলায় নয়ন ভরিয়া

এনেছি অশ্রুবারি !

এখন কি শেষ হয়েছে প্রাণেশ

যা কিছু আছিল মোর ?

যত শোভা যত গান যত প্রাণ,

জাগরণ, ঘুমঘোর ?

শিথিল হয়েছে বাহু বন্ধন,

মদিরাবিহীন মম চুশন,

জীবনকুঞ্জে অভিসার-নিশা

আজি কি হয়েছে ভোর ?

ভেঙে দাও তবে আজ্ঞাকার সত্তা,
 আন নব রূপ, আন নব শোভা,
 নূতন করিয়া লহ আরবার
 চির-পুরাতন মোরে ।
 নূতন বিবাহে বাঁধিবে আমায়
 নবীন জীবন-ডোরে ।

অন্তর্যামী ।

এ কি কোতুক নিত্য-নূতন
 ওগো কোতুকময়ী !
 আমি যাহা কিছু চাহি বলিবারে
 বলিতে দিতেছ কই ?
 অন্তরমাঝে বসি অহরহ
 মুখ হতে তুমি ভাষা কেড়ে লহ,
 মোর কথা লয়ে তুমি কথা কহ
 মিশায়ে আপন স্নেহে ।
 কি বলিতে চাই সব ভুলে যাই,
 তুমি যা বলাও আমি বলি তাই,
 ১০

সঙ্গীতশ্রোতে কুল নাহি পাই,
 কোথা ভেসে যাই দূরে !
 বলিতেছিলাম বসি একধারে
 আপনার কথা আপন জনারে,
 শুনাতেছিলাম ঘরের ছুয়ারে
 ঘরের কাহিনী যত ;
 তুমি সে ভাষারে দহিয়া অনলে,
 ডুবায় ভাসায় নবনের জলে,
 নবীন প্রতিমা নব কোশলে
 গড়িলে মনের মত ।
 সে মায়া মূর্তি কি কহিছে বালী !
 কোথাকার ভাব কোথা নিলে টানি !
 আমি চেয়ে আছি বিশ্বাস মানি'
 রহস্তে নিমগন !
 এ যে সঙ্গীত কোথা হতে উঠে,
 এ যে লাবণ্য কোথা হতে ফুটে,
 এ যে ক্রন্দন কোথা হতে টুটে
 অন্তর-বিদারণ !
 নূতন ছন্দ অঙ্কের প্রায়
 ভরা আনন্দে ছুটে চলে যায়,

নূতন বেদনা বেজে উঠে তায়
 নূতন রাগিনী ভরে ।
 যে কথা ভাবিনি বলি সেই কথা
 যে ব্যথা বুঝি না জ্ঞানে সেই ব্যথা,
 জানি না এনেছি কাহার বারতা
 কারে শুনাবাব তবে !
 কে কেমন বোঝে অর্থ তাহার,
 কেহ এক বলে কেহ বলে আর,
 আমাবে শুধায় বুথা বারবার,
 দেখে' তুমি হাস বুঝি !
 কে গো তুমি, কোথা রয়েছ গোপনে,
 আমি মবিতেনি খুঁজি ।

এ কি কৌতুক নিত্য-নূতন
 ওগো কৌতুকময়ী !
 যে দিকে পাছ চাহে চলিবারে
 চলিতে দিতেছ কই ?
 গ্রামের যে পথ ধায় গৃহপানে,
 চাষীগণ ফিরে দিবা-অবসানে,

গোঠে ধায় গরু, বধু জল আনে
 শতবার যাতায়াতে,
 একদা প্রথম প্রভাত বেলায়
 সে পথে বাহির হইল হেলায়,
 মনে ছিল, দিন কাজে ও খেলায়
 কাটায়ে ফিরিব রাতে—
 পদে পদে তুমি ভুলাইলে দিক্,
 কোথা যাব আজি নাহি পাই ঠিক,
 ক্লান্ত হৃদয় ভ্রান্ত পথিক
 এসেছি নূতন দেশে ।
 কখনো উদাব গিরির শিখরে,
 কভু বেদনার তমোগহববে
 চিনি না যে পথ সে পথেব পরে
 চলেছি পাগলবেশে ।
 কভু বা পশু গহন জটিল,
 কভু পিচ্ছল ঘন পঙ্কিল,
 কভু সংকট ছায়া শঙ্কিল,
 বন্ধিম দুরগম,—
 খর কণ্টকে ছিন্ন চরণ,
 ধুলায় রোজে মলিন বরণ,

আশে পাশে হতে তাকায় মরণ,
 সহসা লাগায় ভ্রম !
 তারি মাঝে বাঁশি বাজিছে কোথায়,
 কাঁপিছে বক্ষ স্নেহের ব্যাথায়,
 তীব্র তপ্ত দীপ্ত নেশায়
 চিত্ত মাতিয়া উঠে !
 কোথা হতে আসে ঘন স্নগন্ধ,
 কোথা হতে বায়ু বহে আনন্দ,
 চিন্তা ত্যজিয়া পরাণ অন্ধ
 মৃত্যুর মুখে ছুটে !
 ক্ষাপার মতন কেন এ জীবন ?
 অর্থ কি তার, কোথা এ ভ্রমণ ?
 চূপ করে থাকি শুধায় যখন
 দেখে তুমি হাস বুঝি !
 কে তুমি গোপনে চালাইছ মোরে !
 আমি যে তোমারে খুঁজি !

রাথ কোতুক নিত্য নূতন
 ওগো কোতুক বাঁ !

আমার অর্থ, তোমার তত্ত্ব
 বলে দেও মোরে অশ্বি !
 আমি কি গো বীণা যন্ত্র তোমার ?
 ব্যাধায় পীড়িয়া হৃদয়ের তার
 মূর্চ্ছনাভরে গীতঝঙ্কার
 ধ্বনিছ মর্শ্বমাঝে !
 আমার মাঝারে করিছ রচনা
 অসীম বিরহ, অপার বাসনা,
 কিসের লাগিয়া বিশ্ববেদনা
 মোর বেদনায় বাজে ?
 মোর প্রেমে দিয়ে তোমার রাগিনী
 কহিতেছ কোন্ অনাদি কাহিনী,
 কঠিন আঘাতে ওগো মায়াবিনী
 জাগাও গভীর সুর !
 হবে যবে তব লীলা অবসান
 ছিঁড়ে যাবে তার, ধেম্মে যাবে গান,
 আমারে কি ফেলে করিবে প্রয়াণ
 তব রহস্তপুর ?
 জ্বলেছ কি মোরে প্রদীপ তোমার
 করিবারে পূজা কোন্ দেবতার

বহু-ঘেরা অসাম আধার

মহা মন্দিরতলে ?

নাহি জানি, তাই কার লাগি প্রাণ

মরিছে দহিয়া নিশিদিনমান,

যেন সচেতন বহি সমান

নাড়ীতে নাড়ীতে জলে ?

অর্দ্ধনিশীথে নিভতে নীরবে

এই দীপখানি নিবে যাবে যবে,

বুঝি কি, কেন এসেছি তব,

কেন জলিলাম প্রাণে ?

কেন নিয়ে এলে তব মায়াবধে

তোমার বিজ্ঞান নূতন এ পথে,

কেন রাখিলে না সবাব জগতে

জনতার মাঝখানে ?

জীবন-পোড়ানো এ হোম-অনল

সে দিন কি হবে সহসা সফল ?

সেই শিখা হতে রূপ নির্মল

বাহিবি' আসিবে বুঝি !

সব জটিলতা হইবে সরল

তোমারে পাইব খুঁজি !

ছাড়ি কোতুক নিত্য-নূতন
 ওগো কোতুকময়ী
 জীবনের শেষে কি নূতন বেশে
 দেখা দিবে মোরে অস্মি ?
 চিরদিবসের মর্শের বাথা
 শত জনমের চির সফলতা,
 আমার প্রেয়সী, আমার দেবতা,
 আমার বিশ্বরূপী ,
 মরণ নিশায় উষা বিকাশিয়া
 শ্রান্ত জনের শিয়রে আসিয়া
 মধুর অধরে করুণ হাসিয়া
 দাঁড়াবে কি চুপি চুপি ?
 ললাট আমার চুষন করি,
 নব চেতনায় দিবে প্রাণ ভরি',
 নয়ন মেলিয়া উঠিব শিহরি'
 জানি না চিনিব কি না !
 শূন্য গগন নীল নিশ্চল,
 নাহি রবিশশি গ্রহমণ্ডল,
 না বহে পবন, নাই কোলাহল.
 বাজিছে নারব বীণা !

অচল আলোকে রয়েছ দাঁড়ায়ে,

কিরণ-বসন অঙ্গে জড়ায়ে

চরণের তলে পড়িছে গড়ায়ে

ছড়ায়ে বিবিধ ভঙ্গে ।

গন্ধ তোমার ঘিরে চাবিধাব,

উড়িছে আকুল কুন্তলভার,

নিখিল গগন কাঁপিছে তোমার

পরশ-বস-তবঙ্গে ।

হাসিমাধা তব আনত দৃষ্টি,

আমাবে কবিছে নূতন সৃষ্টি,

অঙ্গে অঙ্গে অমৃত-বৃষ্টি

ববষি' করুণাভরে ।

নিবিড় গভীঃ প্রেম আনন্দ

বাহুবন্ধনে কবিছে বন্ধ,

মুগ্ধ নয়ন হয়েছে অন্ধ

অশ্রু বাষ্প থার ।

নাহিক মিথ্যা, নাহিক তত্ত্ব,

নাহিক অর্থ, নাহিক সত্য,

আপনার মাঝে আপনি মন্ত,

দেখিয়া হাসিবে বুঝি ?

আমি হতে তুমি বাহিরে আসিবে,
ফিরিতে হবে না খুঁজি !

যদি কোতুক রাখ চিরদিন
ওগো কোতুকময়ী,
যদি অন্তরে লুকায়ে বসিয়া
হবে অন্তরজয়ী,
তবে তাই হোক ! দেবি অহরহ
জনমে জনমে রহ তবে রহ
নিত্য মিলনে নিত্য বিবহ
জীবনে জাগাও প্রিয়ে !

নব নব রূপে ওগো রূপময়
লুপ্তিয়া লহ আমার হৃদয়,
কাঁদাও আমারে, ওগো নির্দয়,
চঞ্চল প্রেম দিয়ে ।
কখন হৃদয়ে কখন বাহিরে,
কখনো আলোকে, কখন ভিমিরে,
কভু বা স্বপনে কভু সশরীরে
পরশ করিয়া যাবে ।

বক্ষ বীণায় বেদনার তার
 এইমত পুনঃ বাঁধিব আবার,
 পরশমাঝে গীতঝঙ্কার
 উঠিবে নূতন ভাবে ।
 এমনি টুটিয়া মর্ম্ম-পাথর
 ছুটিবে আবার অশ্রু-নিঝর
 জানি না খুঁজিয়া কি মহাসাগর
 বহিয়া চলিবে দূরে ।
 বরষ বরষ দিবস রঞ্জনী
 অশ্রু নদীর আকুল সে ধ্বনি
 রহিয়া রহিয়া মিশিবে এমনি
 আমার গানের সুরে !
 যত শত ভুল করেছি এবার
 সেই মত ভুল ঘটবে আবার,
 ওগো মায়াবিনী কত ভুলাবার
 মন্ত্র তোমার আছে !
 আবার তোমারে ধরিবার তরে
 ফিরিয়া মগ্নিব বনে প্রাস্তরে,
 পঞ্চ হতে পথে, ঘর হতে ঘরে
 হ্রাশার পাছে পাছে ।

এবারের মত পুরিয়া পরাণ
 তীব্র বেদনা করিয়াছি পান ;
 সে সুরা তরল অগ্নি সমান
 তুমি ঢালিতেছ বুঝি !
 আবার এমনি বেদনার মাঝে
 তোমারে ফিরিব খুঁজি !

চিত্রা ।

জগতের মাঝে কত বিচিত্র তুমি হে
 তুমি বিচিত্র রূপিণী !
 অযুত আলোকে ঝলসিছ নীল গগনে,
 আকুল পুলকে উলসিছ ফুল-কাননে,
 ছালোকে ভুলোকে বিলসিছ চল-চরণে,
 তুমি চঞ্চল-গামিনী ।
 মুখের নুপুর বাজিছে সূদূর আকাশে,
 অলকগন্ধ উড়িছে মন্দ বাতাসে,
 মধুর নৃত্যে নিখিল চিত্তে বিকাশে
 কত মঞ্জুল রাগিনী ।

কত না বর্ণে কত না স্বর্ণে গঠিত,
 কত যে ছন্দে কত সঙ্গীতে রচিত,
 কত না গ্রন্থে কত না কণ্ঠে পঠিত,
 তব অসংখ্য কাহিনী !
 জগতের মাঝে কত বিচিত্র তুমি হে
 তুমি বিচিত্র রূপিণী !

অস্তব মাঝে শুধু তুমি একা একাকী
 তুমি অস্তবব্যাপিনী !
 একটি স্বপ্ন মুগ্ধ সজল নয়নে,
 একটি পদ্য হৃদয়-বৃত্ত-শয়নে,
 একটি চন্দ্র অসীম জীবন গগনে,
 চারিদিকে চির-ধামিনী ।
 অকুল শাস্তি, সেথায় বিপুল বিরতি,
 একটি ভক্ত করিছে নিত্য আরতি,
 নাহি কাল দেশ, তুমি অনিমেঘ মুরতি,
 তুমি অচপল দামিনী ।
 ধীর গভীর গভীর মোন-মহিমা,
 স্বচ্ছ অতল স্নিগ্ধ নয়ন-নীলিমা,

স্থিৎ হাসিখানি উষালোকসম অসীমা,
 অগ্নি প্রশান্ত হাসিনী !
 অন্তরমাঝে তুমি শুধু একা একাকী
 তুমি অন্তরবাসিনী ।

অন্তরতম ।

আমি যে তোমায় জানি, সেত কেউ
 জানেনা !
 তুমি মোর পানে চাও, সেত কেউ
 মানেনা !
 মোর মুখে পেলে তোমার আভাস
 কত জনে কত করে পরিহাস,
 পাছে সে না পারি সহিতে
 নানা ছলে তাই ডাকি যে তোমায়,
 কেহ কিছু নায়ে কহিতে ।

তোমার পথ যে তুমি চিনিয়েছ
 সে কথা বলিলে কাহারে ।

সবাই ঘুমালে জনহীন রাতে
 একা আসি তব দ্রুতবে ।
 স্তব্ধ তোমার উদার আগ্নেয়,
 বীণাটী বাজাতে মনে করি ভয়,
 চেয়ে থাকি শুধু নাববে ।
 চকিতে তোমাব ছায়া দেখি যদি
 ফিরে আসি তবে গরবে !

প্রভাত না হতে কখন আবাব
 গৃহকোণমাঝে আসিয়া
 বাতায়নে বসে' বিহ্বল বীণা
 বিজনে বাজাই হাসিয়া ।
 পথ দিয়ে যেবা আসে যেবা যায়
 সহসা থমকি চমকিয়া চায়,
 মনে কবে তারে ডেকেছি ।
 জানেনা ত কেহ কত নাম দিয়ে
 এক নামখানি ঢেকেছি ।

ভোরের গোলাপ সে গানে সহসা
 সাড়া দেয় ফুলকাননে,

ভোরের তারাটী সে গানে জাগিয়া
 চেয়ে দেখে মোর আননে ।
 সব সংসার কাছে আসে যিরে,
 প্রিয়জন স্নেহে ভাসে আধিনীরে,
 হাসি জেগে ওঠে ভবনে ।
 যে নামে যে ছলে বীণাটী বাজাই
 সাড়া পাই সারা ভুবনে ।

নিশীথে নিশীথে বিপুল প্রাসাদে
 তোমার মহলে মহলে
 হাজার হাজার সোণার প্রদীপ
 জলে অচপল অনলে ।
 মোর দীপে জেলে তাহারি আলোক
 পথ দিয়ে আসি হাসে কত লোক,
 দূরে যেতে হয় পালায়ে,—
 তাইত সে শিখা ভবনশিখরে
 পারিনে রাখিতে জালায়ে ।

বলিনে ত কারে, সকালে বিকালে
 তোমার পথের মাঝেতে

বাঁশি বুকে লয়ে বিনা কাজে আসি

বেড়াই ছদ্ম-সাজেতে ।

যাহা মুখে আসে গাই সেই গান,

নানা রাগিণীতে দিয়ে মানা তান,

এক গান রাখি গোপনে ।

নানা মুখপানে আঁখি মেলি চাই,

তোমা পানে চাই স্বপনে ।

সমাপ্তি ।

পথে যতদিন ছিলাম, ততদিন

অনেকের সনে দেখা ।

সব শেষ হ'ল যেখানে সেথায়

তুমি আর আমি একা ।

নানা বসন্তে নানা বরষায়

অনেক দিবসে অনেক নিশায়

দেখেছি অনেক, সতেছি অনেক

জিখেছি অনেক লেখা ;

পথে যতদিন ছিহ্ন, ততদিন
অনেকের সনে দেখা !

কখন্ যে পথ আপনি ফুরাল,
সন্ধ্যা হ'ল যে কবে,
পিছনে চাহিয়া দেখিহ্ন, কখন্
চলিয়া গিয়াছে সবে !
তোমার নীরব নিভৃত ভবনে
জানিনা কখন্ পশিহ্ন কেমনে !
অবাক্ রহিহ্ন আপন প্রাণের
নূতন গানের রবে !
কখন্ যে পথ আপনি ফুরাল,
সন্ধ্যা হ'ল যে কবে !

চিহ্ন কি আছে শ্রান্ত নয়নে
অশ্রুজলেব রেখা ?
বিপুল পথের বিবিধ কাহিনী
আছে কি ললাটে লেখা ?
কৃষিয়া দিয়েছ তব বাতায়ন,
বিছান রয়েছে শীতল শয়ন,

ভোমাব সন্ধ্যাপ্রদীপ-আলোকে

তুমি আব আমি একা ।

নয়নে আমাব অশ্রুজলেব

চিহ্ন কি যায় দেখা ?

ଏହି ଅଞ୍ଚଳାଞ୍ଚଳ

୧୭୦୯ ।

স্মরণ ।

শেষ কথা ।

তখন নিশীথরাত্রি ; গেলে ঘর হ'তে
যে পথে চলনি কভু সে অজানা পথে ।
যাবার বেলায় কোনো বলিলে না কথা,
লইয়া গেলেনা কারো বিদায়-বারতা ।
সুপ্তিমগ্ন বিশ্বমাঝে বাহিরিলে একা,
অন্ধকারে খুঁজিলাম না পেলেম দেখা ।
মঙ্গলমূর্তি সেই চির-পরিচিত
অগণ্য তারার মাঝে কোথা অন্তর্হিত !

গেলে যদি একেবারে গেলে রিক্তহাতে ?
এ ঘর হইতে কিছু নিলে না কি সাথে ?
বিশ-বৎসরের তব সুখদুঃখভার
ফেলে রেখে দিয়ে গেলে কোলেতে আমার !
প্রতিদিবসের প্রেমে কতদিন ধরে'
যে ঘর বাঁধিলে তুমি সুমঙ্গল-করে,

পল্লিপূর্ণ করি' তারে স্নেহের সঞ্চয়ে
আজ তুমি চলে গেলে কিছু নাহি ব্যয়ে ?

তোমার সংসারমাঝে, হায়, তোমাহীন
এখনো আসিবে কত সুদিন-দুর্দিন,—
তখন এ শূন্যঘরে চিরাভ্যাস-টানে
তোমারে খুঁজিতে এসে চাব কার পানে ?
আজ শুধু এক প্রশ্ন মোর মনে জাগে—
হে কল্যাণি, গেলে যদি, গেলে মোব আগে,
মোব লাগি' কোথাও কি ছুটি স্নিগ্ধ কবে
বাথিবে পাতিয়া শয্যা চিরসন্ধ্যাতবে ?

প্রার্থনা ।

আমার ঘরেতে আর নাই সে যে নাই,
যাই আর কিরে আসি, খুঁজিয়া না পাই !
আমার ঘরেতে নাথ একটুকু স্থান—
সেথা হতে যা হাবায় মেলে না সন্ধান ।
অনন্ত তোমার গৃহ, বিশ্বময় ধাম,
হে নাথ খুঁজিতে তারে সেথা আসিলাম ।

দাঁড়ালেম তব সন্ধ্যাগগনের তলে,
 চাহিলাম তোমাপানে নয়নের জলে ।
 কোনো মুখ, কোনো স্মৃতি, আশাতৃষা কোনো
 যেথা হতে হারাইতে পারে না কখনো,
 সেথায় এনেছি মোর পীড়িত এ হিয়া,
 দাও তারে, দাও তারে, দাও ডুবাইয়া !
 ঘরে মোর নাহি আর যে অমৃতরস,
 বিশ্বমাঝে পাই সেই হাবানো পবন !

আহ্বান ।

যবে যবে ছিলে মোরে ডেকেছিলে ঘরে
 তোমাব করুণাপূর্ণ স্নধাকণ্ঠস্ববে ।
 আজ তুমি বিশ্বমাঝে চলে গেলে যবে
 বিশ্বমাঝে ডাক মোরে সে করুণ রবে !
 খুলি' দিয়া গেলে তুমি যে গৃহদ্বার
 সে দ্বার ঋষিতে কেহ কহিবে না আর ।
 বাহিরের রাজপথ দেখালে আমায়,
 মনে রয়ে' গেল তব নিঃশব্দ বিদায় !

আজি বিশ্বদেবতার চরণ-আশ্রয়ে
 গৃহলক্ষ্মী দেখা দাও বিশ্বলক্ষ্মী হয়ে !
 নিখিল নক্ষত্র হতে কিরণের রেখা
 সীমন্তে আঁকিয়া দিক্‌ সিন্দূরের লেখা !
 একান্তে বসিয়া আজি করিতেছি ধ্যান
 সবাব কল্যাণে হোক তোমার কল্যাণ !

পরিচয় ।

যতকাল কাছে ছিলে বল কি উপায়ে
 আপনারে রেখেছিলে এমন লুকায়ে ?
 ছিলে তুমি আপনার কণ্ঠের পশ্চাতে
 অন্তর্যামী বিধাতার চোখের সাক্ষাতে ।
 প্রতি দণ্ড-মুহূর্তের অন্তরাল দিয়া
 নিঃশব্দে চলিয়া গেছ নম্র-নত-হিয়া ।
 আপন সংসারখানি করিয়া প্রকাশ
 আপনি ধরিয়াছিলে কি অজ্ঞাতবাস ।
 আজি যবে চলি' গেলে খুলিয়া হৃদ্যার
 পরিপূর্ণ রূপখানি দেখালে তোমার ।

জীবনের সব দিন সব খণ্ড কাজ
 ছিন্ন হয়ে পদতলে পড়ি' গেল আজ ।—
 তব দৃষ্টিখানি আজি বহে চিরদিন
 চিরজনমের দেখা পলক-বিশীন ।

মিলন ।

মিলন সম্পূর্ণ আজি হল তোমাসনে
 এ বিচ্ছেদবেদনার নিবিড় বন্ধনে ।
 এসেছ একান্ত কাছে, ছাড়ি' দেশকাল
 হৃদয়ে মিশায়ে গেছ ভাঙি' অন্তরাল ।
 তোমারি নয়নে আজ হেরিতেছি সব,
 তোমারি বেদনা বিশ্ব করি অনুভব ।
 তোমাব অদৃশ্য হাত হেরি মোর কাজে,
 তোমারি কামনা মোর কামনার মাঝে ।
 দুজনের কথা দৌহে শেষ করি লব
 সে রাত্রে ঘটেনি হেন অবকাশ তব !
 বাণীবীন বিদায়ের সেই বেদনার
 চারিদিকে চাহিয়াছি ব্যর্থ বাসনায় ।

আজি এ হৃদয়ে সৰ্ব্ভাবনার নীচে
তোমার আমার বাণী একত্রে মিলিছে !

লক্ষ্মী-সরস্বতী ।

হে লক্ষ্মী তোমার আজি নাই অন্তঃপুর !
সরস্বতীরূপ আজি ধরেছ মধুর,
দাঁড়ায়েছ সঙ্গীতের শতদলদলে ।
মানসসরসী আজি তব পদতলে
নিখিলের প্রতিবিম্বে রঞ্জিছে তোমায় ।
চিত্তের সৌন্দর্য্য তব বাধা নাহি পায়—
সে আজি বিশ্বের মাঝে মিশিছে পুলকে
সকল আনন্দে আর সকল আলোকে
সকল মঙ্গল সাথে ! তোমার কঙ্কণ
কোমল কল্যাণপ্রভা করেছে অর্পণ
সকল সতীর করে । স্নেহাতুর হিয়া
নিখিল নারীর চিত্তে গিয়েছে গলিয়া ।
সেই বিশ্বমুর্তি তব আমারি অন্তরে
লক্ষ্মীসরস্বতীরূপে পূর্ণরূপ ধরে !

কথা ।

তোমার সকল কথা বল নাই, পার নি বলিতে,
 আপনারে খর্ব্ব করি' রেখেছিলে, তুমি হে লজ্জিতে,
 যতদিন ছিলে হেথা । হৃদয়ের গুঢ় আশাগুলি
 যখন চাহিত তারা কাঁদিয়া উঠিতে কণ্ঠ তুলি'
 তর্জনী-ইঙ্গিতে তুমি গোপনে করিতে সাবধান
 ব্যাকুল সঙ্কোচবশে, পাছে ভুলে পায় অপমান !
 আপনার অধিকার নীরবে নিঃশ্বাস নিঃসর
 রেখেছিলে সংসারের সবার পশ্চাতে হেলাভরে ।
 লজ্জার অতীত আজি মৃত্যুতে হয়েছ মহীয়সী,—
 মোর হৃদিপদ্মদলে নিখিলের অগোচরে বসি
 নতনেত্রে বল তব জীবনের অসমাপ্ত কথা
 ভাষাবাধাহীন বাক্যে ! দেহমুক্ত তব বাহুল্য
 জড়াইয়া দাও মোর মশ্নের মাঝে একবার—
 আমার অন্তরে রাখ তোমার অস্তিম অধিকার !

নব পরিণয় ।

মৃত্যুর নেপথ্য হতে আরবার এলে তুমি কিরৈ'
 নূতন বধুর সাজে হৃদয়ের বিবাহ মন্দিরে

নিঃশব্দচরণপাতে ! ক্লান্ত জীবনের বত মানি
 ঘুচেছে মরণস্থানে । অপক্লপ নবক্লপথানি
 লভিয়াছ এ বিশ্বের লক্ষ্মীর অক্ষয়রূপা হ'তে ।
 শ্বিতস্নিগ্ধমুগ্ধমুখে এ চিত্তের নিভৃত আলোতে
 নির্ঝাঁকু দাঁড়ালে আসি ! মরণের সিংহদ্বার দিয়া
 সংসার হইতে তুমি অন্তরে পশিলে আসি, প্রিয়া,—
 আজি বাজে নাই বাদ্য, ঘটে নাই জনতা-উৎসব,
 জলে নাই দীপমালা, আজিকার আনন্দ গৌরব
 প্রশান্ত গভীর স্তব্ধ বাক্যহারা অশ্রু-নিমগন ।
 আজিকার এই বার্তা জানে নি শোনে নি কোনোজন ।
 আমার অন্তর শুধু জ্বলছে প্রদীপ একখানি,—
 আমার সঙ্গীত শুধু একা গাঁথে মিলনের বাণী !

পূর্ণতা ।

আপনার মাঝে আমি করি অমুভব
 পূর্ণতার আজি আমি । তোমার গৌরব
 মুহূর্তে মিশিয়ে তুমি দিবেছ আমাতে ।
 ছোঁয়ায়ে দিবেছ তুমি আপনার হাতে
 মৃত্যুর পরশমণি আমার জীবনে ।

উঠেছ আমার শোকবজ্রহতাশনে
 নবীন নির্মলমুষ্টি,—আজি তুমি সতি
 ধরিয়াছ অনিন্দিত সতীত্বের জ্যোতি,—
 নাহি তাহে শোকদাহ, নাহি মলিনিমা,—
 ক্লাস্তিহীন কল্যাণের বহিয়া মহিমা
 নিঃশেষে মিশিয়া গেছ মোর চিত্তসনে ।
 তাই আজি অমুভব করি সৰ্ব্বমনে—
 মোর পুরুষেব প্রাণ গিয়েছে বিস্তারি’
 নিত্য তাহে মিলি গিয়া মৃত্যুহীন নারী !

সার্থকতা ।

তুমি মোর জীবনেব মাঝে
 মিশায়েছ মৃত্যুব মাধুরী ।
 চিরবিদায়ের আভা দিয়া
 বাঙায়ে গিয়েছ মোর হিয়া,
 এঁকে গেছ সব ভাবনার
 সূর্য্যাস্তের বরণচাতুরী ।
 জীবনের দিক্চক্রসীমা
 লভিয়াছে অপূৰ্ণ-মহিমা,

অশ্রুধৌত হৃদয়-আকাশে
 দেখা যার দূর স্বর্ণপুরী ।
 তুমি মোর জীবনের মাঝে
 মিশিয়েছ মৃত্যুর মাধুরী ।

তুমি ওগো কল্যাণরূপিণী
 মরণেরে করেছ মঙ্গল ।
 জীবনের পরপার হতে
 প্রতিক্ষণে মর্ত্যের আলোতে
 পাঠাইছ তব চিত্তখানি
 মৌনপ্রমে সজল-কোমল ।

মৃত্যুর নিভৃত স্নিগ্ধযবে
 বসে আছ বাতায়ন'পরে,
 আলায়ে রেখেছ দীপখানি
 চিরন্তন আশায় উজ্জল ।
 তুমি ওগো কল্যাণরূপিণী
 মরণেরে করেছ মঙ্গল ।

তুমি মোর জীবন মরণ
 বাধিয়াছ দুটি বাহু দিয়া ।

প্রাণ তব করি অনাবৃত
 মৃত্যুমাঝে মিলালে অমৃত,
 মরণেরে জীবনের প্রিয়
 নিজহাতে করিয়াছ, প্রিয়া !
 খুলিয়া দিয়াছ দ্বারখানি,
 যবনিকা লইয়াছ টানি',
 জন্মমরণের মাঝখানে
 নিস্তরু রয়েছ দাঁড়াইয়া ।
 তুমি মোব জীবন-মরণ
 বাধিয়াছ দুটি বাহু দিয়া !

সঞ্চয় ।

দেখিলাম খানকয় পুরাতন চিঠি—
 স্নেহমুগ্ধ জীবনের চিহ্ন ছ'চারিটি
 স্মৃতির খেলেনা ক'টি বহু যত্নভরে
 গোপনে সঞ্চয় করি' রেখেছিলে ঘরে ।
 যে প্রবল কালস্রোতে প্রলয়ের ধারা
 ভাসাইয়া যায় কত রবিচন্দ্রভারা

তারি কাছ হতে তুমি বহু ভয়ে ভয়ে
 এই ক'টি তুচ্ছ বস্তু চুরি করে' লয়ে
 লুকায়ে রাখিয়াছিলে,—বলেছিলে মনে
 অধিকার নাই কারো আমার এ ধনে !
 আশ্রয় আজিকে তারা পাবে কার কাছে ?
 জগতের কারো নয়, তবু তারা আছে !
 তাদের যেমন তব রেখেছিল স্নেহ
 তোমাতে তেমনি আজ রাখেনি কি কেহ ?

রচনা ।

এ সংসারে একদিন নববধূবেশে
 তুমি যে আমার পাশে দাঁড়াইলে এসে,
 রাখিলে আমার হাতে কম্পমান হাত
 সে কি অদৃষ্টের খেলা, সে কি অকস্মাৎ ?
 শুধু এক মুহূর্তের এ নহে ঘটনা
 অনাদিকালের এই আছিল মন্ত্রণা ।
 দৌহার মিলনে মোরা পূর্ণ হব দৌহে
 বহুযুগ আসিয়াছি এই আশা বহে' ।

নিয়ে গেছ কতখানি মোর প্রাণ হতে,
 দিয়ে গেছ কতখানি এ জীবনশ্রোতে !
 কত দিনে কত রাত্রে কত লজ্জাভয়ে
 কত ক্ষতিলাভে কত জয়ে পবাজয়ে
 রচিত্তেছিলাম যাহা মোরা শাস্তিহার্য্য
 সাঙ্গ কে করিবে তাহা মোরা দৌহে ছাড়া ?

সন্ধান ।

স্বপ্ন-আয়ু এ জীবনে যে কয়টি আনন্দিত দিন—
 কল্পিত পুলকভবে, সঙ্গীতের বেদনা-বিলীন —
 লাভ কবেছিলে, লক্ষ্মি, সে কি তুমি নষ্ট করি যাবে ?
 সে আজি কোথায় তুমি যত্ন কবি বাগিছ কি ভাবে
 তাই আমি খুঁজিতেছি ! সূর্য্যাস্তের স্বর্ণমেঘস্তরে
 চেয়ে দেখি একদৃষ্টে,—সেথা কোন্ করুণ অক্ষবে
 লিখিয়াছ সে জন্মের সায়াহ্নের হারানো কাহিনী !
 আজি এই দ্বিপ্রহবে পল্লবেব মর্ম্মব রাগিণী
 তোমার সে কবেকার দীর্ঘশ্বাস করিছে প্রচার ।
 আতপ্ত শীতের বোদ্রে নিজহস্তে কবিছ বিস্তার

কত শীতমধ্যাহ্নের স্নানবিড় স্নেহের স্তব্ধতা !
 আপনার পানে চেয়ে বসে বসে ভাবি এই কথা—
 কত তব রাত্রিদিন কত সাধ মোরে ঘিরে আছে,
 তাদের ক্রন্দন শুনি ফিরে ফিরে ফিরিতেছ কাছে !

অশোক ।

বজ্র যথা বর্ষণেরে আনে অগ্রসরি'
 কে জানিত তব শোক সেই মত করি
 আনি দিবে অকস্মাৎ জীবনে আমার
 বাধাহীন মিলনের নিবিড় সঞ্চার !
 মোর অশ্রুবিন্দুগুলি কুড়ায়ে আদরে
 গাঁথিয়া সীমন্তে পরি' বার্থশোক পরে
 নীরবে হানিছ তব কৌতূকের হাসি ।
 ক্রমে সব হাতে যত দূবে গেলে ভাসি'
 তত মোর কাছে এলে ! জানি না কি করে'
 সবারে বঞ্চিয়া তব সব দিলে মোরে !
 মৃত্যুমাঝে আপনারে করিয়া হরণ
 আমার জীবনে তুমি ধরেছ জীবন,

আমাব নয়নে তুমি পেতেছ আলোক—
এই কথা মনে জানি' নাই মোব শোক ।

জীবনলক্ষ্মী ।

সংসার সাঙ্গায়ে তুমি আছিলে বমণি
আমাব জীবন আজি সাঙ্গাও তেমনি
নির্মল স্নানব-কবে । ফেলি' দাও বাছি'
যেথা আছে যত ক্ষুদ্র তৃণকুটাগাছি—
অনেক আলস্যক্লান্ত দিনবজ্জনীব
উপেক্ষিত ছিন্নখণ্ড যত । আন নীব,
সকল কলঙ্ক আজি কবগো মার্জনা
বাহিবে ফেলিয়া দাও যত আবর্জনা ।
যেথা মোব পূজাগৃহ নিভৃতমন্দিরে
সেথায় নীববে এস দ্বার খুলি' ধীবে,—
মঙ্গলকনকঘটে পুণ্যতীর্থ জল
সযত্নে ভরিয়া বাথ, পূজাশতদল
স্বহস্তে তুলিয়া আন । সেথা দুইজনে
দেবতার সম্মুখেতে বসি একাসনে ।

বসন্ত ।

পাগল বসন্তদিন কতবার অতিথির বেশে
 তোমার আমার দ্বারে বীণাহাতে এসেছিল হেসে
 লয়ে তার কত গীত কত মন্থ মন ভুলাবার,
 যাহু করিবার কত পুষ্পপত্র আয়োজনভার !—
 কুহুতানে হেঁকে গেছে “খোলো ওগো খোলো দ্বার খোলো !
 কাজকর্ম ভোলো আজি, ভোলো বিশ্ব, আপনারে ভোলো !”
 এসে এসে কতদিন চলে গেছে দ্বারে দিয়ে নাড়া,—
 আমি ছিলাম কোন্ কাজে, তুমি তারে দাও নাই সাড়া !
 আজ তুমি চলে গেছ, সে এল দক্ষিণ বায়ু বাহি’,
 আজ তারে ক্ষণকাল ভুলে থাকি হেন সাধ্য নাহি !
 আনিছে সে দৃষ্টি তব, তোমার প্রকাশহীন বানী,
 মর্ম্মরি তুলিছে কুঞ্জে তোমার আকুল চিন্তখানি ।
 মিলনের দিনে যারে কতবার দিয়েছিলাম ফাঁকি,
 তোমার বিচ্ছেদ তারে শূন্যঘরে আনে ডাকি ডাকি !

উৎসব ।

এস বসন্ত এস আজ তুমি
 আমারো ছয়াবে এস !
 ফুল তোলা নাই, ভাঙা আয়োজন,
 নিবে গেছে দীপ, শূন্য আসন,
 আমার ঘরের শ্রীহীন মলিন
 দীনতা দেখিয়া হেসো,
 তবু বসন্ত তবু আজ তুমি
 আমারো ছয়াবে এসো !

আজিকে আমার সব বাতায়ন
 বয়েছে—বয়েছে থোলা ।
 বাধাহীন দিন পড়ে আছে আজ,
 নাই কোনো আশা, নাই কোন কাজ,
 আপনা-আপনি দক্ষিণ বায়ে
 ছলিছে চিত্তদোলা ।
 শূন্যঘরের সব বাতায়ন
 আজিকে রয়েছে থোলা !

কত দিবসেব হাসি ও কান্না
 হেথা হয়ে গেছে সারা ।

ছাড়া পাক্ তোরা তোমার আকাশে,
 নিশ্বাস পাক্ তোমার বাতাসে,
 নব নব রূপে লভুক জন্ম
 বকুলে চাঁপায় তা'রা,
 গত দিবসের হাসি ও কান্না
 যত হয়ে গেছে সারা ।

আমার বক্ষে বেদনার মাঝে
 কর তব উৎসব !
 আন তব হাসি, আন তব বাঁশী,
 ফুলপল্লব আন রাশিরশি,
 ফিরিয়া ফিরিয়া গান গেয়ে যাক্
 যত পাখী আছে সব,
 বেদনা আমার ধ্বনিত করিয়া
 কর তব উৎসব ।

সেই কলরবে অন্তরমাঝে
 পাব, পাব আমি সাড়া !
 ছালোকে ভুলোকে বাঁধি এক দল
 তোমরা করিবে যবে কোলাহল,

~ ~ ~

হাসিতে হাসিতে মরণের দ্বারে
 বারে বারে দিবে নাড়া—
 সেই কলরবে অন্তরমাঝে
 পাব, পাব আমি সাড়া !

প্রেম ।

বহরে যা এক কবে ; বিচিত্রে কবে যা সবস,—
 প্রভুত্বের করি' আনে নিজ ক্ষুদ্র তর্জনী বশ ;
 বিবিধপ্রয়াসক্লুত দিবসেবে লয়ে আসে ধীবে
 স্তুতিস্তুনিবিড় শাস্ত স্বর্ণময় সন্ধ্যার তিমিবে
 ঐবতারাঙ্গীপদীপ্ত স্তূত্ব নিভৃত অবসানে ;
 বহুবাক্যব্যাকুলতা ডুবায় যা একখানি গানে
 বেদনার স্তম্ভরসে,—সেই প্রেম হ'তে মোরে প্রিয়া
 রেখো না বঞ্চিত করি ;—প্রতিদিন থাকিয়ো জাগিয়া
 আমার দিনান্তমাঝে ! কঙ্কণেব কনককিরণ
 নিদ্রার আঁধারপটে আঁকি দিবে সোনার স্বপন ;
 তোমার চরণপাত মোর শুক সাগ্নাহ-আকাশে
 নিঃশব্দে পড়িবে ধরা আরক্তিম অলক্ত-আভাসে ।

এ জীবন নিয়ে যাবে অনিমেষ নয়নের টানে
তোমার আপন কক্ষে পরিপূর্ণ মরণের পানে ।

দ্বৈতরহস্য ।

যে ভাবে রমণীরূপে আপন মাধুরী
আপনি বিশ্বের নাথ করিছেন চুরি ;
যে ভাবে স্নন্দব তিনি সর্ষচরাচবে,
যে ভাবে আনন্দ তাঁর প্রেমে খেলা করে,—
যে ভাবে লতায় ফুল, নদীতে লহরী,
যে ভাবে বিরাজে লক্ষ্মী বিশ্বের ঈশ্বরী,
যে ভাবে নবীন মেঘ বৃষ্টি করে দান,
তটিনী ধরারে স্তম্ভ করাচ্ছে পান,
যে ভাবে পরম-এক আনন্দে উৎসুক
আপনারে ছুই কবি লভিছেন স্মৃথ,
ছয়ের মিলনঘাতে বিচিত্র বেদনা
নিত্য বর্ণগন্ধগীত করিছে রচনা,
হে রমণি কণকাল আসি মোর পাশে
চিত্ত ভরি' দিলে সেই রহস্য আভাসে !

সন্ধ্যাদীপ ।

জ্বালো ওগো জ্বালো ওগো সন্ধ্যাদীপ জ্বালো !
 হৃদয়েব একপ্রান্তে ওইটুকু জ্বালো
 স্বহস্তে জ্বাগায়ে রাখ ! তাহারি পশ্চাতে
 আপনি বসিয়া থাক আসন্ন এ রাতে
 যতনে বানিয়া বেণী আজি বক্তাববে
 আমার বিক্ষিপ্ত চিত্ত কাড়িবার তরে
 জীবনের জাল হতে । বুঝিয়াছি আজি
 বহুকর্ম্মকীর্ত্তিখ্যাতি আয়োজনরাজি
 শুষ্ক বোঝা হয়ে থাকে, সব হয় মিছে
 যদি সেই স্তূপাকার উদ্ভোগেব পিছে
 না থাকে একটি হাসি ; নানা দিক্ হ'ত
 নানা দর্প নানা চেষ্টা সন্ধ্যাব আলোতে
 এক গৃহে ফিবে যদি নাহি বাধে স্থিতি
 একটি প্রেমের পায়ে শ্রান্ত নতশিবি ।

গোধূলি ।

গোধূলি নিঃশব্দে আসি আপন অঞ্চলে ঢাকে যথা
 কস্মিন্ কাস্ত সংসারের যত ক্ষত যত মলিনতা,

ভগ্ন-ভবনের দৈহ্য, ছিন্ন-বসনের লজ্জা যত—
 তব লাগি স্তব্ধ শোক স্নিগ্ধ দুই হাতে সেইমত
 প্রসারিত করে' দিক্ অব্যাহিত উদার তিমির
 আমার এ জীবনের বহু ক্ষুদ্র দিনযামিনীর
 স্থলন থণ্ডতা ক্ষতি ভগ্ন-দীর্ঘ জীর্ণতার' পরে,—
 সব ভালমন্দ নিয়ে মোর প্রাণ দিক্ এক করে'
 বিষাদের একখানি স্বর্ণময় বিশাল বেষ্টনে ।
 আজ কোনো আকাঙ্ক্ষাও কোনো ক্ষোভ নাহি থাক্ মনে,
 অতীত অভুপ্তিপানে যেন নাহি চাই ফিরে ফিরে—
 যাহা কিছু গেছে যাক্, আমি চলে যাই ধীবে ধীরে
 তোমার মিলনদীপ অকল্পিত যেথায় বিবাজে
 ত্রিভুবনদেবতাব ক্লাস্তিহীন আনন্দের মাঝে !

জাগরণ ।

জাগরে জাগবে চিত্ত জাগবে !
 জোয়ার এসেছে অশ্রুসাগরে !
 কুল তার নাহি জানে,
 বাধ আর নাহি মানে,
 তাহারি গর্জনগানে জাগরে !
 তরী তোর নাচে অশ্রুসাগরে !

আজি এ উষার পূণ্য-লগনে
 উঠেছে নবীন সূর্য্য গগনে ।
 দিশাহারা বাতাসেই
 বাজে মহামন্ত্র সেই
 অজানা যাত্রার এই লগনে
 দিক্ হতে দিগন্তের গগনে ।

জানি না উদার শুভ্র আকাশে
 কি জাগে অরুণদীপ্ত আভাসে ।
 জানি না কিসের লাগি
 অতল উঠেছে জাগি
 বাহু ভোলে কারে মাগি' আকাশে,
 পাগল কাহাব দীপ্ত আভাসে !

শূন্য মরুময় সিঁদু-বেলাতে
 বহা মাতিয়াছে রক্ত-খেলাতে ।
 হেথায় জাগ্রত দিন
 বিহঙ্গের গীতহীন,
 শূন্য এ বালুকা-লীন বেলাতে,
 এই ফেন-ভরঙ্গের খেলাতে ।

হলে বে, হলে রে, অশ্রু হলে বে

আঘাত কবিতা বক্ষ-কূলে বেঃ।

সম্মুখে অনন্ত লোক,

যেতে হবে যেথা হোক,

অকূল আকূল শোক হলে রে

ধায় কোন্ দূর স্বর্ণ-কূলে বে !

আঁকড়ি থেকে না অন্ধ ধরণী,

খুলে দে খুলে দে বন্ধ তরণী !

অশান্ত পালের 'পরে

বায়ু লাগে হাহা করে',

দূরে তোঁর থাক পড়ে ধরণী !

আর না বাথিস্ রুদ্ধ তরণী !

পূজা ।

আজিকে তুমি ঘুমাও আমি জাগিয়া রব ছন্দারে,

বাথিব আলি' আলো ।

তুমি ত ভাল বেসেছ আজি একাকী শুধু আমারে

বাসিতে হবে ভালো ।

আমার লাগি তোমারে আর হবে না কভু সাজিতে,
তোমার লাগি আমি
এখন হ'তে হৃদয়খানি সাজায়ে ফুল-রাজিতে
রাখিব দিনযামি' ।

তোমার বাহু কত না দিন শ্রান্তিহীন ভুলিয়া
গিয়েছে সেবা করি' ।
আজিকে তারে সকল তার কর্ণ হ'তে তুলিয়া
রাখিব শিরে ধরি' ।
এবার তুমি তোমার পূজা সাক্ষ করি চলিলে
সঁপিয়া মনপ্রাণ,
এখন হ'তে আমার পূজা লহ গো আঁখিসলিলে,
আমার স্তবগান ।

সন্তোাগ ।

ভাল তুমি বেসেছিলে এই গ্রাম ধরা,
তোমার হাসিটি ছিল বড় সুখে ভরা ।
মিলি নিখিলের স্রোতে
জেনেছিলে খুসি হতে,

হৃদয়টি ছিল তাই হৃদি প্রাণহরা ।
তোমার আপন ছিল এই, গ্রাম ধরা ।

আজি এ উদাস মাঠে আকাশ বাহিয়া
তোমার নয়ন যেন ফিরিছে চাহিয়া ।

তোমার সে হাসিটুক,
সে চেয়ে-দেখার হুথ
সবারে পরশি চলে বিদায় গাহিয়া
এই তালবন গ্রাম প্রান্তর বাহিয়া ।

তোমার সে ভাললাগা মোর চোখে অঁকি',
আমার নয়নে তব দৃষ্টি গেছ রাখি' ।

আজি আমি একা-একা
দেখি দুজনের দেখা,
তুমি করিতেছ ভোগ মোর মনে থাকি'
আমার তারায় তব মুগ্ধদৃষ্টি অঁকি' ।

এই যে শীতের আলো শিহরিছে বনে,
শিরীষের পাতাগুলি ঝরিছে পবনে —

তোমার আমার মন
খেলিতেছে সারাক্ষণ

এই ছায়া-আলোকের আকুল কল্পনে,
এই শীত-মধ্যাহ্নের মর্ম্মরিত বনে ।

আমার জীবনে তুমি বাঁচ ওগো বাঁচ !
তোমার কামনা মোর চিত্ত দিয়ে বাচ।
যেন আমি বুঝি মনে
অতিশয় সঙ্গোপনে
তুমি আজ মোব মাঝে আমি হয়ে আছ।
আমাবি জীবনে তুমি বাঁচ ওগো বাঁচ ।

সম্পূর্ণ।



বর্ণানুক্রমিক সূচী ।

অত চুপি চুপি কেন কথা ঝুও ...	...	৪৭
অমল কমল সহজে জলের কোলে	...	৭৮
অন্ন লইয়া থাকি, তাই মোর ...	...	৮২
আজ মনে হয় সকলেরি মাঝে ...	...	১২৫
আজিকে তুমি ঘুমাও আমি জাগিয়ে রব ছয়াবেরে ...	...	১২০
আজিকে হয়েছে শান্তি জীবনের ভুল ভ্রান্তি সব গেছে চুকে		২০
আজি প্রভাতে ও শান্ত নয়নে ...	...	৭
আজি মোর দ্রাক্ষাকুঞ্জবনে ...	...	১২৭
আজি বর্ষশেষ দিনে, গুরু মহাশয় ...	...	১৬
আজি হেমস্তের শান্তি ব্যাপ্ত চরাচবে	...	৮৭
আঁধারে আবৃত ঘন সংশয় ...	...	৭৭
আপনার মাঝে আমি করি অমুভব	...	১৭৪
আমার এ ঘবে আপনার করে ...	...	৬৬
আমার এ মানসের কানন কাঙাল	...	১১৮
আমার ঘরেতে আর নাই সেখে নাই	...	১৬৮
আমি পরাণের সাথে খেলিব আজিকে	...	৪২
আমি যে তোমায় জানি, সেত কেউ	...	১৫৮
আবার আমার হাতে বীণা দাও তুলি	...	৮৯

এ আমার শরীরের শিরায় শিরায়	...	৯০
এ কথা মানিব আমি এক হতে ছুই	..	১১৯
এ কথা স্মরণে রাখা কেনগো কঠিন	...	১১০
একাধারে তুমিই আকাশ, তুমি নীড়	...	১১৩
এ কি কোতুক নিত্য-মৃতন ...	...	১৪৫
এ সংসারে একদিন নব বধুবেশে ...	..	১৭৮
এস বসন্ত এস আজ তুমি ...	...	১৮৩
ওয়ে মৃত্যু, জানি তুই আমার বন্ধের মাঝে	...	৩২
ওহে অন্তরতম ...	...	১৪২
কত না তুষারপুঞ্জ আছে স্তম্ভ হয়ে	...	১০ ৭
কত রাত গিয়েছিল হায়, বয়েছিল বসন্তের বায়	...	১১
কারে দূর নাহি কর ! যত করে দান	..	৯৯
কাল যবে সন্ধ্যাকালে বন্ধুসভাতলে	...	৯৩
কালি হাশ্তে পরিহাসে গানে আলোচনে	...	১০০
কাব্যের কথা বাঁধা পড়ে যথা ...	...	৭৩
কে তুমি দিয়েছ স্নেহ মানব-হৃদয়ে	...	১২
কোটি কোটি ছোট ছোট মরণেরে ল'য়ে	...	৫৩
কোথা হতে আসিয়াছি নাহি পড়ে মনে	...	১০১
ক্রমে গ্লান হয়ে আসে নয়নের জ্যোতি	...	৫৫
গোধূলি নিঃশব্দে আসি আপন অঞ্চলে ঢাকে যথা	...	১৮ ৭

ঘরে যবে ছিলে মোরে ডেকেছিলে ঘরে	১৬৯
ঘাটে বসে আছি আনমনা ...	৮৫
চির কাল একি লীলা গো— ...	৩
জগতের মাঝে কত বিচিত্র তুমি হে...	১৫৬
জননী জননী বলে ডাকি তোরে ত্রাসে	১৬
জন্মেছি তোমার মাঝে কণিকের তরে	১৫
জয় হোক মহারাণী ! রাজরাজেশ্বরী	১৩৩
জাগরে জাগরে চিত্ত জাগরে ...	১৮৮
জীবনে আমার যত আনন্দ ...	৭২
জীবনের সিংহদ্বারে পশিলু যে কণে	৫৭
জালো ওগো জালো ওগো সন্ধ্যাদীপ জালো	১৮৭
তখন করিনি নাথ কোন আয়োজন	৯৮
তখন নিশীথ রাত্রি, গেলে ঘর হতে	১৬৭
তব পূজা না আনিলে দণ্ড দিবে তারে	১০৫
তব প্রেমে ধস্ত তুমি করেছ আমারে	১১৪
তুমি তবে এস নাথ, বস শুভকণ্ঠে...	৯৪
তুমি মোর জীবনের মাঝে ...	১৭৫
তোমার অসীমে প্রাণমন লয়ে ...	৮০
তোমার ঈজিত খানি দেখিনি যখন	১০৪
তোমার পতাকা ধারে দাঁও, তারে...	৮৩

তোমাব ভুবন মাঝে ফিরি মুগ্ধসম...	...	৯৩
তোমার সকল কথা বল নাই, পারনি বলিতে	...	১৭৩
তোমারি রাগিনী জীবনকুঞ্জে ...	...	৬৮
তোমাবে বলেছে যারা পুত্র হতে প্রিয়	...	১১১
হুর্দিন ঘনায়ে এল ঘন অন্ধকারে ...	...	১১৬
দীর্ঘকাল অনাবৃষ্টি অতি দীর্ঘকাল...		১১৭
দেখিলাম খানকয় পুরাতন চিঠি ...	..	১৭৭
দেবি ! অনেক ভক্ত এসেছে তোমার চরণতলে	...	১২৯
দেহে আর মনে প্রাণে হয়ে একাকার	...	৯১
দোলেবে প্রলয় দোলে ...	..	২৫
নব নব প্রবাসেতে নবনব লোকে...	...	৫৬
নানা গান গেয়ে ফিরি নানা লোকালয়	...	৯৪
না বুঝেও আমি বুঝিছি তোমারে...		৭৪
নির্জন শয়ন মাঝে কালি রাত্রি বেলা	...	৯৭
নিশীথ শয়নে ভেবে রাধি মনে ...	...	৬৭
পথে যত দিন ছিল, তত দিন ...	...	১৬১
পরাগ কহিছে ধীরে হে মৃত্যু মধুর...	...	১৭
পাগল বসন্ত দিন কতবার অতিথির বেশে	..	১৮২
পাঠাইলে আজি মৃত্যুর দূত ...	...	৫
প্রতিদিন আমি হে জীবনস্বামী	...	৬৫

প্রতিদিন তব গাথা	...	...	৬৩
প্রভাতে যখন শঙ্খ উঠেছিল বাজি	...	...	১০২
প্রেম এসেছিল, চলে গেল সে যে খুলি দ্বার	...	...	৫৯
বহবে যা এক করে ; বিচিত্রে করে যা সরস	...	...	১৮৫
ভক্ত কবিছে প্রভুর চরণে	...	...	৮১
ভাল তুমি বেসেছিলে এই শ্রামধরা	...	...	১৯১
মধ্যাহ্ন নগর মাঝে পথ হতে পথে	...	...	৮৬
মনে হয় সৃষ্টি বুঝি বাঁধা নাই নিয়ম নিগড়ে	...	...	৩১
মর্ত্যবাসীদের তুমি যা দিয়েছ প্রভু	..	...	১০৮
মহারাজ, ক্ষণেক দর্শন দিতে হবে	...	...	১০১
মাঝে মাঝে কত বার ভাবি কর্মহীন	...	...	৮৮
মাতৃস্নেহ বিগলিত স্তন্য-ক্ষীররস	...	...	১১০
মিলন সম্পূর্ণ আজি হল তোমাসনে	...	...	১৭১
মৃত্যুও অজ্ঞাত মোর ! আজি তার তরে	...	...	৫৮
মৃত্যুর নেপথ্য হতে আরবার এলে তুমি ফিরে'	...	...	১৭৩
মোর আছে অঙ্গে অঙ্গে যেন আজি বসন্ত উদয়	...	...	১৩৯
যতকাল কাছে ছিলে বল কি উপায়ে	...	...	১৭০
যদি এ আমার হৃদয় হ্রয়ার	...	...	৭০
যারা কাছে আছে তারা কাছে থাক্	...	...	৭৫
যেন তার আঁখি ছুটি নব নীল ভাসে	...	...	১৯

যে ভক্তি তোমারে লয়ে ধৈর্য্য নাহি মানে	...	১০৯
যে তাবে রমণীরূপে আপন মাধুরী	...	১৮৬
রোগীর শিয়রে রায়ে একা ছিন্ন জাগি	...	৯২
বজ্র যথা বর্ষণেরে আনে অগ্রসবি'	...	১৮৭
বৈরাগ্য সাধনে মুক্তি, সে আমার নয়	...	৯৫
সংসার যবে মন কেড়ে লয়	...	৭১
সংসার সাজায়ে তুমি আছিলে রমণি	...	১৮১
সংসারে মোরে রাখিয়াছ যেই ঘরে	...	১২০
সকল গর্ষ দূর করি দিব	...	৭৯
সবাই যাহাবে ভালবেসেছিল	...	৬
সেইত প্রেমের গর্ষ, ভক্তির গৌরব	...	১০৬
সে ছিল আরেক দিন এই তরী পবে	...	১৮
সে ত সে দিনের কথা বাক্যহীন যবে	...	৫৫
সে যখন বেঁচেছিল গো, তখন	...	৮
স্বপ্ন আশু এ জীবনে যে করি আনন্দিত দিন—	...	১৭৯
হায়, কোথা যাবে	...	৯
হে অনন্ত, যেথা তুমি ধারণা-অতীত	...	১১২
হে দূর হইতে দূর, হে নিকটতম	...	১১৫
হে রাজেন্দ্র, তব হাতে কাল অন্তহীন	...	১৪৩
হে লক্ষ্মী, তোমার আজি নাই অন্তঃপুর	...	১৭২